


შალვა დადიანი
როდღის ეორქია

სტალინი ტრატურაში

ნარკვევი





1904-1905 წლების პერიოდში ამიერ-კავკასიის ბოლშევიკები, ამხანაგ სტალინის ხელმძღვანელობით, ატარებენ ბრძოლას მენშევიზმის მხილება-ბისათვის და მუშათა მასების თავის მხარეზე გადაუხანისათვის.


რ.ს.-დ.მ.პ. კავკასიის კავშირის კომიტეტი ამხანაგ სტალინის ხელმძღვანელობით აწყობს დისკუსიას მენშევიკებთან მთელ რიგ ქალაქებსა და რაიონებში...

მთელი რიგი დისკუსიები ეწყობა სხვადასხვა დროს ვიათურაში, მარბანეცის თითქმის ყველა მაღაროში (პარკვისა, შუქრუთი და სხვ.)...

ვიათურის დისკუსიებში მენშევიკებმა სრული დამარცხება განიცადეს. სოციალ-დემოკრატი მუშათა უდიდესი უმრავლესობა ბოლშევიკებს მიეხსრო.

ამხანაგი სტალინი ვიათურაში აარსებს პარტიის ბოლშევიკურ სამაზრო კომიტეტს, მოწინავე აქტივისტ მუშებისაგან გამომდის პ.ოკაბანდისებთან ჯგუფს, აგრეთვე ამჟღავნებს აქტივის სპეციალურ ჯგუფს ვიათურის რაიონის გლეხთა შორის საგუშაოდ.

დ. ბერია. „ამიერ-კავკასიის ბოლშევიკური ორგანიზაციების ისტორიის საკითხისათვის“.



ნ ა ნ ი ლ ი პ ი რ ე ე ლ ი



წინათ და ახლად

სულამ ჭიათურაში 'ამაყად დგას კოხტა ობელისკი სწორედ იმ ალაგას, სადაც ამ 35 წლის წინათ ერთ დიდ მიტინგზე კობამ გამანადგურებელი პასუხი გასცა მენშევიკებს, ესერებს, ანარქისტებს, ფედერალისტებს და სხვა ბურჟუაზიულ-ნაციონალისტური პარტიების წარმომადგენლებს და თავისი მტკიცე ხელით საბოლოოდ ჩამოაყალიბა და გადაარჩინა ბოლშევიკურ პარტიაში ადგილობრივი მალაროელები და მტვირთაეები.

• • •

უახლოვდებით ჭიათურას—და მშვენიერი სურათი გადაგეშლება თვალით: ჩახრამულ მთა-გორაკებზე გაშენებულია სოფლები, შეფუთული მცენარეთა მწვანე ხალისით და გარშემორტყმული ვენახებით, სიმინდის ყანებით და სხვა სახნავ-სათესი მამულებით. ამ გორაკებს რომ დაუკვირდებით და გვერდიდან შეხედავთ, შეამჩნევთ მრავლად რაღაც გამოქვაბულებს, ანუ უკეთ მალაროებს. ეს მალაროები კი ხშირად გამოთხრილია თვით სახლებსა და წყაროებს ქვეშ, საიდანაც ყოველწლიურად გამოაქვთ მილიონ ტონობით შავი ქვა.

საბჭოთა ხელისუფლების დამყარების შედეგ და განსაკუთრებით მას შემდეგ, რაც საქართველოს მშრომელთა სათავეში ჩაუდგა ჩვენი ქვეყნის სასახლო შვილი ამხანაგი ლ ა ვ რ ე ნ ტ ი ბ ე რ ი ა,

ქიათურისა და მალაროების ხედი სრულიად შეიცვალა. სანდლა არის ის ლაფიანი ქუჩები, გაუვალი ტალახი, რკინიგზის პლატფორმებზე ურმებით და ჩალვადრის ცხენებით მოტანილი შავი ქვისაგან რომ იყო დამდგარი.

ალარსად დგას ძველებურად რკინიგზასთან შავი ქვის უზარმაზარი ზვინები, თუ არ ვიანგარიშებთ სოფ. რვანიდან ქიათურაში საჰაერო გზით ჩამოტანილ მადანს, რომელიც სრულებით განრიდებულია ქალაქსა და რკინიგზის სადგურს.

ახლა თქვენ მოივლით სპეტაკი თეთრი ტანისამოსით მთელს ქიათურას, და არსად შავი მტვერი არ მოგეცებათ: ქუჩები მოასფალტებული, კოპწია ახალი სახლები, დასუფთავებული, ყვირილის ნაპირა ბალ-ყუვეილნარით შემოსილი.

მაგრამ რაც მთავარია ქიათურისა და მისი რაიონისათვის, ეს არის, რომ 1934 წლადან დღემდე უდიდესად გაიზარდა მარგანეცის მრეწველობა, მოხდა მისი რეკონსტრუქცია, დიდად ამაღლდა მუშათა კულტ-საყოფაცხოვრებო პირობები.

შავი ქვის წარმოება გადაიქცა საქართველოს მრეწველობის დარგთა შორის წამყვან დარგად, და 5-წლიანი გეგმა, მაგ. 1936 წელს, 3 წელიწადსა და 10 თვეში შესრულდა.


წარმოების რეკონსტრუქციამ. მექანიზმების განვითარებამ და მუშათა მატერიალური და საყოფაცხოვრებო პირობების ძირფესვიანმა გაუმჯობესებამ მოამზადა იმის პირობები, რომ მარგანეცის მრეწველობაშიც მძლავრად შექრილიყო სტახანოვური მოძრაობა.

ქიათურის მარგანეცის მრეწველობამ ჩვენს რესპუბლიკაში პირველმა დაარწია სტახანოვურა აკვანი.

ახლა უკვე მთელს კავშირში იცნობენ ორდენოსანს, მუშა მნგრეველს, ამჟამად საკავშირო უმაღლესი საბჭოს დეპუტატს ანხ. ვასილ სამხარაძეს, რომელსაც შემდეგში მოჰყვა მთელი წყება სახელოვანი სტახანოველებისა.

ამგვარად, ისტორიას ჩაბარდა ძველი, პრიმიტიული „ტექნიკა“ — საჰაბანო ტრანსპორტი, მარგანეცის გაუხვების პრიმიტიული „მექანიზმი“, და მათი ადგილი დაიკირა ახალმა საშუალებებმა: ესაა ელმავლები, სატვირთი მანქანები, ელბურღები, საჰაერო გზები და ბაგირები, ახალი გამაუხვებელი ქარხნები და პირველხარისხოვანი გზატკეცილები. ამჟამად მთლიანად მექანიზირებულია ზედაპირის ტრანსპორტი.

ჩატარებულმა ტექნიკურმა რეკონსტრუქციამ და მექანიზაციის



კოთურა. ობელისკი, აღმართული იმ ადგილზე, სადაც ამხანაგმა სტალინმა 1905 წლის ივლის-ში მრავალრიცხოვან მობინგზე გამანადგურებელი პასუხი გასცა მენშევიკებს, ანარქისტებს და ფედერალისტებს.

გაშლა-განვითარებამ კი, ცხადია, უზრუნველყო მექანიზირებულ
გამოღების შეუღარებელი ზრდა.

შავი ქვის აღმოჩენამდე

ხოლო რას წარმოადგენდა ეს, ახლა აყვავებული, მხარე ამ რა-
მდენიმე ათეული წლის წინათ? იქ, სადაც ამჟამად ირგვლივ
სოფლებში კოლექტივიზებულია სოფლის მეურნეობის 79% და
კოლმეურნეობები მტკიცედ და ურყევად მიდიან შეძლებული და
საამური ცხოვრების გზით სტალინური საკოლმეურნეო წესდების
გატარების საფუძველზე, იქ წინათ ასეთი სურათი გადაგვეშლ-
ბოდა თვალწინ.

„... შავი ქვის აღმოჩენამდე და მისი წარმოების განვითარებამ-
დე მთელს საქართველოში არ მოიძებნებოდა ისეთი ყველაფრით
ღარიბი კუთხეო -- სწერენ გაზ. „ივერია“-ში 1888 წ.—როგორც
ეს რაიონი იყო. მთელი ეს არე მიმოქრილია მთებით, კლდეებით
და გორაკებით. ხალხი ცხოვრობდა ამ მთების კალთებზე, ე. ი.
ხნავდნენ კლდეებს და სთესდნენ სიმინდს მხოლოდ თავიანთ სამ-
ყოფს. როგორი ძნელია კლდეების ხვნა და ნათესების მოვლა, ეს
ყველასათვის ცხადია. ზოგ ადგილას კავით რომ ვერ უღებიან,
მიწას ბარავენ ანდა სთონნიან. დაქანებულ ადგილებს და მათთან
ერთად ნათესებს ნიაღვრები და წვიმები რეცხავენ და ანადგურე-
ბენ, ამიტომ ირგვლივ სიღარიბე იყო გამეფებული და ადგილობ-
რივ მცხოვრებთ წლის სარჩო არა ჰყოფნიდათ“.

საქართველოს დიდი პოეტი, ჩვენი კლასიკოსი აკაკი წერეთელი
ერთ თავის წერილში ამბობს, რომ ეს რაიონი ნაძრახ ადგილად
ითვლებოდა, მეტსახელად „საქაჭეთი“ ეწოდებოდაო, და მოჰყავს
ერთი მაგალითი:

სოფლებში მოგზაურობის დროს კიათურაში მცხოვრებ ერთ
გლეხს შევხვდი. გლეხი ახალგაზრდა იყო, კარგი თვალ-ტანადი და
ქალ-ლონით სავსე ვაჟკაცი, მაგრამ ეს ბუნებით უხვად დაჭილდო-
ვებული ადამიანი მეტად დაღონებული და დადარდიანებული იყო
შემდეგი გარემოებით: უცოლო იყო, იქვე მეორე მაზრაში—გასათ-
ხოვარი გოგო შეჰყვარებოდა და ქალს კი ცოლად არ აძლევდნენ
მშობლები: „ქალი რომ საქაჭეთში არ გავათხოვოთ, ქვეყანაზე გა-
ნა მამაკაცი აღარ მოიპოვებო“.

მაგრამ ასეთ „საქაჭეთში“ მცხოვრები მშრომელი მოსახლეობა,
ჩაღა თქმა უნდა, არა მარტო მწირი ბუნების გამო იყო გატანკუ-
ლი, არამედ მასაც ახსოვს ბატონყმობის მძიმე მუხრუჭი და მება-

ტონეებში თავისებური „იოანე მრისხანეები“ და „ავ-გიორგები“.

ვინ იცის, რამდენ გლესს დაბნელება დღე ავზნიანი მებატონის მიერ და რამდენი ოჯახი განადგურებულა მათი მიმძღავრებისაგან. სოფ. რგანში არის დარჩენილი ამბავი, რომ მებატონე იოანე აბაშიძემ გლეს კავთელაძეს ერთი ხაჭაპურის შეკმისათვის მოზვერი წაართვა და დაჰკლა სასადილოდ, და ვინ იცის კიდევ რამდენი ასეთი უსამართლობა სწვევიათ გლესებს თავგასულ მებატონეთაგან სულ უბრალო მიზეზის გამო.

ჩვენ განგებ არ მოგვყავს ბატონყმობის დროს მებატონეთა სხვა სისასტიკენი. ამ უბრალო მაგალ-ითითაც გასაგებია, თუ როგორი თავგასულები იყვნენ მებატონეები.

მოგესხენებთ, რომ ვერც ბატონყმობის გადავარდნამ უშველა გლესს, რადგან მიწა სამფლობელოდ მაინც ბატონს დარჩა, და გლესი იძულებული იყო კვლავ მებატონეზე ყოფილიყო დამოკიდებული. გლესს არ ჰქონდა არავითარი საკუთრება, უკეთუ თავს არ გამოისყიდდა, და ეს ეგრეთწოდებული თავის დახსნაც მამასისხლად უჭლებოდა. ზოგი სულ ვერ ახერხებდა ამას და მთელი თავისი სიცოცხლე „ღროებით ვალდებულად“ რჩებოდა და ბატონს „ნადელს“ აძლევდა. გლესს უფლება არ ჰქონდა ტყით ესარგებლნა, უბრალო ფიჩხსაც ვერ გამოიტანდა ნებადაურთველად, უფლება არა ჰქონდა მდინარეში თევზის ჭერისა, ნადირობისა და სხვ. კანონი მას აუცილებლად დასჯიდა, რადგანაც ტყეც, მდინარეც, სანადირო ადგილებიც მებატონის ხელში იყო. ჭიათურის რაიონში სომ შავი ქვაც თვით თავდახსნილ გლესს არ ეკუთვნოდა. მიწის ზედაპირი შეიძლება გლესის ყოფილიყო, ზედ ყანაც ჰქონოდა დათესილი და სხვ. მაგრამ ბუნების წიაღში მდებარე მადანი კი მებატონის კუთვნილებას შეადგენდა, რადგან კანონი იყო ასეთი. კანონი ძღვერის მხარეზე იყო, გლესს უფლებები ყველგან შეკვეცილი ჰქონდა, ამიტომაც იგი დაბეჩაებული, ქედდადრეკილი და ბედს შერიგებული იყო...

იყვნენ კიდევ სხვა ჯურის მებატონეები. ისინი ვითომ თავს დაახსნევიანებდნენ თავიანთ ყმებს, მაგრამ ხშირად ამას არ გაფორმებდნენ ოფიციალურად: შინაურ თამასუქს ჩამოართმევდნენ და ფულის შეტანის ვადებს დაუნიშნავდნენ. გლესს თუნდა ვადაზე მოეტანა, მებატონე დაემალეობოდა და შემდეგ „უშარებდა“— ფული ვადაზე არ მოგიტანიო, და ორმაგ ფასს სთხოვდა თავის დასახსნელად. გლესსაც რა უნდა ექნა? რის ვაი-ვაგლახით, შიმშილით და აუტანელი შრომით შეაგროვებდა საჭირო თანხას.



ქალ. კიათურა შავი ქვის წარმოების დაწყების პირველ ხანებში

მაგრამ მიწას ჩაიბარებდა და შეუღლებოდა თუ არა შავი ქვის დამუშავებას, ახლა უკვე „კანონიერი“ გზით დააცხრებოდა გლეხს მებატონე და ახლა მადანს წაართმევდა.

ამგვარად ყოველი მხრით შეზღუდული იყო გლეხი და ისიც იძულებული იყო ქირით ემუშავნა სადმე მაღაროში ან მტვირთავად, მაგრამ თუ როგორი იყო ეს მუშაობა, ამას ქვევით დაინახეთ.

ვინ აღმოაჩინა შავი ქვა

ქიათურის შავი ქვის მრეწველობის საქმე მალე შეექმნა ათწლეულს მიაღწევს მას შემდეგ, რაც პირველი წერაქვი მოხვდა შავი ქვის ფენას და პირველად შემოთოდა აქამდე უძრავი ბუნების სიმდიდრე. მანამდე კი ცნობილია, რომ 1858 წელს მკვლევარმა აბიხმა ასწერა ქიათურის რაიონის ორი შავქვიანი ბეგი: „ბასილის კლდის პირი“ და „შაგაურის ბოლო“ და დაამტკიცა შავი ქვის არსებობა საქართველოში, ხოლო პრაქტიკულად მისი აღმოჩენა მიეწერება ჩვენს სასიქადულო პოეტს აკაკი წერეთელს.

შავი ქვა მან აღმოაჩინა.

რა არის ეს შავი ქვა?

მას საქართველოში ხალხი წინათ ქვა-გუნდას ეძახდა, მაგრამ ეს სახელი როგორღაც მივიწყდა. უბრალო, სასაუბრო ენით, ამჟამად ყველა შავ ქვას ეძახის, მეცნიერულად კი სპეციალისტები მას მ ა ნ გ ა ნ უ მ ს უწოდებენ.

მანგანუმი კი, როგორც ვიცით, არის ლითონი, რომელიც თავისი სახით, შემადგენლობით, აგებულებით და სპეციფიკური წონით წააგავს რკინას, თავისი ბრწყინვალე ფერით კი — ანთიმონიუმს.

მანგანუმი იხმარება, როგორც შემადგენელი ნაწილი ზოგიერთი შენადნობისა, რომელიც უაღრესად საჭიროა რკინის, ფოლადის, შუშისა და სხვა ქიმიურ მრეწველობაში; ამიტომ იგი მეტად პრაქტიკული ლითონია. მაგ., ფოლადის მრეწველობა შავი ქვის ერთერთი ძირითადი მომხმარებელია, რაც სჩანს იქიდან, რომ მთელს მსოფლიოში ნაწარმოებ შავი ქვის თითქმის 90% ხმარდება ფოლადის წარმოებას.

ვიკმაროთ ეს ზოგადი ცნობები და ნულა გამოვუდგებით ამ მადნის დაწვრილებით, სპეციალურ განხილვას, ოღონდ ეს კი მოვიხსენიოთ, რომ ქიათურის შავი ქვის ხარისხი მეტად მაღალია,

უმეტეს შემთხვევაში არ მოითხოვს გაუხვებას, შეიცავს ლითონის 48—50%-ს და სანგრევებში გადარჩევისას უკვე წარმოდგენს ხაბაზრო მადანს.

ახლა დავუბრუნდეთ აკაკი წერეთელს. აღმოაჩინა მან შავი ქვა, გაიგო ამ ლითონის პრაქტიკული გამოსადეგობა და შეუდგა კიდევ საქმის მოგვარებას. თავის ნათესავ ქალს გამოართვა იჯარით შავქვიანი ადგილი, რამაც დიდი გაკვირება გამოიწვია ირგვლივ, იშოვა ფულიანი კაცი და მუშაობას შეუდგა, მაგრამ...

პოეტს ვერ წაუვიდა საქმე წაღმართად, რადგანაც შავი ქვის პატრონმა, ვისგანაც იჯარა ჰქონდა აღებული, პირი შეუშალა და თავისი დოვლათი იჯარითვე სხვას გადასცა. თვითონ პოეტი კი — ეს პირველი პიონერი შავი ქვის დამუშავებისა საქართველოში — დიდი ნაზარალევი დარჩა და, ასე გასინჯეთ, დაცინვის საგანიც კი გახდა. პოეტი მოგვითხრობს: ჩემს შესახებ ერთმა ინტელუგენტმა გასაკიცხავი სტატიაც დაბეჭდა და სხვათა შორის ამბობდა: „პოეტი ვარსკვლავს უნდა შეჭიკიკებდეს, რა მისი საქმე იყო, რომ აკაკი წერეთელი მადნეულის საქმეს გამოეკიდაო“.

ორი სიტყვა შავი ქვის მრეწველობაზე

აკაკის შემდეგ ქიათურის ჰორიზონტზე გაჩნდა უცხოეთის ფირმის წარმომადგენელი, ვინმე ბარონ მერცენფელდი. მან დაიწყო სოფელ რგანში მუშაობა. ეს იყო 70-იან წლებში. მაშინ, რასაკვირველია, ქიათურის რკინიგზა გაყვანილი არ იყო, და მალარობეში ამოღებული მადანი ეგრეთწოდებული დიდწიფელის გზით ზესტაფონში უნდა წაეღოთ. მადანი უნდა წაეღოთ ან ურემებით ან ჩალვადრებით. ზესტაფონში ჩასვლას თითქმის ორი დღე უნდებოდა. იმავე დროს ივანე მუხრანბატონმა სწორედ იმ ადგილებში, რომელიც აკაკის ჰქონდა იჯარით აღებული, დაიწყო მადნის გადატანა კორბოულის გზით სადგურ გომში, ქართლში. ამისათვის ორთავე მრეწველს დაქირავებული ჰყავდათ მეურმეთა და ჩალვადართა ზემდეგები ანუ თავმდგურები, და როდესაც შავმა ქვამ უცხოელთა სხვა ფირმების წარმომადგენლებიც მიიზიდა: იტალიელები, ბერძნები, გერმანელები და სხვები, მაშინ ყველა ამ ფირმების ზემდეგებს ძალიან ხშირად მოსდიოდათ ჩხუბი ერთიმეორესთან. საქმე ის იყო, რომ როცა მეორე ფირმა ვერ იშოვნოდა ურემს თუ ჩალვადარს, ზემდეგები დაუხვდებოდნენ ერთიმეორეს, წაართმევდნენ ურემს ან ჩალვადარს, ხშირად ახანჯლავდნენ კი-

დეც ერთმანეთს და გაუჩრეხდნენ თავისაში სხვის მადანს. ეს ზემდეგები იყვნენ ნაყაჩაღარი ხალხი, კუდაბზიკა აზნაურები.

უცხოელებს თანდათანობით შემოემატრენ ქართველი წვრილი მრეწველებიც, და მათ შორის ყველაზე უფრო მარჯვი მიწარმენი: პავლე მოსეშვილი და გედეან ჩუბინიძე. რომელთა გამოჩენასაც მაშინდელი ბურჟუაზიელი იდეოლოგიის პრესა სისხარულათ შიგნედა. თვით ვიორგი წერეთელიც აღტაცებული იყო მათი გამოჩენით.

„მოსეშვილისა და ჩუბინიძის მაგალითმა იმოქმედა არამც თუ მთელი მადნებ-ს მეპატრონეებზე. იმათმა მაგალითმა ინტელიგენციის წარმომადგენლებიც კი გამოიწვია მრეწველობის ასპარეზზეო“.— შენიშნავს ამ აზბით აღტაცებული ვიორგი წერეთელი, და მართლაც. ზემოსხენებულ ქართველ მრეწველთა აღკადან შეემატა ერთ დროს ლატვირატურაშიაც საკმაოდ ცნობილი და საზოგადო მოღვაწე ნიკოლოზ ლოდობერიძე. მან თავისი კანტორის საქმე ნამდვილ ევროპულ ყაიდაზე დააყენა და მოიმაღლიერა როგორც ნოქრები, მოიჯარადრეები. ისე მუშებიც, რადგან ფულს სხვებზე მეტს აძლევდა, ყოველკვირეულად და ზუსტად უსწორებდა ანგარიშს და სხვა. მას უშუალო კავშირი ჰქონდა ევროპის ბაზართან. აგრეთვე ცნობილია, რომ მან შემოიკრება თავის კანტორაში ცნობილი მწერლები და საზოგადო მოღვაწენი: ე. ნინოშვილი. პ. უმიკაშვილი, თ. სახოკია და სხვ. ცხადია, რომ ასეთი ხალხი სულ სხვანაირად ეპყრობოდა მუშებსა და მტვირთველებს. ვიდრე უცხოეთისა ან სხვა ქართველთა ფირმები. მაგრამ ისიც აშკარაა, რომ მუშის ექსპლოატაცია არც ამგვარი მოპყრობით შემცირებულა, რადგან ყოველ კაპიტალს, უცხოთა თუ შინათრს, ერთგვარი ბუნება აქვს, და მშრომელთა ექსპლოატაციას იგი არ მოიშლას. კიათურაში კი უწინარეს ყოვლისა წონაში ეგრეთწოდებული „სკიდ-კის“ გამოკლება, წუნდება, დაკანონებული იყო მრეწველის სასარგებლოდ. და ამის გამო მუშებსა და მტვირთველებს თავიანთი გამომუშავების საფასური მუდამ აკლდებოდათ.

თვით მაღაროებში მტაცებლური მუშაობა სწარმოებდა. ჩამოსკრიდნენ რომელიმე მადნიანი ნაკვეთის წინაპირს, შევიდოდნენ რამდენიმე საყენზე. არც გამაგრება ბიგებით. არც ქვის თალის ამოშენება არ იყო მაშინ მიღებული. როდესაც გამოიტანდნენ, ვთქვათ, ორი კვირის საყოფ მადანს, მიატოვებდნენ და სკრიდნენ ახალ ნაკვეთს. ამგვარად იღუპებოდა მთელი ნაკვეთები. ჩამონგრეულის იქით რჩებოდა უზარმაზარი განძი მადნისა. იყვნენ

ისეთი მრეწველებიც, რომელნიც ამაგრებდნენ ბიგებით, მიდიოდნენ სიღრმეში ან განზე აკეთებდნენ „შტრეკებს“, აქა-იქ ამაგრებდნენ კიდეც, მაგრამ ამაგვარ მაღარობებში ხშირი იყო უბედური შემთხვევა, და მუშები ზიანდებოდნენ. მუშები დაზღვეული არ იყვნენ, უმეტეს შემთხვევაში არც ხელშეკრულება ჰქონდათ მრეწველებთან, და ამიტომ, რა თქმა უნდა, მათი ზარალი არ იყო ანაზღაურებული.

მაღარობში მუშაობას არ ჰქონდა არავითარი გეგმა, არავითარი მეთვალყურეობა მაშინდელი სამთამადნო სამმართველოს მხრივ. იშვიათად თუ ჩამოვიდოდა რომელიმე სამთამადნო ინჟინერი, დაათვალიერებდა აქა-იქ, დააჯარიმებდა კიდეც მრეწველს, მისცემდა მითითებას და წავიდოდა. მუშაობა კი კვლავინდებურად გრძელდებოდა.

შავი ქვა იმთავითვე იზიდავდა დიდძალ ხალხს, რომელთაც უფრო იოლი შეძენის სურვილი ჰქონდათ. მოდიოდნენ ჩვენი ქვეყნის ყოველი კუთხიდან, მაგრამ ისეთი საეკვო ელემენტები, რომელთაც მსოლოდ დროებითი შოვნის სურვილი ჰქონდათ. ისინი არ დაჯიბებდნენ არც მრეწველობისა, არც მუშების ბედს. მოჰყავდათ მუშები სპარსეთიდანაც, ოსეთიდანაც, მოჰყავდათ სამეგრელოდან კამეჩებიც. მაგრამ კამეჩებმა არ ივარგეს ხრიოკ ადგილებში. ასეთ მწარმოებელთა იდეალი ის იყო, რომ ბოლოსდაბოლოს როგორმე მწონელებად მოწყობილიყვნენ სხვა, უფრო ძლიერ მრეწველებთან.

რკინიგზის გაშენების შემდეგ. თეატრი

ჭიათურაში რკინიგზის გამოყვანამ, რა თქმა უნდა, სრულიად მოაღუნა შესტაფონსა და გომში მადნის ზიდვის საქმე. მაგრამ მაინც საერთოდ „აქიოტაეი“ არ დამცხრალა, და ჭიათურის მთელი ცხოვრება მიმდინარეობდა ერთიმეორის წაგლეჯის გზით, მოტყუებით, მეჭრთამეობით და დაგვირგვინებული ღრეობა-ლოთობით. საღამოობით ჭიათურის ბაზარში არ გაივლებოდა. ყურთასმენა წაღებული იყო არღნის ჭიჭყინათა და ღრიალით. ღოთობდა ყველა მრეწველიც, მოიჯარადრეც, მუშაც.

იმ ხანებში ჭიათურაში არ გაევლებოდა მარტოხელა ქალსაც. მაშინ არც ადგილობრივი მრეწველები და არც სხვა მოსამსახურე პირები ჭიათურაში ოჯახობით არ ცხოვრობდნენ, და ქალის დანახვა ჭიათურაში იშვიათ მოვლენას წარმოადგენდა. ამიტომაც

მთელი ეს ღვინით გაყვანილი, ყაჩაღური განწყობილების ხალხი საშიში იყო მგზავრი ქალისათვის. ადვილად შეიძლებოდა უკადრისი ეკადრებინათ.

არავითარი კულტურული მუშაობის სახე არ მოსჩანდა. გაიხსნა მრავალი სამიკიტნო, სასტუმრო, ღვინის სარდაფები და სხვ. მართალია, იმავე დროს გაჩნდა აქა-იქ სხვადასხვა დაწესებულებებში ქართველი ინტელიგენტი, მაგრამ ამათი უმრავლესობა თავისი-თავის ფუფუნებაზე, შექენასა და შოვნაზე უფრო იყო გადაგებული. თუმცა ამ ინტელიგენტებშიც ერია უკვე საქართველოში ახლად აღმოცენებული მესამე დასის თანამგრძნობელები. ესენი კი შეეცადნენ მუშებში, აქა-იქ, დიდის სიფრთხილით მოეწყოთ განმანათლებელი წრეები. ამათვე დააწყეს კანტი-კუენტად ქართული წარმოდგენების მართვა და ჟურნალ-გაზეთების გავრცელება ადგილობრივ მოსახლეობაში. თუმცა ჟურნალ-გაზეთებიც და წარმოდგენებიც უფრო ზედაფენებისთვის ვრცელდებოდა და იშარებოდა, რადგანაც თვით მუშები აუტანელ პირობებში ცხოვრობდნენ. მუშაობდნენ თუ არ მეტა, უკანასკნელი 16 საათს მაინც, ეძინათ იქვე მაღაროებში. მათი კულტურული დონე ძალიან დაბალი იყო, განსაკუთრებით არა-ქართველი მუშებისა. მათ არ იცოდნენ ჟურნალ-გაზეთების არსებობაც კი. არც ჰქონდათ საკმაო თავისუფალი დრო თვითგანვითარებისათვის. მუშებს არ ჰქონდათ შეკავშირების უფლება. ისინი ძალზე შევიწროვებულნი იყვნენ უფლებრივად და ეკონომიურად. ხოლო, რაც შეეხება თეატრს, თუ ერთის მხრივ აუდიტორიაში მუშების რიცხვი ნაკლები იყო, მეორე მხრივ თვით ეს წარმოდგენებიც შევიწროვებული იყო, და თეატრს დუსჭირ პირობებში უნდებოდა მუშაობა.

თვითმპყრობელობის დროს საზოგადოდ საქართველოში თეატრი განიცდიდა უფულობას, უუფლებობას და დევნასაც კი. ძნელი იყო ამ შესამიან ატმოსფეროში მუშაობა. მაგრამ ხალხის სიყვარულმა და ნათელ პიროვნებათა აქტიურმა მონაწილეობამ გადალახა ყოველგვარი დაბრკოლება და თეატრის საქმე საერთოდ მტკიცე ნიადაგზე დააყენა. ასე მოხდა ქიათურაშიც, სადაც ქართული წარმოდგენების განმტკიცების საქმეშიაც დიდი როლი ითამაშა ცნობილმა რევოლუციონერმა, დიდი სტალინის მოწაფემ, ახალგაზრდა ენტუსიასტმა ალიოშა ჯაფარიძემ, რომელიც შემდეგში ბაქოს 26 კომუნართან ერთად დაიღუპა. ამხ. ალიოშა, გარდა იმისა, რომ ქიათურაში ეწეოდა რევოლუციურ მუშაობას, წარმოდგენების მართვაშიც ეხმარებოდა ადგილობრივ თეატრს, ზოგჯერ თვითონაც იღებდა წარმოდგენაში მონაწილეობას, და თან მუშე-

ბის აუდიტორიით ავსებდა სათეატრო დარბაზს. ამავე დროს ქიათურის თეატრსაც გაუჩნდა ადგილობრივი ძლიერი ძალები სცენას მოყვარეებისა. როგორც, მაგ., ამჟამად რუსუბლიკის დამსახურებული არტისტი გ. ნუცუბიძე. ნატალია სისარულიძე-კირთაძე და სხვ., და შეემატნენ პროფესიული მსახიობები. მათ შორის დიდი ამაგი მიუძღვის განსვენებულ ვალერიან შალიკაშვილს, სახალხო არტისტ ალ. წუწუნავას და შალვა დადიანს. ყველა ესენი ახერხებდნენ თვითმპყრობელობა დროს შეერჩიათ ისეთი რეპერტუარი, რომელიც მუშათა საქმეს ასე თუ ისე ემსახურებოდა და აღვიბებდა მათში ბრძოლის სურვილს.


ასე იყო თვითმპყრობელობის დროს.

ქენშევიკებმა კი სიმწრით შექმნილი საქმე პირდაპირ დაღუპვის პირამდე მიიყვანეს. ისინი არა თუ არაუთარ დახმარებას არ უწყევდნენ თეატრს, არც კი ანტერესებდათ მისი ბედი. თეატრი „დემოკრატიულ სამოთხეში“ გერბის მდგომარეობაში იყო და ძლივს-და ბოგინობდა.

მხოლოდ დიდმა პროლეტარულმა რევოლუციამ მოუტანა სიცოცხლე და განახლება თეატრს. თეატრი კერძო ქველმოქმედების საგნიდან სახელწიფო მხრუნველობის საქმიან იტყა და მასების აღზრდის მძლავრი ფაქტორი შეიქნა. ქიათურის თეატრი აღსდგა მკვდრეთით. 1921 წლიდან იწყება მისი თანდათანობითი ზრდა და ბურჟუაზიული შემკვიდრებისაგან განთავსუფლება. თეატრი ამჟამად ახალი ცხოვრების სულისკვეთებით მიემართება თავის შემოქმედებაში. ადვილი როდი იყო ამ ახალი ცხოვრებისაკენ მობრუნება... მაგრამ უმთავრესი, რაც გააკეთა ამ თეატრმა, ის არის, რომ საბჭოთა ხელისუფლების დამყარების შემდეგ შემოიზარდა ახალგაზრდა მუშები. ჩაატარა დიდი მუშაობა მუშებ-საგან მსახიობების აღსაზრდელად და დღეს უკვე ჰყავს მაღალნიჭიერი და დაოსტატებული არტისტები.

მუშა-ხელი

თეატრს ერთგვარი სხივი და ხალისი შეჰქონდა მუშებში. საერთოდ კი მუშათა მასების მდგომარეობა მეტად მძიმე იყო. თვითონ მუშები ახლო-მანლო სოფლებისა და მაზრის მცხოვრებნი იყვნენ. მათ შორის მოსული ხალხიც არაა. მაგალითად, 1879 წელს, როცა შავი ქვის მუშაობა ახლად დაწყებული იყო, ქიათურაში იტალიის ფირმებმა იტალიელი მუშები მოიყვანეს. მაგრამ ადგი-



მუშების დასვენება ქვედა დროს

ლობრივმა მუშებმა ძალიან მალე შეითვისეს იტალიელი მუშებ-ს სამუშაო ხერხები და, ასე წარმოიდგინეთ, იტალიური ენაც კი. სოფ. რვანში ახლაც ნახავთ რამდენიმე ქართველ მუშას, რომელ-საც იტალიური ენა დღესაც არ დაეიწყებია. იტალიელების გარდა მსოფლიო ომამდე კიათურას მოაწყდნენ ოსმალოები და ირანე-ლები. პირველ ხანებში მათი რიცხვი საგრძნობი იყო, რადგან ისინი ქართველ მუშებზე ჩამორჩენილნი იყვნენ და უფრო იაფად მუშაობდნენ.

კიათურის მუშები სამ ჯგუფად იყოფოდნენ: მნგრეველები, ჩა-ლვადრები და მტვირთავეები. თავისი მნიშვნელობითა და რიცხვობ-რივად მნგრეველები სჭარბობდნენ. ესენი ნარდად მუშაობდნენ. თითო გაჭრა არშინზე (შავ ქვას მაშინ არშინობით ანგარიშობდნენ) ქანის სიმაგრის მიხედვით ისინი 2—5 მანეთამდე იღებდნენ. ერთი მუშა ორი არშინის გაჭრას 3 დღეს უნდებოდა. ზოგჯერ კი ორი კაცი ორ დღეში ერთი არშინის გაჭრასაც ვერ ახერხებდა. ასე რომ მნგრეველის საშუალო ხელფასი მანეთნახევარს არ აღემატე-ბოდა. იყვნენ კიდევ ეგრეთწოდებული „უკუმგორებლებიც“, რომელთაც შავი ქვა „ტაქეებით“ გამოჰქონდათ გვირაბებიდან, გა-მოჰქონდათ მალაროს წინ. დღეში მათ 70 კაპიკიდან 1 მანეთამდე ეძლეოდათ. იყვნენ აგრეთვე გადამრჩეველებიც. ამ სამუშაოს უფრო ხშირად ქალებსა და ბავშვებს ანდობდნენ. მათი ხელფასი 10 კაპ. — 40 კაპიკს არ აღემატებოდა. იყვნენ კიდევ ე. წ. „მეფუთე“ მუ-შები. შავი ქვის მრეწველი, მუშათა ჯგუფს ხელშეკრულებით შე-ეკვროდა და მათ ამოღებულ, გაწმენდილ და ბაქანზე მიტანილ შავ მადანში ფუთზე 2 ან 3½ კაპიკს აძლევდა. ასეთი წესი მუშე-ბისათვის ხელსაყრელი არ იყო, რადგან უცაბედ ზიანში, რომელიც ხშირად მოსდევდა მუშას მალაროში, მრეწველი არავითარ პასუხს არ აგებდა. საშუალოდ ფუთობით მომუშავე დღიურად აკეთებდა 80 კაპ. — 1 მანეთს.


ჩალვადრები შავ ქვას ეზიდებოდნენ ადგილებიდან რკინიგზის ლიანდაგამდე. ეზიდებოდნენ ცხენებით, ვირებით, ურმებით, ერთ ღროს აქლემებითაც კი. ეს იყო მეტისმეტი ძნელი და სახიფათო მუშაობა. დაღმართებზე ჩამოსვლის დროს ციცაბო კლდოვან ბა-ლოკებზე, ხრამებისა და უფსკრულის პირად მოელოდა დაღუპვა გამწევ ძალასაც და ადამიანსაც. ასეთი ჩალვადარი მიტანილ ფუთ-ში 2 ან 3 კაპიკს იღებდა. ასე რომ ერთი კაცი ერთი ცხენით ან უღელი ხარით დღეში 2 ან 3 მანეთს აკეთებდა.

თითო ვაკონის---765 ფუთას---დატვირთვა საზოგადოდ ღირდა 60 კაბ. --- 90 კაბ.

საერთოდ ყველა ამ ჯგუფის მუშების რიცხვი პირველ ხანებში 5.000 კაცს შეადგენდა. გარდა იმისა, რომ ისინი მრეწველების მხრივ საშინელი ექსპლოატაციის ობიექტს წარმოადგენდნენ, მათ საყოფაცხოვრებო პირობებზე მეტად საზარი იყო. მუშებს საერთო საცხოვრებლები არა ჰქონდათ. მათთვის ბინების აგებაზე არავის სტკიოდა თავი. მუშებს ეძინათ იქვე, სადაც მუშაობდნენ, ე. ი. მაღაროში. მაღაროში მუდმივ ეონავდა წყალი. ნიადაგი იყო სველი. ამ ზველ მიწაზე მუშები დააგებდნენ გვიმრას ან ჩალაბულას და დაიძინებდნენ. იშვიათად თუ ვინმეს ჰქონდა საბან-სახურავი და ისიც დაძონძილ-დაკონკილი. ხშირად თავლებშიაც კი ეძინათ ცხენებთან და ხარ-კამეჩთან. გვირაბებში ხომ სინათლაც არ იყო. აყროლებული კრაქებით მუშაობდნენ, რომლის მხრჩოლავი ბოლი სუნთქვას უწამლავდა მუშას. ერთი სიტყვით. მუშათა ცხოვრება მაღაროებში ნამდვილ კატორლას წარმოადგენდა. რამდენიმე ათასი მუშა ნებაყოფლობითს კატორლაში მუშაობდა, ხშირად 16--18 საათს. 12--14 საათის მუშაობა კი ჩვეულებრივი იყო. მრეწველები არამც თუ არ ფიქრობდნენ მუშათა მდგომარეობის გაუმჯობესებას. არამედ ამ კატორლულ პირობებში მყოფ მუშას ფულსაც კი ჰპარავდნენ. მაგალითად, ატყუებდნენ წონაში, ანგარიშში, აზომვაში: შემოიღეს ე. წ. „არსენას საყენი“, რომელსაც ჰქონდა 4 არშინი სიგრძე. ამ საყენით მიზომავდნენ ჰვას.

იმის დასახასიათებლად, თუ როგორი იყო ზოგიერთი მრეწველი, გავიხსენოთ ვინმე გიგია ბრეგვაძე. მან თავის მუშებს გამოუცხადა. მე საათებისა არაფერი ვიციო. დილა-ადრიან ცისკარზე შეუღდექით მუშაობას, და საღამოთი---მე ერთი ვარსკვლავი მყავს მიჩემებულა---იმის ამოსვლისას შესწყვიტეთ მუშაობაო. რა თქმა უნდა, თავის დროზე გიგიამ ეს ვარსკვლავიც უჩვენა მუშებს. მუშები თავჩაღუნული მუშაობდნენ, ალიონიდან ამ ვარსკვლავის ამოსვლამდე. ვარსკვლავი კი გვიან ამოდიოდა. მუშებმა ამ ვარსკვლავს „გიგიას ვარსკვლავი“ შეარქვეს. ეს „გიგიას ვარსკვლავი“ მოედო ჰიათურას და გახდა მაღაროებში კატორლული ხანგრძლივი მუშაობის სინონიმი.

როგორც ზემოთ არაერთხელ ვთქვით, მუშებს წონაშიაც ატყუებდნენ. საქმე ის არის, რომ მუშების მიერ გამოღებული მადანი „ხაზეინის“ სასწორებზე იწონებოდა. მწონელებად მრეწველებს დიდად გაქნილი ხალხი ჰყავდათ. მწონელებს პრაქტიკად



შაგი ქვის გაღობილება ჩაღვადრებით

ჰქონდათ შემოღებული გირვანქების ჩამოგდება. მაგალითად, თუ მუშა მოიტანდა 10 ფუტსა და 39 გირვანქას, მწონელო ჩაუწერდა 10 ფუტს, ხოლო 39 გირვანქას არ ჩაუთვლიდა. ამას მწონელობა „ფუტის გატეხვას“ ეძახდნენ. უაღრესად დახელოვნებული იყვნენ მწონელები მარგანეცის პარვაში. დიდ სასწოროზე საკმარისი იყოსულ პატარა მაქინაცია, რომ რამდენიმე ფუტი მოეპარათ. მწონელებს ჰქონდათ სანთლის ნაჭერი, რომელსაც შიგნიდან მიაწებებდნენ სასწორის უღელს. ამ სახით ერთ-ორ ფუტს მაინც მოიპარავდნენ თითო აწონაში. მრეწველებმა ეს იცოდნენ და ასეთ მწონელებს ჯილდოსაც კი უნიშნავდნენ მუშების მოტყუებისათვის. ასე ხდებოდა პირდაპირს სასწოროებზე. იყო სხვანაირი სასწოროც — ათწილადი სასწორო. ამ სასწოროს მუშები არ იცნობდნენ, აქაც ტყუვდებოდნენ. აი ერთი მაგალითი იმისა, თუ როგორ ატყუებდნენ მუშებს ამ ათწილადი სასწოროთ. იყო ერთი ვინმე ბერძენი მწონელი ყაჭიპანა მიკროპულო. ჰყავდა გწვერთნილი მიმინო. „მოუტევებდა“ — და მიმინო ჰაერში აფრინდებოდა. დაუწრუპუნებდა — და ჩამოფრინდებოდა, ათწილადი სასწორის უღელზე დაჯდებოდა. ყაჭიპანა უწრუპუნებდა, მიმინო ფრთებს აქნევდა. მუშები უყურებდნენ მიმინოს და გამურულ სახეებზე ღიმილი ეტყობოდათ. ყაჭიპანა კი სწონიდა შავ ქვას. თურმე ნუ იტყვიოთ, ეს მიმინო ამ დროს მადანს იპარავდა ათჯერ მეტს, ვიდრე თვითონ იწონიდა. საქმე ის არის, რომ მიმინო იჯდა სასწორის სანიშნოზე, სასწორო იყო ათწილადი, და მიმინოს პატრონი იმდენჯერ ათ გირვანქას მიიწონიდა, რამდენჯერაც მადანს ასწონიდა. მიმინო ხომ გირვანქას მაინც აიწონიდა. გვიან გაიგეს მუშებმა ეს ოინი.

საკმარისად ჩავთვალოთ ეს რამდენიმე მაგალითი, რომ გავიგოთ მუშების მაშინდელი აუტანელი მდგომარეობა. ხოლო მათში რომ იზრდებოდა და თანდათან ღრმავდებოდა პროტესტი, ამის დასახასიათებლად მოვიყვანთ ერთი ლექსის ნაწყვეტს, რომელსაც იმ დროს თითქმის მთელი ქიათურა მღეროდა:

ადამიანად ვშობილვარ,
 მაქვს აზრი, ჰკუა, გონება,
 ვშრომობ და მაინც არა მაქვს
 არც ფული, არცა ქონება.
 ჩემი ნაშრომი-ნაღვაწით
 მრეწველი ივსებს ჯიბესა,
 და ჩვენ კი ისე დაგვეურებს,
 ვით მსახურ-მეჭინიბესა...

პირველი გაშიშვლება

დიდხანს გასტანა ქიათურაში მუშების ამგვარმა მდგომარეობამ. მაგრამ აი დადგა 1901 — 2 წლები. ქიათურაში ამოვიდა ხმები, რომ ბათუმის მუშები შეებრძოლნენ მეფესა და კაპიტალისტებს, გამოვიდნენ ქუჩაში, დაიღვარა სისხლიც. ჩქარა ქიათურაშიც ჩამოვიდნენ ბათომიდან მუშები და ჩამოიტანეს ეს ბრძოლის ცეცხლი. ესენი იყვნენ დიდი სტალინის გაწვრთნილი მუშები. ესენი ჩუმჩუმად ელაპარაკებოდნენ მუშებს, უხსნიდნენ მათ ღუხჭირი ცხოვრების პირობებს. ურჩევდნენ შეკავშირებას და მჩაგვრელების წინააღმდეგ გალაშქრებას. მუშებიც, მრეწველ-მწონელების ყაჩაღური მოქმედებით განაწყენებულნი, თავგადადებით ებმებოდნენ საიდუმლო მუშაობაში. ასე, თანდათან, იწყებოდა მუშათა შორის არალეგალური რევოლუციური მუშაობა.

ამ საუბრებიდან და ბათუმის ამბების გავლენით შეიქმნა ისეთი განწყობილება, რომ მცირე რამ საბაბიც საკმარისი იყო მუშების სტიქიური აფეთქებისათვის. ასეც მოხდა.

ერთხელ ვაგონის მტვირთავ მუშებსა და მოიჯარადრე ნოშრევან ჩხეიძეს შორის ლაპარაკი გაიმართა ხელფასზე. რადგან ჩხეიძე ნაკლებ ხელფასს აძლევდა, მუშებმა სამუშაო დასტოვეს. ჩხეიძემ ეს ამბავი აცნობა ბოქაულს. ბოქაული იმ წამსვე დაესხა თავს მუშებს თავისი ჩაფრებით და დააპატიმრა ოცამდე მუშა. იმ დღესვე მტვირთავ მუშებს ბევრი სხვა პროფესიის მუშებიც მიემატნენ. მივიდნენ პოლიციაში და მოითხოვეს დაპატიმრებული ამხანაგების განთავისუფლება. ბოქაული დაფრთხა, პატიმრები გაანთავისუფლა. მუშები წამოვიდნენ ბაზრისაკენ, ააფრიალეს წითელი დროშა, გაიარეს ბაზარი და გამოვიდნენ რკინიგზის ბაქნებზე. სადაც მრეწველთა სასწორები იყო მოთავსებული. მუშებს ხელში ეკავათ წერაქვები და ნიჩბები. მივარდნენ სასწორებს, დაამტვრიეს ისინი და დასწვეს რამდენიმე ფარდული. ამ ამბავმა დიდად ააღელვა მრეწველი ნაყარაძე; მან იძრო ხანჯალი და შეჰყვირა ბოქაულს: რატომ ხმას არ იღებ ამ ამბის შემხედვარეო.

— მაგათ რა გაუძლებს, მთელი ქვეყანა ამდგარაო, — მიუგო ბოქაულმა და თავისი ჩაფრებით მახლობელ სერზე გაჩერდა და იქიდან უყურებდა სივრცეს.

იმავე დროს ნოშრევან ჩხეიძეს თავის სასწორთან შეიარაღებული დამცველი დაეყენებინა. მუშებმა მცველი გააგდეს და დაუწყეს სასწორის მტვრევა. ჩხეიძე მივარდა მუშებს იარაღამოწვდილი. მუშებმა იგი იქვე მოჰკლეს. ამის შემდეგ მუშებმა მოთხოვნი-





დამახასიათებელი ფენები და ძველი მალარები თაბატრებში

ლება წარუდგინეს მრეწველებს ხელფასის მომატებაზე და სასწორებზე კონტროლის დანიშნაზე. არსებობს გადმოცემა, რომ ეს პირველი გაფიცვა და მოთხოვნილების წარდგენა მოწყობილი იყო სტალინის მოწათის, აწ გარდაცვალებულ, ნიჰიერი და ენერგიული ასალგაზრდა რევოლუციონერის სტეპკო ინწკირველის მიერ.

ეს მოხდა 1903 წელს. ეს პირველი გაფიცვა იყო ჭიათურაში, რომელმაც ორი კვირა გასტანა. მრეწველებმა დააკმაყოფილეს მუშათა მოთხოვნილებები, ხოლო რამდენიმე მუშა მაინც დააპატარეს და ქუთაისს გადაგზავნეს. მაინცაღამაინც მუშები კიდევ ვერ იყვნენ ორგანიზებული და დარაზმულა, თუმცა მათი რაოდენობა უკვე რამდენიმე ათეულ ათასს აღწევდა. მათ კიდევ არ იცოდნენ, როგორ მოეშორებინათ თავიდან სისხლისმწოველთა ხროვა, რომელთაც დიდ დახმარებას უწევდნენ ამ დროისათვის უკვე პარტიებად ჩამოყალიბებული მენშევიკები, ფედერალისტები და სხვა ჯურის ბურჟუაზიული პარტიები. როგორც ახლა იგონებენ ჭიათურელი მუშები, ბურჟუაზიული პარტიები თვალთმაქცობდნენ და ყველა ზომას ხმარობდნენ, რომ მუშები ნამდვილი რევოლუციური ბრძოლის გზას არ დასდგომოდნენ. ასეთი მდგომარეობა გრძელდებოდა 1904 წლამდე, სანამ ჭიათურაში პირველად არ ჩამოვიდა ახალგაზრდა „გორელი კობა“.

ასე ეძახდნენ თურმე მაშინ ჭიათურელი მუშები მსოფლიო დიდ ბელადს, ჩვენს მამასა და მასწავლებელს, საყვარელ სტალინს.





ბ ე ნ ი ლ ი მ ე ო რ ე



ჩამოსვლა

პრილის თბილი საღამო იყო. ქიათურის შავსა და გარუჯულ მთის კალთებზე ბინდი წვებოდა. ბინდი იყო სქელი, მღვრიე, მძიმე. იგი იდგა მთის ტერასებზე, სახურავებზე, მდინარის ნაპირებზე, მოედანზე, ხეებზე და აქაც ვაგზალზე. სადაც ხალხი სასურინოდ და მატარებლის შესახვედრად გამოსულა.

ქიათურის ვაგზალი ქალაქის ფანჯარაა. ქალაქი ჩაკეტილია მთის ორწოხებში, მდინარე ყვირილის ნაპირებზე. გარშემო შავი, უხალისო. მარგანცის მთებია. შივ ქალაქში მუდამ მტვერი დგას და გამურულია ხალხი. ვაგზალი ერთადერთი ადგილია, სადაც ჩაკეტილი ორწოხები გაიღება და ქიათურელი ახალ სახეს დაინახავს, სუფთას, უმტვეროს. თეთრს. ყველა, ვისაც დრო აქვს, ამ ფანჯრისაკენ ეშურება. მაგრამ სანამ მიაღწევდეს. ცხვირის ნესტოები შავი მტვერით აეცემა, უღვაშებზე შავი ფიფქი ჩამოთოვს და უმარილით გათეთრებულ სახეებზე შავი ფერი შეეპარება.

აქა-იქ მთის კალთებზე, ან იშვიათ ბაღებში ამწვანებული ხეები დგას. ხეებიც დათრთვილულია შავი მტვრისაგან. თეთრი ტყემალი პატარძალივით ჩამდგარა ხეებში თითქოს მორაცხვად, თითქოს კლამამოსილებით, მაგრამ სქელი, მძიმე, მღვრიე ბინდი იმასაც არ ინდობს. ბინდი ლეჩაქივით შემობურვია თეთრ ყვავილებიანს.

მატარებელმა რომ მიაკივლა, ყველამ პირი ორწოხების კარი-საყენ იბრუნა, საიდანაც მატარებლის კივილი მოისმა. თითქოს დაღლილა აღმართზე ამოსვლითო, მატარებელმა ხმაურს უკლო, ხარბად ამოიქშინა და გაჩერდა.

ჩამოვიდა უმტვერო, სუფთა სახის ხალხი. დამხვდურები ეცნენ მათ და ატყდა ხმაურობა, შეძახილები, ჩოჩქოლი. მაგრამ ცოტა იყო სიცილი, მზიარული ხმა. ჩამოქურტუმებული იყო სახეები და გაორებული თვალები. მუდამ უღარდელი, მოქეიფე და დარდიმანდი თავადებიც კი პირქუშად იყვნენ. ისე ჩამოვიდნენ ვაგონებიდან, თითქოს მღვებარი მოსდევთო.

„მადლობა ღმერთს, ცოცხალს რომ გხედავთ, — ეუბნებოდნენ დამხვდური კნეინები. — რა ამბავია?“

— მთელი ქვეყანა ამხედრებულია! გლახობა მიწებს მოითხოვს... ექ! ექ!.. რა ამბავია ჩვენს სოფელში?... ჯერ არ წაუცილებიათ ცეცხლი?

— უი, რას ამბობ? წავიდეთ... დამდგარა განკითხვის დღე...

მუდამ დაჯერებული, კმაყოფილი და მოფუსფუსე მრეწველებიც თვალის ცეცებით ხედებოდნენ ერთმანეთს: ჩამოსულნიც და დამხვდურნიც, ქართველებიც და უცხოელებიც.

— რა ამბავი? რა არის ახალი?

— ვერ არის კარგი ამბები. გაფიცვები ყველგან, ყველგან—პეტრბურგიდან ბაქომდე. ბაქოდან ბათომამდე. დღითი-დღე უფრო და უფრო მეტ მოთხოვნილებას აყენებენ.

— ოხ! ოხ! წავიდეთ ჩქარა!

აქა-იქ, იშვიათად კი, გაისმის დაქამშვიდებელი:

— რა ვუყოთ! რაც სხვას მოუვა, ის მოგვივა ჩვენც...

ბაქანზე იდგნენ დაბნეული, წელგატეხილი, მაგრამ წელში ჯერ გაუწყვეტელი ჟანდარმები და პოლიციელები. თვალებს ისე აცეცებდნენ, თითქოს ზარნაშოები ამოჰყარეს ბუდიდან და მზის სინათლეზე გამოიყვანესო...

აპრილს იმ საღამოს იმ ხალხში რამოდენიმე მუშა დადიოდა ბაქანზე. ამათ მეტი გაბედულება, მეტი სითამამე ეტყობოდათ ვიდრე წინათ. ხუმრობა ხომ არ იყო. აქაც, შავი ქვის ქალაქშიაც, ჩუმსა და სევდიან მალაროებშიაც მიაღწია რევოლუციის ქუხილმა, გაიელვა პირველმა ელვამ ხალხის რისხვისა, აქაც ელოდნენ: საცაა აჯანყების სეტყვა დაუშენსო.

იყო ბობოქარი, მრისხანე, 1905 წელი.

ბევრი დაბეჩავებული ასწია 1905 წელმა თავის სიმაღლემდე. ასწია ჭიათურელი მალაროელი პეტრეც. წინათ მუდამ ჩაფიქრებული და თვალსევდიანი პეტრე ახლა სოციალ-დემოკრატიული ორგანიზაციის წევრია, საიმედო და თავად იმედიანი მებრძოლი ამხანაგი. მას მიანდევს დღეს თბილისიდან ჩამოსული ამხანაგის

შეხვედრა და არალეგალურ ბინაზე გაცილება. თბილისიდან კი ამხანაგი კობა ჩამოდის თურმე.

როგორია ამხანაგი კობა? ეს ისაა, ბათომი რომ ააჯანყა? ეს ისაა, რომელიც ამბობს, 9 იანვრის დახვერტას იარაღით ვუპასუხოთო?

იქ, შორს, საღაც პეტერბურგში დაიწყო ეს ამბები 9 იანვარს. იქ მეფემ დახვერტა მუშათა მანიფესტაცია. მუშებს თურმე თხოვნა მიჰქონდათ მეფისადმი — პეტრეცია. (პეტრემ ეს სიტყვა კარგად დაიმახსოვრა, მისი სახელივით იწყებოდა.) 9 იანვრის ამბებმა თვალი აუხილა ხალხს. პეტერბურგის ქუჩებში დაღვრილ სისხლს მთელი რუსეთი გამოეხმაურა. ხალხი აღსდგა. აზვირთებულ ზღვასავით ბობოქრობდა. ბობოქრობს შავი ქვის ქალაქიც. მაგრამ კარგად არ იციან მუშებმა რა აკეთონ, რა გზას დაადგენ. და, აი, გზის მაჩვენებლად, ძალთა დასარაზმავად, საბრძოლოდ გასაწრთვინელად დღეს თბილისიდან ჩამოდის თვითონ ამხანაგი კობა.

თურმე კობა წინათაც ყოფილა ქიათურაში. როგორ გააკვირვა გუშინ სტეპკო ინწყირველმა, კობას მოწათემ, პეტრე? თურმე პეტრეს გაუცილებია მაშინ კობა ვაგზალზე.

— როგორ, შე კაცო? როდის? — გაკვირვებით წამოიძახა პეტრემ.

— გახსოვს, შარშან, დეკემბერს დიდი დემონსტრაცია რომ გაემართეთ და მწარმოებლებს ზარი ჩამოვაკიდებინეთ მაღაროებში?

— როგორ არა! იმ ზარის შემდეგაა ცოტა სული მოვითქვით. ვიცით როდის იწყება და როდის თავდება მუშაობა.

— აი, ის დემონსტრაცია და ის გაფიცვა ამხ. კობას მოწყობილი იყო. ჩამოვიდა ბათომიდან, თბილისზე გავლით, მისცა დარღვევა ორგანიზაციას და მოვაწყვეთ ის ამბები.

— რას მეუბნები?

და პეტრეს გაახსენდა:

შვიდივე მაღარო: პერევისა, შუქრუთი, მღვიმევი, ორივე რგანი, დარკვეთი, ითხვისი, ქიათურაში შეიკრიბნენ ერთად, ასწიეს წითელი დროშა და სიმღერით გასწიეს ქალაქისაკენ. გზადაგზა გლეხობაც ემატებოდა. მიტინგი ვაგზალთან გაიმართა. მიტინგზე სიტყვით გამოვიდა სტეპკო. პოლიციას რომ არ გამოეცნო, სტეპკოს ჩოხა-ახალუხი ჩაეცვა, პირზე ყაბალახი აეფარებია, ისე ლაპარაკობდა. პოლიცია დაფრთხა, წინააღმდეგობა ვერ გასწია. ვაგზლიდან მიტინგი მრეწველთა კანტორისაკენ გაემართა. იქაც წარმოს-

თქვეს სიტყვები. მიტინგის დასასრულს სტეპკომ წერილობითი მოთხოვნილება წარუდგინა მრეწველთა საბჭოს წარმომადგენელს.

პეტრეს კარგად ახსოვს ის მოთხოვნილებები: 8 საათის სამუშაო დღე, ზარის ჩამოკიდება მაღაროებში სამუშაო დღის გათავების გასაგებად, უფასო ექიმობა, ბარაკების აშენება მუშებისათვის, ხელფასის მომატება...

ახ, რა მიტინგი იყო... იმ მიტინგს გაფიცვა მოჰყვა. ორ თვეს გაგრძელდა გაფიცვა, და გაფიცვა მოიგეს მუშებმა. გაფიცვის მოგებამ მუშები შეაკავშირა და წელში გამართა.

მაშ, ამ გაფიცვის მომწყობი ჩამოდის დღეს?

პეტრეს კი ეგონა, რომ დემონსტრაცია სტეპკოსი და მისი მოწყობილი იყო და თავი მოჰქონდა. პეტრეს ძალიან უყვარდა სტეპკო. მან იცოდა, რომ ნასწავლსა და ინტელიგენტ სტეპკოს შეეძლო ასე თუ ისე უშიშარი და მძლარი ცხოვრება. მაგრამ სტეპკომ რევოლუციის ხიფათიანი გზა აჩრჩია, რომ პეტრე და მრავალათასი სხვა პეტრე ბედნიერი, თავისუფალი გახადოს. ამიტომ დიდის სასოებით ეპყრობოდა პეტრე სტეპკოს.

და განა მარტო პეტრე... ჭიათურის ყველა მეუმრავლესეთ ძალიან უყვარდათ სტეპკო. სტეპკო იყო გურული, მკვირცხლი და ცეცხლიანი. მისი ლამაზი თეთრი შუბლი, პატარა კოხტა უღვაშები, ღია წაბლისფერი თვალები ყველას იზიდავდა, ყველას ხიბლავდა.

პეტრემ იცოდა, რომ სტეპკო თავმოყვარე იყო. მაგრამ ისიც იცოდა, რომ სტეპკო ამ თავმოყვარეობას არასოდეს სხვას არ შეაჩეხებდა გზაზე, არასოდეს სხვას არ დაჩრდილავდა, არ დაჩაგრავდა. პირიქით, ცდილობდა მოწინავეებისაგან ესწავლა. მაგალითად, იმ დროს მუშაობდა ჭიათურაში განათლებული პროპაგანდისტი—მეუმრავლესე, ლაიპციგში ნასწავლი, დათიკო სულიაშვილი. სტეპკომ გადასწყვიტა უცხო ენები შეესწავლა. გამოუცხადა დათიკოს—გერმანული უნდა ვისწავლო.

— რა დროს გერმანულია, ბიჭო! რევოლუცია უნდა მოვახდინოთ, — გაიცინა დათიკომ.

მაგრამ სტეპკო ისეთი კაცი როდი იყო, ნათქვამს გადაუხვევდა. ჩაუჯდა წიგნს და დათიკოც დაეხმარა.

სტეპკოს უყვარდა წიგნი და ცდილობდა მუშებისთვისაც შეეყვარებინა წიგნი. ლენინის „რა ვაკეთოთ?“, გაზეთი „ისკრა“, ბებელის „დედაკაცი და სოციალიზმი“ და რამდენი სხვა წიგნი თუ ბროშურა შეიტანა ჭიათურელ მუშების ოჯახებში. ეს იცოდა პეტრემ და სჯეროდა სტეპკოსი. სიამოვნებით ასრულებდა

მის დავალებებს. აი ახლაც, დიდი ხელმძღვანელის მისაღებად სტეპკომ პეტრე გამოჰყო. პეტრეს მეტად გაეხარდა სტეპკოს დავალება.

— აბა, პეტრე, თუ გამოიცანი? — წააქეზა პეტრემ თავისი თავი.—დაკეცილი გაზეთი ექნებაო ხელში. მოკლე წვერულვაში, რუხი საზაფხულო პალტო... ჰო, ის უნდა იყოს, თუ პეტრე ვარ, პირველი ვაგონიდან რომ გადმოვიდა. ჰო, მიშა დავითაშვილმაც ეგრე იცის, პირველ ვაგონში მოგზაურობა. მიშა ხომ კობასი მეგობარი ყოფილა და ისწავლიდა მისგან. თურმე პირველი ვაგონი იმიტომა კარგი, რომ პირველად შედის ბაქანზე და შეიძლება დაინახო: სად დგას ჟანდარმი, სად დგანან ჯაშუშები. ჯაშუშების გამოცნობა კი, მოგეცა ლხენა, სცოდნია კობას. ერთი შეხედვით გამოიცნობს თურმე ხალხის მტერსა და ორგულს...

პეტრემ ჩაუარა გაზეთიან კაცს, ჩაულაპარაკა:

— სტეპკომ გამომგზავნა.

გაზეთიანმა კაცმა მთელი ბაქანი გაიარა, პაპიროსს მოუკიდა და მობრუნებულ პეტრეს ჰკითხა, ისე, სხვათა შორის, თითქოს სრულიად არ აინტერესებდა პეტრე:

— მრეწველთა საბჭო სადაა თუ იცით?

— მეც იქითკენ მაქვს გზა. წამობრძანდით, — მიუგო გახარებულმა პეტრემ და გულში შეაქო თავისი თავი: — ყოჩაღ, პეტრე! ტყუილად როდი შეგარჩია სტეპკო ინწყირველმა, ჰკვიანი ხარ, მიხვედრილი...

პეტრე და სტუმარი აღმართს შეუდგნენ. კანტორაც აქეთ იყო და გუჯეჯიანის სახლიც, სადაც პეტრეს სტუმარი უნდა მიეყვანა.

ბრძოლა სწუშირით

პეტრემ იფიქრა, სტუმარი მოისვენებსო და წასვლა დააპირა. სტუმარს კი უთხრა: ამხანაგები სამუშაოზე არიან და სანამ მოვლენ, მოისვენეთო.

— მოსვენება მერე იყოს, ამხანაგო პეტრე! თუ ღრო გაქვთ, ვისაუბროთ, — უპასუხა კობამ.

პეტრეს გაეხარდა.

—რა ამბავია თქვენს ჭიათურაში? როგორაა მოძრაობის საქმე?

პეტრე ჭიათურის მუშათა მოძრაობის ცენტრში იყო. ყაბალახი გადაიწია, შორიდან დაიწყო.

— მაღაროებში მუშაობა მეტად მძიმეა.

— ეს ვიცი. გიგიას ვარსკვლავის აზბავიც ვიცი. თქვენ ის მიტ-ზარით, როგორ გრძნობენ თავს მუშები? არიან თუ არა საბრძოლო განწყობილებაზე?

— მოგახსენებთ, ეხლავე მოგახსენებთ... 9 იანვრის გამოძახილი ჩვენშიაც იყო. სული ყელში გვაქვს მობჯენილი. სუნთქვა გაძნელებული გვაქვს მომაკვდავივით, მაჯაში კი იმდენი ძალღონეა — მღევებს შევებმით. აქაურ მთავრობას სულ თავს გაუდიოდა. განსაკუთრებით გაგვაწვალა პოლიციის სამმართველოს მწერალმა უშანგი მხეიძემ. იმ წყეულმა ჯაშუშმა მრავალი ოჯახი ააწიოკა და ცივ ციმბირში გადაჰკარგა. ამიტომ ორგანიზაციამ გადასწყვიტა მისი მოკვლა. აქტის სისრულეში მოყვანა იოსებ კირკიტაძეს და შაქრო გიუნაშვილს დაევალა.

იოსებ კირკიტაძე ღამის ყარაული იყო ბაზარში. მას უკეთ შეეძლო, როგორც ყარაულს, პოლიციაში შესვლა. დამხმარედ შაქრო გიუნაშვილი ჰყავდა, მუშა.

იოსებ კირკიტაძე ვითომდა თხოვნის მისაცემად მივიდა პოლიციაში. ხელში ქაღალდი ეჭირა, ჯიბაში კი სმიტ-ვესონის გაშანშობილებული რევოლვერი ედო. მივიდა, ჩემო ბატონო, იოსება იმ ძალღონით და მარცხენა ხელით რომ ქაღალდი გაუწოდა, მარჯვენათი რევოლვერი დაახალა. რევოლვერიც გავარდა და მხეიძეც უტბათ სკამიდან გადმოვარდა. „ჩაძაღლდა ეგ მამაძაღლიო“, იფიქრა იოსებამ და გამოვარდა გარეთ. ორი ჩაფარი გამოეკიდა სროლით. იოსება გადახტა კლდეზე, მაგრამ ხელში ტყვია მოხვდა და დაეცა. ჩასაფრებული შაქრო გამოეკიდა ჩაფრებს, დაეწია, გადმოიღო თოფი, მისცა პირში ტყვია და დაუკრა ჩახმახი. დახეთ უბედურებას, არ გავარდა თოფი... ეხ, ეხ!.. შემოტრიალდნენ ჩაფრები, ესროლეს და მოჰკლეს შაქრო, ამასობაში იოსებამ თავს უშველა, გაიქცა. სროლაზე ჩვენი სახალხო რაზმელები გაჩნდნენ...

— გყავთ სახალხო რაზმელები? — შეეკითხა კობა.

— როგორ არა! სულ რჩეული ბიჭები. პო, მოვარდნენ სახალხო რაზმელები და აუტეხეს სროლა ჩაფრებს. ჩაფრები მალლობზე იდგნენ, რაზმელები კი დაბლა. კაი ხანს ესროლეს ერთმანეთს და შემდეგ რაზმელები მიიმალნენ. ჩვენმა ორგანიზაციამ ისირცხვილი შაქროს სიკვდილი და მხეიძეს ვადარჩინა. გადავწყვიტეთ სამაგიეროს გადახდა. არ გავუშვათ ეს ჩაფრები ქიათურიდანო, სთქვენს რაზმელებმა და შეჰკრეს ქიათურიდან გასასვლელი გზები: ყველგან ორწონებზე, ბილიკებზე, გადასასვლელებზე. ეს იყო ყველი-

რის ხუთშაბათს, კარგად მახსოვს. მეორე დილას შაქროს მკვლელმა ჩაფარმა ცხენი ჩამოიყვანა მდინარეზე წყლის დასალევინებლად. ამ დროს ერთმა რაზმელმა, იაკობა თუშმა, ესროლა და ცხენი დაუქრა ჩაფარს კისერში. გამწარებული ცხენი გაიქცა და გადაარჩინა ჩაფარი მეორე ტყვიას. იაკობა თუში გაბრაზდა და დაედევნა ჩაფარს. ქვეითა კაცი მხედარს რას დაეწეოდა. მაგრამ იაკობა თუში მარტო როდი იყო. მას გაყენენ სხვა რაზმელებიც. ბაზარზე დიდძალი გლეხობა შემოუერთდა სახალხო რაზმელებს და გადასწყვიტეს: წავიდეთ, დავეცეთ თავს პოლიციასო. წავიდნენ. ყიჟინითა და გრიალ-გრიალით შემოერტყა ხალხი პოლიციის სამმართველოს. პოლიცია გაიქცა. გაიქცა მხეიძეც. ხალხი გამოეკიდა მხეიძეს და შეუვარდა სახლში. მოჰკლეს მხეიძე და ერთი ჩაფარი. ხალხი ეძებდა გიუნაშვილის მკვლელს. ვერ ვიპოვეთ. გაბრაზებულმა ხალხმა გადასწყვიტა ცეცხლი წაეკიდებინა სამმართველოსათვის. თურმე შაქროს მკვლელი ბუნარში შემალულიყო, საკვამლეში. ცეცხლმა რომ მიუტყუნა, გამოვარდა გარეთ. დაიჩოქა ხალხის წინ და დაიწყო პირჯვრის წერა. ხალხმა არ აპატია. მოჰკლა.

— ხალხმა მოჰკლა?

— არა, რაზმელებმა. ამ ამბავს ვაგზლიდან უყურებდა რკინიგზის მკველი ბათალიონი. პოლკოვნიკმა დეპეშა მისცა თურმე ქუთაისის გუბერნატორს, ვესროლო თუ არა ხალხსო. გუბერნატორისაგან პასუხი მოვიდა „ესროლეთ“. ტელეგრაფისტმა (ჩვენი კაცი იყო) მიუმატა წინ „არ“ და გადასცა სულ სხვა დეპეშა. ასე გადარჩა ხალხი.

მეორე დღეს, იცოცხლეთ, რომ ამბები დატრიალდა. ჩამოვიდნენ მაზრის უფროსი, ჯარის ნაწილი, ჟანდარმები. დააპატიმრეს შენიშნული პირები, გამოუძახეს დახოცილ ჩაფრების ცოლებს და უთხრეს: გამოიცანით ვინ არის თქვენი ქმრების მკვლელებიო.

ჩაფრების ცოლები გაბრაზებულნი იყვნენ და იმათ დაადევს ხელი, ვისი ჟინიც სჭირდათ. ბევრი დააპატიმრეს და ჩასვეს ციხეში. ამათგან სამი გაასამართლეს და ჩამოხრჩობა მიუსაჯეს. ესენი იყვნენ მიხაკო ვაშაძე, სევასტი სანაძე და ილია კაპანაძე.

— ისინი არ ჩამოუხრჩვიათ, — გაუსწორა სტუმარმა. — ჩამოხრჩობა უვადო კატორლით შეუცვალეს.

— მართლა? — გაეხარდა პეტრეს. — კატორდა კატორდაა, მაგრამ მზეს მაინც შეხედავენ.

— გიუნაშვილი როგორ დაასაფლავეთ? — იკითხა კობამ.

— დიდებულად. შუქრუთში გავასვენეთ აქედან. ისეთი დემონ-

სტრაცია გაიმართა, იმდენი ხალხი შეიკრიბა, რომ კუბო როცა შუქრუთში ავასვენეთ, ბოლო ქიათურაში იყო. წითელი დროშე-ბი ავაფრიალეთ და მარსელიოზა ვიმღერეთ. „ვარშავიანკაც“ ვიმღერეთ. მარსელიოზა და ვარშავიანკა ჩვენ ბათომელმა მუშებმა ვვასწავლეს.

ბათომის გახსენებაზე კობამ ჩაიღიმია.

— ჰო, ვასვენების წინ პოლიცია გავაფრთხილეთ: ერთიან გასწყდებით ან გაგწყვეტთ, თუ გვესროლეთო. უნდა გენახათ, როგორ გვიყურებდნენ ჯარი და პოლიცია. იარაღში ჩამჯდარნი იყვნენ, მაგრამ სროლა ვერ გაგვიბედეს. ჩვენი რაზმელებიც სულ თოფ-იარაღში იყვნენ ჩამჯდარნი. ჰო, პოლიციამ ვერ გაბედა სროლა. ერთი სასაცილო ამბავი მოხდა იმ ვასვენებაზე. მღვდლები არ მოგვიწვევია, მაგრამ თავისი ნებით გამოცხადდა ორი მღვდელი, ვითომდა მიცვალებულის პატივსაცემად. მივასვენებთ მიცვალებულს მარსელიოზით და ვარშავიანკათი, ხოლო ეს ანაფორიანი ყვავები თავისას გალობენ და საცეცხლურს აქნევენ. ხალხმა სასაცილოდ აიგდო. მაშინ ერთმა უთხრა მეორეს:

— კაცო, დაანებე თავი მაგ საცეცხლურის ქნევას. ვერა ხელავ, არ უნდათ ეგ შენი საცეცხლური!

გაიპარა ორივე კუდამოძუებული. ხა.. ხა...

— სიტყვა არავის უთქვამს? — შეეკითხა კობა.

— როგორ არა. ორატორები ხეზე აღიოდნენ და იქიდან ლაპარაკობდნენ, რომ ხალხს უკეთ გავგონა. ყველაზე კარგი სიტყვა სტეპკო ინწკირველმა სიტყვა. ახ, როგორი სიტყვა იყო. მიშა დავითაშვილმა იცის კიდევ ჩინებული ლაპარაკი, მაგრამ მიშა არ იყო მაშინ. სტეპკომ თან აატირა ხალხი, თან ისე გაახელა, რომ პოლიცია და ჯარი იქ ამოსულიყო, ეცემოდა ხალხი და დაბრდღენიდა.

სიტყვების შემდეგ იქვე, მთელმა ხალხმა, ქალიან-კაციანა, სიტყვა მივეციით და ფიცი დავსდეთ სასაფლაოზე, რომ ბოლომდე მივიყვანთ იმ საქმეს, რომელსაც შაქრო შეეწირა.

— მაშასადამე, საომარ გუნებაზე ყოფილან ქიათურელი მუშები! — ჩაიღიმია კობამ. — ბრძოლა სწყურიათ.

— მერე როგორ! — წამოიძახა პეტრემ. — აი, მხოლოდ ერთი საქმეა მოსაგვარებელი: მეუმცირესებთან ურთიერთობა. ბევრი მუშა დაბნეულია. ხალხიც რყევამია. არ იციან, ვის გაყვნენ. მეუმცრავლესებებს თუ მეუმცირესებებს? აქ დიდი მუშაობა გააჩაღეს მეუმცირესებმა. ხალხი მაინც ყოყმანობს, განსაკუთრებით მაღა-

როლები. რაღაც ვერ გვიჯდება ჭკუაში მეუმცირესეთა სიტყვები. თითქოს ბინდ-ბუნდში დავდივართ. ჭიათურაში ისედაც შავია ჰაერი. საჭიროა ძლიერი შუქი, ფართო ნათელი, რომ ყველაფერი მზეზე გამოვიტანოთ.

— სწორეთ ამისათვის ჩამოველი, ამხანაგო პეტრე! ფიქრი ნუ გაქვს, ყველაფერი ნათელი გახდება.

მოისმა ფრთხილი ჩახველება. მოდიოდნენ კომიტეტის წევრები.

მატიანე

კობამ სტეპკო ინწყირველის რვეული გადაშალა: „რევოლუციის მატიანე“. სააგიტაციოდ გამომადგებაო და ღირსშესანიშნავი ამბები ჩაუწერია სტეპკოს. ოღონდ, კონსპირაციის მიზნით ისეთი შეცვლილი ხელით დაუწერია, რომ ვერავითარი ექსპერტი ვერ მიაწერდა ავტორს. კობამ ბევრი იცინა.

„... ეს ის დრო იყო, როცა 9 იანვრის ამბებმა ხალხი გამოაფხიზლა და რომანოვების იმპერიამ ქანაობა დაიწყო. 9 იანვრამდე მუშათა კლასის გულუბრყვილო ნაწილს კიდევ სჯეროდა „კეთილი მეფე“. 9 იანვარს დაღვრილი სისხლის შემდეგ ეს რწმენა მოკვდა, და მუშათა კლასში განმტკიცდა აზრი, რომ თხოვნითა და მოთმინებით არაფერი გამოვა.

„მოთმინების ფიალა მანამდეც ავსებული იყო. 9 იანვრის დახვერტამ გასტეხა ეს ფიალა და გადმოიღვარა ის, რაც ნიაღვარივით მოედო მთელს იმპერიას გაფიცვებისა, დემონსტრაციებისა და აგრარული გამოსვლების სახით.

„იაპონიასთან შერცხვენილი მთავრობა უიარაღო ხალხს უსწორდებოდა ცეცხლითა და მახელით. სასაცილო და აღმაშფოთებელი ის იყო, რომ მეფის მთავრობა იაპონიის წინააღმდეგ ხატებით დატვირთულ ვაგონებს აგზავნიდა, ხოლო საკუთარი ხალხის წინააღმდეგ ტყვიას არ ზოგავდა. ხალხი ხედავდა, რომ მეფის რეჟიმი გაკოტრდა და გაიხრწნა, რომ ძველებურად შეუძლებელი იყო ცხოვრება.

„ლენინი სწერდა: „რუსეთის ხალხი კი არა, თვითმპყრობელობა მრვიდა სამარცხვინო დამარცხებამდე. რუსის ხალხი მოიგებს თვითმპყრობელობის დამარცხებით. პორტ-არტურის კაპიტულაცია ცარიზმის კაპიტულაციის პროლოგია“¹.

¹ გაზ. „ნებროლი“ № 1, 1905 წ.

„გამოფხიზლებული ხალხი ქუჩაში გამოვიდა, უ. ი. არალეგალური მუშაობა სარდაფიდან ამოვიდა. დაიწყო რევოლუცია. ჰერში მასობრივი აჯანყების სუნი ტრალებდა. რევოლუციის ქარიშხალამ ყვილი დაიწყო და მებრძოლთ უხმობდა.

„ამიერ-კავკასია და, კერძოთ, საქართველო პირველი გამოეხმაურა რევოლუციის ქარიშხალს. 17 იანვარს გაიფიცა ბათუმის რკინიგზა და ნავსადგური. 18 იანვარს გაიფიცა ბათუმის მთელი პროლეტარიატი. (ამ ადგილს გვერდზე მინაწერი ჰქონდა: „სხანს იმისი ხელი“... კობა მიხვდა ვისზე იყო ლაპარაკი). „ამავე დღეს გაიფიცა თბილისი. თბილისის გაფიცვა საყოველთაო გაფიცვად გადაიქცა: დაიკეტა ყველა ქარხანა და ფაბრიკა, სტამბები, შენიღბენ გაზეთები (გამოდირდა მხოლოდ „კავკაზი“), შესწყდა მოძრაობა. 21 იანვარს გაიფიცნენ სამტრედიის რკინიგზელები. 22 იანვარს გაიფიცა ფოთი. 25-ს გაიფიცა ქიათურა, ტყიბული, შორაპანი, ყვირილა.

„23 იანვარს თბილისმა წითელი დროშა ასწია. ხალხსა და პოლიციას შორის შეტაკება მოხდა.

„ბაქოში გამოსვლები ჯერ კიდევ 1904 წლის დეკემბრის დამლევს დაიწყო. გაფიცული იყო 60.000 მუშა. ამ გაფიცვამ გაიმარჯვა. მაგრამ 9 იანვრის შემდეგ ბაქოს პროლეტარიატმა უკვე პოლიტიკური მოთხოვნები წამოაყენა და გვერდით ამოუდგა იმპერიის დანარჩენ პროლეტარიატს. (აქაც მინაწერი: „ბაქოს გამოსვლაც იმისი საქმე“...).

„მთავრობამ დაინახა, რომ საქმე სახუმარო არ იყო და მეფემ რესკრიპტი გამოსცა შინაგან საქმეთა მინისტრის სახელზე. რესკრიპტში სწერია:

„... რუსეთის ხელმწიფენი ყოველთვის იღებდნენ მხედველობაში ჩვენის უდიდესის სახელმწიფოს განსაკუთრებულ პირობებს, ეროვნებათა სხვადასხვაობას, ზოგიერთ ადგილებში მოქალაქეობრივი განვითარების სისუსტეს და ამიტომ საჭირო ცვლილებებს მოახდენდნენ ხოლმე თანდათანობით და იმის მიხედვით, თუ რამდენად მომწიფდა ეს საჭიროებანი ჩემის სამეფოს სხვადასხვა კუთხეში, რათა წინდაუხედავის სიჩქარით არ დარღვეულიყო ისტორიული კავშირი წარსულთან და თანაც უზრუნველყოფილიყო მომავლისათვის ცვლილებათა სიმკვიდრე და სიმტკიცე...“¹

„მოძრაობა ქალაქებიდან სოფლებსაც გადაედო. გურია, სამეგ-

¹ „მოგზაური“ № 27, თებერვალი, 1905 წ.

რელო, იმერეთი — განსაკუთრებით გურია — ერთიან აღსდგა. (ისევ მინაწერი: „აქ ბევრია ბათომელი მუშები, „იმისი“ გამოზრდილი.“) სალხმა გააუქმა მთავრობის დაწესებულებები და თავისი დააარსა. შექმნა ათისთავებისა, ასისთავებისა და ათასისთავების ინსტიტუტი. საინტერესო ისაა, რომ ეს ინსტიტუტი აღმასრულებელი ხელისუფლების როლს ასრულებს, ხოლო საკანონმდებლო ხელისუფლების როლს სახალხო კრებები ასრულებენ. მთავრობას კურიოზი მოუვიდა ოზურგეთში. ქუთაისიდან საქმეების განსახილველად საოლქო სასამართლოს სესია ჩამოვიდა. გამოცხადდა სასამართლოს სესიის დღე. არც ერთი გურული არ მოვიდა სესიის სხდომაზე. არამც თუ მოწმეები და უბრალო დამსწრე ხალხი, არამედ არც ბრალდებული და არც მოპასუხე. რა სასტიკად დასცინა გურულმა ხალხმა მთავრობას?... ამ ბოიკოტმა გურული ხალხის დიდი პოლიტიკური თვითშეგნება და მომზადება გამოავლინა...

„ამ დროს მოგზაურობდა გურიაში მდივნისა, თარჯიმანისა და კორესპონდენტების თანხლებით კავკასიის მეფის მოადგილის („ნამესტნიკის“) საბჭოს წევრი, ცნობილი სულთან კრიმ-გირეი. მას გურიის მდგომარეობა უნდა გამოერკვია. გაზ. „მოგზაური“ ფეხზლად აღევნებდა თვალყურს კრიმ-გირეის მოგზაურობას და ვრცელ კორესპონდენციებს ათავსებდა. ყოველ სოფელში ხალხი გაბედულად, აშკარად გამოდიოდა. კრებები ხალხს დიდ პოლიტიკურ და მორალის საქმედ მიაჩნდა და კრებებზე მტრებს არ ისწრებდა. გაზ. „მოგზაური“ № 7-ის დამატებაში სწერდა: „საზოგადოებამ ერთხმად მოითხოვა მღვდლების, მამასახლისის და მწერლების დათხოვნა კრებიდან, რაც მალე სისრულეში მოყვანილ იქნა. ერთმა დეპუტატმა, რომელიც წესრიგს განაგებდა, გამოაცხადა: — დღეს მთავრობამ მცირეოდენი თავისუფლება მოგვანიჭა ჩვენს საქმეზე ვილაპარაკოთ. ამიტომ ქვეყნისა და ხალხის მოღალატეები ვინცა ხართ, გაგვშორდით, გაგვეცალეთ აქედან!“.

„ხალხი ყველგან შეგნებულად, მოფიქრებულად და კეთილშობილური ფორმით გამოსახავდა თავისს გასაჭირს. ყველა მოთხოვნები ფორმულებივით იყო ჩამოყალიბებული და რ. ს. - დ. მ. პ. პროგრამა-მინიმუმს ემყარებოდა.

„გლეხები ეუბნებოდნენ კრიმ-გირეის:

„... ვთხოვლობთ მთელი ქვეყნის სახალხო კრების მოწვევას (დამფუძნებელი კრება). მხოლოდ ხალხის წარმომადგენელთ შეუძლიათ ხალხის საჭიროების გამოხატვა და ჩვენც მხოლოდ ამგვარ მთავრობას განუუცხადებთ ჩვენს ნდობას. ჩვენ ვიცით, რომ ასეთი

კაპიტალისტური ქვეყნები არის ბევრი, მაგრამ ისიც ვიცით, რომ იქაც ბევრია ღარიბი და მდიდარი, ჩაგრული და დამჩაგრელი. ესენი არიან მდიდრები — კაპიტალისტები და ღარიბები — მუშები. იქ ისინი ებრძვიან ერთმანეთს. ისე მოგვივა ჩვენც. მხოლოდ კაპიტალისტური მონობის მოსპობის შემდეგ დამყარდება ქვეყნად თანასწორობა და ბედნიერება. ეს კი ჩვენი შემდგომი მიზანია...”

„... ჩვენ სამართალი ხომ აღარა გვაქვს! სამართალი იმათია, ვისაც ჯიბე სქელი აქვს. გაჭირვებული კაცი ყველგან მტყუანი გამოდის. ამიტომ ჩვენ ვთხოვლობთ, რომ მოსამართლეები ხალხის ამორჩეული იყოს და ამასთანავე ნაფიცო. ყველა მოქალაქეს უნდა ჰქონდეს უფლება დანაშაულისათვის სამართალში მისცეს მოხელე“ („მოგზაური“ № 9).

„გლახებს შეგნებული ჰქონდათ, რომ მათი გამოსვლა მკიდროდა და დაკავშირებული უზარმაზარი იმპერიის სივრცეზე დასახლებულ სხვა გლახების ბრძოლასთან. ხიდისთავში კრიმ-გირეის უთხრეს:

„... მარტო თავისათვის ჩვენ არაფერს ვთხოვლობთ. ასეთსავე გაჭირვებას განიცდის რუსეთის ასმილიონიანი გლახაკობა“.

„მთავრობის წარმომადგენელმა გურულ გლახაკობას ერთი პროვოკაციული კითხვა დაუსვა, როცა გლახობამ საყოველთაო სწავლების შემოღება მოითხოვა. კრიმ-გირეიმ ჰკითხა გურულებს:

„— იქნებ რუსული ენა არ არის საჭირო და მარტო ქართული გასურთ?!

„— ჩვენ ყველა ენა გვინდა,— უპასუხა ხალხმა.— ქართულიც გვინდა და რუსულიც. სხვა ენაც რომ ვიცოდეთ, უკეთესია...

„სამეგრელოში ხალხი პირდაპირ მოქმედებაზე გადავიდა. დაიწყეს მემამულეთა აწიოკება, სასახლეების დაწვა, პოლიციის ხოცვა. ხალხმა ერთმანეთთან შეხვედრისას გამარჯობა-გაგიმარჯოს მიატოვა და საუკუნოებით განმტკიცებულ სალამის ნაცვლად „გაუმარჯოს ერთობას“ შემოიღო.

„გლახები მოითხოვდნენ: პრესის თავისუფლებას, წოდებრივისა და სქესობრივი უთანასწორობის მოსპობას, დამფუძნებელი კრების მოწვევას, ეკლესიის გამოყოფას სახელმწიფოდან; ბინის, პიროვნებისა და წერილების ხელშეუხებლობას; სრულ ადგილობრივ თვითმმართველობას; საყოველთაო და სავალდებულო სწავლას; ენის თავისუფლებას; პროგრესული გადასახადის შემოღებას; მი-

წების წართმევას და გლეხებისათვის დარიგებას; ბატონყმობის ნაშთების მოსპობას“... („მოგზაური“ № 23, 1905 წ.)

„რაქა-ლეჩხუმშიც და სენეთშიც ხალხი პოლიტიკურ თავისუფლებასა და ფეოდალური ნაშთების აღმოფხვრას მოითხოვდა. აქაც სწვეტდნენ მთავრობასთან ყოველგვარ ურთიერთობას და თავისს არჩეულ პირებს ანდობდნენ საქმეების გაძღოლას. შესწყდა ქურდობა. აღმოჩნდა, რომ ხალხი პატიოსანია. ქურდობა და ბაცაცობა მხოლოდ მეფის მოხელეებისა და მათი დამქაშების საქმე ყოფილა...“

„იმერეთში პოლიტიკურ გამოსვლებთან ერთად ხალხმა სამხედრო წრეთნას მიჰყო ხელი და მომავალი ბრძოლებისათვის მზადება დაიწყო. ასე, მაგალითად, იმარაგებდნენ იარაღს, ამზადებდნენ სანიტრებს, მოწყალების დებს, შესახვევ მასალას. დაიწყეს მემამულეთა და მთავრობის აგენტების განიარაღება...“

„აღმოსავლეთ საქართველოში აგრარულმა გამოსვლებმა თავიდანვე სასტიკი ხასიათი მიიღო. საქმე ისაა, რომ აღმოსავლეთ საქართველოში მიწათმფლობელობა უფრო მსხვილია, ვიდრე დასავლეთში. გლეხების მდგომარეობა აქ უფრო მძიმეა. მემამულეები პერდაპირ ტვინს სწოვდნენ გლეხობას. ასე, მაგალითად, აღმოსავლეთ საქართველოში საკომლო გადასახადი ორჯერ მეტი იყო, ვიდრე დასავლეთში“.

კობამ წარბები შეიკრა. ამას წინათ თვითონ გაგზავნა მიშა დავითაშვილი — თავისი უახლოესი თანამშრომელი — ქართლში მოძრაობის სახელმძღვანელოდ. „ფარაჯიანი მიხო“ — შეარქვეს მიშას ქართლში, მოუსმინეს და დაუჭერეს გლეხებმა.

„... მოძრაობა სწრაფად მოედო ოსეთსა და კახეთს. ყველგან ერთი და იგივე სურათი იყო საერთოდ. თვით ყველაზე ჩამორჩენილ თიანეთის მაზრაშიაც კი ამხედრდა გლეხობა, გარეკა მთავრობის აგენტები და მოითხოვა ახალი, სამართლიანი ცხოვრების პირობები...“

„ყველა ამ ამბებს წინ უძღოდა საქართველოში ბათომის ამბები. 1902 წ. 9 მარტს „მასწავლებლის“⁴ ხელმძღვანელობით ბათომის მუშები პირველად შეებრძოლნენ თვითმპყრობელობასა და კაპიტალიზმს. ბათომის მუშები პირველად ჩაებნენ რევოლუციურ მოძრაობაში. 9 მარტს გამართული დემონსტრაცია დახვრიტა მთავრობამ, მაგრამ ამ სისხლს მუშების სწრაფი გათვითცნობიერება

⁴ სტალინის არალეგალური სახელი ბათუმში 1901 — 1902 წ. წ.

მოპყვა. ბათუმის ამბებმა რევოლუციის ცეცხლი და კლასობრივი შეგნება შეიტანეს საქართველოს სოფელში, განსაკუთრებით გური-იმერეთ-სამეგრელოში. რევოლუციის მომავალმა ისტორიკოს-მა ეს არ უნდა დაივიწყოს. ის, რაც 9 იანვარი იყო რუსეთის იმპერიისათვის, 9 მარტი იყო საქართველოსათვის...

„... ასეთ დროს სოციალ-დემოკრატიული პარტია არ არის ერთიანი პარტია. ფაქტიურად, ეს უკვე ორი პარტიაა სხვადასხვა ტაქტიკით, მსოფლშეგრძნებითა და ბელადებით.

„... საჭიროა შეუროგებელი ბრძოლა მეუმცირესეთა ოპორტუნიზმის წინააღმდეგ. ტყუილად როდი დაშალა „მან“ მეუმცირესეთა გავლენის ქვეშ მოყოლილი თბილისის კომიტეტი და დააარსა ახალი...“

„... თბილისის ახალი კომიტეტი იქნება პარტიის ნამდვილი წარმომადგენელი თბილისში და კავკასიის სხვა ამხანაგებთან ერთად გაგვიძღვება მთავრობისა და ბურჟუაზიის წინააღმდეგ საბრძოლველად“...

„... დღის წესრიგში დიდი და სერიოზული საკითხი დგას. მეუმცირესეთა ნიღაბის ჩამოხდა და მუშათა მასების მომხრობა...“

„... ამას ჩვენ მივალწევთ მხოლოდ ამხ. კობას ხელმძღვანელობით“...

კობამ კვლავ შესკმუნა წარბი. ქება არ უყვარდა.

მახე

შაბათი იყო. შაბათობით მუშებს ხელფასს ურიგებდნენ. ამ საწყალ ხელფასს უამრავი თვალი უდარაჯებდა. შინ ნახევრად მშვიერი ოჯახი, შემტვრეული ღობე, გარეთ მამასახლისი, ხუცესი, გზარი. მამასახლისის გადასახადი, ხუცესს დრამა, გზირს ფოსტის ფული. ყველასათვის უნდა გაეცა დამაკმაყოფილებელი პასუხი, ყველას უნდა გასწვდომოდა ეს საწყალი ხელფასი. ბევრი მტერი ჰყავდა მუშის ხელფასს.

აი მიღის შინისაკენ პერვესელი მუშა ტარიელი. ერთ-ორ ოყა პურს იყიდის შინ წასალებად. ეგერ ფურნეც. მაგრამ ყვირილის მარჯვენა ნაპირზე ფურნე ერთი-ორია, ხოლო სამიკიტნოები უამრავი. ყველა სამიკიტნოს წინ მიკიტანი დგას. მუშებს უდარაჯებს. იციან მსუნაგებმა: დღეს მუშებმა ხელფასი მიიღეს. დიდი ვაჟაკობაა საჭირო, ისე ჩაიარო სამიკიტნოების რიგი, რომ დუქანში არ შეუხვიო. ყოველი დუქნის წინ მახეა დაგებული. უცნაური და

მიმზიდველია ეს მახე. ვიტრინაში ღვინით სავსე ბოთლები დგას. აი, ყელმოდერებული, ტანწვრილი ვერმუტის ბოთლი. აი, მუცელგაბერილი თეთრი ბოთლები. შიგ სანთლის არაყი დგას, ცეცხლი რომ ლურჯად ეკიდება. აი თეფში. თეფშზე სამწვადე. ცხოვრების მადლი ამ სუკში ჩასისხლებულა და ეგაა. მშრალად მოხარშული ქონიანი ხაშლამა თითქოს ეუბნება ტარიელს: რას ცხოვრობ ქვეყანაზე თუ გვერდს ჩამივლიო... ან კავზე ჩამოკიდებული იმერული კუპატები, ბროწეულითა და სურნელოვანი ბალახით გაკეთილმობილებული. მხოლოდ შეხედე და წამსვე წარმოგიდგება, თუ როგორ ამიშინდება ცეცხლზე ეს თვალფართო ძეხვი, თუ როგორ დაუვლის ცეცხლი გარშემო, გახეთქს გარსს და შეაქრება შიგ. გახეთქილი გარსიდან კუპატის შიგნეული წამოვა, მაგრამ ცეცხლს რომ დაინახავს, შეჩერდება, შეიკუმშება, და ტკრიცაოთ დაეწვეება ნაღვერდალზე: შე უღმერთო, რას მერჩი, რომ მომეკიდეო.

ახლა თევზს არ იკითხავთ? ახ, ასე ცოცხლად მოხარშულ თევზს, თითქოს კვლავად ცოცხალიაო, გვერდი როგორ ჩაუაროს კაცმა, თუ ჯიბეში ოდნავ მაინც უჭყავის ფული?

ან ეს მოხარშული დედლები? კანი რომ ასკდებათ სიმსუქნისაკან? რათ ღირს ახლა ნიორწყალში ეს დედალი?

ახლა ამ სულუგუნებს არ იკითხავთ, დინჯად რომ დალაგებულან ერთი მეორეზე და მადიანად ელიან ტარიელს?

მაგრამ ტარიელმა იცის, რომ ყველაფერი ეს ხაფანგია, რომ მიკიტანს საგანგებოდ აქვს ასე მორთული ვიტრინა.

ტარიელმა გაბედულად ჩაუარა ერთს, ორს...

ყველგან ერთი მეორეზე უკეთესი ვიტრინა. ყველგან ფესტამლიანი მიკიტანი და ქონიანი, მაცდური ღიმილი.

ახლა ეს ზარასპიც! რა შემპარავად, ზრდილობიანად, ტკბილად ესალმება ტარიელს და უღიმის! სად მიეჩქარება ნეტავი ტარიელს? ქვეყანა ასე იქნება და ასე იყო. კაცი კაცის წამალიაო, არ გაუგონია ტარიელს? შემობრძანდეს ერთი ზარასპისთან. ერთი ორი დღე იმიტომ ცხოვრობს ადამიანი, რომ ხალხში გამოჩნდეს, მტერიც ნახოს და მოყვარეც. ზარასპისთანა მოყვარეს სად იშოვის ტარიელი? ძალსაც კი შეუჭამია ეს სამწვადეც და ზარასპის ხორციც, თუ ძმაკაცები შემოელევა, თუ პურმარილი დაუძვირდება ძმაკაცთან...

ჰო, ყველაფერი ეს ასეა, მაგრამ ტარიელს რომ ეჩქარება? მართალია, პურღვინო ღმერთს გაუჩენია, მაგრამ რა ჰქნას ტარიელმა, თუ ეჩქარება? ესეც არის, რატომ უნდა დაიხარჯოს ტარიელის

ველსათვის ზარასპი? არაა საჭირო ეს ზარჯი. ძმაკაცობისათვის კი დიდი მადლობა, თუ ზარჯსი იკადრებს ტარიელის ძმაკაცობას...

ენ, ტარიელ! შენ არ ყოფილხარ კაი კაცი. განა ზარჯზე უნდა ფიქრობდეს ადამიანი, როცა საქმე ძმაკაცობაზე მიდგება? ზარასპის ერთი-ორი შესიტყვება სწყურია ტარიელთან, ერთი ჩამოლოცვა, თორემ ფული ეშმაკსაც წაუღია... ფული... ფულს ყოველთვის იშოვის კაცი, ძმაკაცს კი ვერა... შემოვიდეს ტარიელი, ერთი ჭიქა ღვინო დაუღოს. რას ყოყმანობს? არ ყოყმანობს? თეთრი ღვინო ურჩევნია თუ წითელი? მარტო ერთი ჭიქა? არა, ტარიელ, შენ არ მოუკვდე ზარასპის! გეჩქარებაო? შე კაცო, ვინც იჩქარა, ისიც ვერ გასცილდა სასაფლაოს... აბა, სევასტია, ბიჭო, გაშალე სუფრა!..

ქართულ ბოთლს უცნაური ჩვეულება აქვს: არ უყვარს მარტობა. ვერ დადგება მარტოდ-მარტო. უეჭველად ძმა და ამხანაგი უნდა ამოიყენოს გვერდით. დამიჯერე, ტარიელ.

ჯანაბას! დაიმშვენოს მხარი ამ ბოთლმა, ოღონდ მეტი არა, ზარასპი! მეტი არ შეიძლება! ეჩქარება ტარიელს. ეს მეორე ბოთლი კი ტარიელს უნდა დაუთმოს ზარასპიმ. რაო? ეწყინება ზარასპის? თავმოყვარეობის საკითხია? ფიე, ეს რა იკადრა ზარასპიმ? თავმოყვარეობა ტარიელს არა აქვს თუ? არა, ზარასპი, ნუ გეწყინება და ამას არ იკადრებს ტარიელი. დაემღღერება ზარასპის...

სევასტია ბიჭმა აშიშინებული კუპატები შემოიტანა. ორთქლი და სუნი ნესტოებს საამურად უღიტინებს.

აჰ, ამ კუპატს კი უნდა ცალკე ბოთლი. სამებოთაა ღმერთი, დაილოცოს მისი სახელი!..

პოო, ეს უკვე მეტისმეტია! არა, ზარასპი, ამას უკვე არ დაგიტომბს ტარიელი! აბა, ბიჭო სევასტია, ეს სამი ბოთლი მე ჩამითვალე! რაო? შენ ვინ გეკითხება! ხაზენი გაგიწყურება? ხაზენი მე ვარ აჰ... აბა! სამი ბოთლიც იქ მიიტანე, კუთხეში რომ ბიჭები სხედან. ჩვენი პერევისელებია...

მიკიტნის თვალებმა გაიღვეს, გაიცინეს, ჩქარა მაგიდა მაგიდას შეუერთდა და ტარიელი თამადად აირჩიეს.

და რაც ვიტრინაში იყო შემწვარ-მოხარშული, სუფრაზე დაალაგა.

რა ხანია ტარიელს მადიანად არ უმღერია! აბა, ერთი სიმღერა, ბიჭებო!

სოფლური, ლამაზი სიმღერის ნაცვლად ვილაცამ შორით ჩამოთრეული უშნო და უმგვანო დაიწყო:

„გულიმჯან, სულიმჯან,
ჯან, გულიმჯან!
გული, სული დაჩაგრული,
ჯან გულიმჯან!“..

გვიან გაიღვიძა მეორე დღეს ტარიელმა. ტკივოდა თავი და გამშრალი ჰქონდა პირი. იწყევლებოდა ცოლი და ტიროდნენ ფეხ-შიშველი ბავშვები...

ათისთავი

პეტრე ჭიშკარს მოადგა და შემოიძახა:

— ტარიელ, გამოიხედე თუ ძმა ხარ! საქმე მაქვს.

— ოი, მაგას გაუჩნდა საქმე სასაფლაოზე! — მიაწყევლა თავ-საფრიანმა ქალმა. — მე შენ გეტყვი და არ გამოგადგეს კარგ საქმეზე...

— რა იყო, სალომე, რამ გაგაბრაზა?

— თვითონ მოგიყვება თავის სიკეთეს, — და სალომემ კაბის ქობაზე ხელი მოიწმინდა, პეტრეს შეეგება.

პეტრემ რომ ტარიელის მარცხი გაიგო, მწარედ ჩაიცინა:

— ეხ, ჩემო სალომე! მთავრობას ჩინებულად აქვს მუშის გა-საფცქვენი მანქანა ატრიალებული. თქვენ გგონიათ მარტო ტა-რიელს მოუვიდა ეგ მარცხი? მე რამდენჯერ გამფცქვენეს ასე... ჩვენს ოფლში გამოხსარულ ფულს ათასი მახე უგია.

— ჩიტი ხომ არა ხარ, მახეში გაება?

— ჭკვიანი ჩიტი ორივე ფეხით გაებმებაო — არ გაგიგონია?

— ეხ, საანდაზოდ კია ჩენი საქმე გადაქცეული. აგერ ტყემა-ლი გადათეთრებულია და ჩვენ კი სახნავი მიწა ვერ მიგვიჩენია. ვეუბნები ტარიელს, ავიღოთ და მოვხნათ შარშანდელი მიწა მეო-ქი. ეშინია, პოლიცია არ დაგვასიოსო თავადმა.

სალომემ ხმას დაუწია:

— როგორაა, ბატონო, ერთობის საქმე? მართალია, რომ გლე-ხებს მიწებს დაგვირიგებენო?

— დიდი ამბებია, ჩემო სალომე! დიდი ამბები! ირყევა მეფის ტახტი. ხომ ჰკითხულობ გაზეთებს? ყველა აუმხედრდა მეფეს.

— მაგრამ რომ არ ჩამოვარდა ეგ სამიწე?

— ერთობაა საჭირო, ჩემო ბატონო, ერთობა!

— მეტი ერთობა შეიძლება? ქალი და კაცი ყალყზეა შემდგარი.

— ეს ასეა, მაგრამ მაინც არაა ერთობა. ზოგი ალთას, ზოგი ბალთას. ჩვენი პარტიაც გაიყო შუაზე და სულ აიჩრია მონასტერი.

— ასეთ ღროს რა გაქვთ, ბატონო, გასაყოფი? შეთანხმდით.

— გასაყოფი რა გვაქვს, მაგრამ საერთოც რომ არა გვაქვს? ამას წინათ ორი ორატორი ჩამოვიდა ქიათურაში: საშა წულუკიძე და ნოე ზომერიკი. იდავეს, იკამათეს და გაბრუნდნენ. ჩვენ რას შევეთანხმდებოდით, როცა განხეთქილება სათავეში მოხდა და იქიდან მოდის?

— ნეტავი ისეთი კაცი გამოჩნდებოდეს, მტერ-მოყვარეს თავთავის ადგილს მიუჩენდეს, — ინატრა სალომემ. — ახლა ყველა ერთობაზე გაიძახის. მიხაკო წეროძეც კი, შავი ქვის მრეწველი, ერთობაზე გაიძახის. კაცი გვინდა, გზის მაშუქი...

პეტრემ მიიხედ-მოიხედა და ჩუმად უთხრა:

— ჩამოვიდა ასეთი კაცი. დიდი ხელმძღვანელი ჩამოვიდა... ბათომის ამბები ხომ იცი? ჰაი, რა ამბები დეატრიალეთ მაშინ ბათომში? ასი წელი ვიცოცხლო, არ დამავიწყდება! აი, იმ ამბების მეთაური ჩამოვიდა.

— აკი გადასახლებული იყო!

— გამოიქცა. აი, ის ჩამოვიდა. ხვალ პერევისაში დიდი კრება გვექნება. ტარიელს იმიტომ გამოვუარე, რომ არ დააკლდეს.

მოსმა ხველა. ტარიელმა თავი გადმოჰყოფა ფანჯრიდან. მორცხვად მიესალმა სტუმარს. მორცხვადვე უთხრა — მოვალ, რასაკვირველია, მოვალო...

— ნეტავი მეც შემეძლოს დასწრება, — ინატრა სალომემ.

— სოფლებშიაც იქნება კრებები მოწყობილი, — უთხრა პეტრემ. — ფაცია გალდავა ამოვა ქალებთან მოსალაპარაკებლად.

— აი, ის ლამაზი, ერთობის ქალიშვილი?

— დიახ. თქვენ, ჩემო ბატონო, უნდა შეამზადოთ ქალები, დაეხმარეთ საერთო საქმეს.

— მე რა ლაპარაკი მინდა. ცეცხლზე ნავთს გადავასხამ.

— აბა, წავიდეთ, ტარიელ! გამო, ნუ გრცხვენია! ერთი ალილო მღვდელსაც შესცდებო.

ტარიელი დარცხვენულად გამოვიდა. პეტრე წამოადგა.

— ტარიელ, სალომესთან რა დასამალავია. შენთან ორგანიზაციამ გამომაგზავნა. მართალი ბათმანივით კაცი ხარ. შენ უნდა დაგასახელოთ ათისთავად.

— მე... ათისთავად? — ეოცა ტარიელს. — მე?

— დიახ, შენ. წავიდეთ სტეპკოსთან, მთავარ ხელმძღვანელს გაგაცნობს. აი, იმას, ვინც ჩამოვიდა და უნდა გვაბრძოლოს.

— მე ათისთავად? — ისევ გაოცებულად იკითხა ტარიელმა.

— დიახ შენ. ოღონდ გახსოვდეს, ათისთავი სუფთა ჭიქასავით უნდა იყოს. აბა, წავიდეთ, კიდევ მაქვს მოსალაპარაკებელი.

ტარიელმა თავი ასწია, ამაყად, დარწმუნებით წამოიძახა:

— ტარიელი ჩაძაღლდეს მალაროში, თუ იმედი არ გაგიმართლეთ. ქალო, მოიტა ჩემი ქამარ-ხანჯალი... ათისთავი... ჰა... გამოვდგები ვითომ? როგორი დიდება მომივიდა, ა?... წავიდეთ...

ბანაწმისი

სტეპკოს ინფორმაციამ ცხადპყო, რომ საჭირო იყო მეუმრავლესეთა უჯრედების დამოუკიდებელი არსებობა ყველა მალაროში და სოფელში. საჭირო იყო მეუმცირესეებისაგან გამიჯვნა და სადავო საკითხების საჯაროდ გამოტანა.

— საჭიროა ყველგან გვეყავდეს ორგანიზაცია. — აუხსნა კობამ ამხანაგებს. — ორგანიზაცია შემოიკრებს ძალებს, დარაზმავს ხალხს. რიცხვს ნუ გამოუდგებით. უნდა გავმართოთ ღია დისკუსიები. გავიტანოთ მუშებში სადავო საკითხები. თვითონ მუშებმა სთქვან, ვის მიჰყვებიან, ვისთან არიან. დაინახონ, რომ ჩვენ და მეუმცირესეებს ორი სხვადასხვა გზა გვაქვს. ერთი გზა მეორის გამომრიცხველია.

ყველა წევრს მიუჩინეს თავისი სამუშაო უბანი.

სამხედრო ჯგუფის ხელმძღვანელს, ყელეზნის, იარაღის შექმნა და წითელრაზმელების წრთვნა დაევალა. გამოირკვა, რომ ამ მხრივ საქმე კარგადაა. წითელრაზმელები, რომელთაც სახალხო რაზმელებსაც ეძახდნენ, ათეულებად დაუყვიათ. ყოველ ათეულს ათისთავი ჰყოლია დანიშნული ყოფილ ჯარისკაცებისაგან. სამხედრო ვარჯიშობა ხშირად იმართება და მონაწილენი ხალისით სწავლობენ სამხედრო საქმეს.

დანაწილებულ იქნა პროპაგანდისტები მალაროებსა და სოფლებში. ერთმა პროპაგანდისტმა უოყმანი დაიწყო: შორია, ვერ წავალო.

— როგორ თუ ვერ წახვალ? — გაუკვირდა კობას.

— აბა რა წამიყვანს იმ სიშორეზე ფეხით!

— კაცო, აბა ეტლით ხომ არ მიხვალ პროპაგანდისტი? — გაუკვირდა სტეპკოს.

— თუ ვერ წახვალთ, სულაც არ წახვალთ, — უთხრა ოჩან პროპაგანდისტს კობამ და ამოშალა სიიდან.

ერთი კვირის შემდეგ დიდი თხოვნა დასჯირდათ ამხანაგებს, რომ კობას ისევ მიეღო ამოშლილი პროპაგანდისტი სამუშაოზე.

კობამ მოახსენა კომიტეტს, რომ საჭირო იყო ერთი ამხანაგის გამოყოფა არალეგალურ სტამბაში სამუშაოდ.

— როგორ? გვაქვს არალეგალური სტამბა?

— გვექნება. ადგლიც შევარჩიეთ მე და სტეპკომ. საჭიროა ასოთამწყობი, რომელიც შეისწავლის ბეჭდვას.

— მერე ვინ ასწავლის?

— მე ვასწავლი. გარდა ამისა, თბილისიდან ჩამოვა არალეგალური ასოთამწყობი, ავლაბრის სტამბიდან, და ის შეასწავლის.

— ფაცია გალდავა! ფაცია! — დაასახელეს ერთხმად.

ფაციას სიწითლე შეეპარა ლოყებზე. თვალებმა სიხარულით გაუელვა.

ყველამ მიიღო დავალება. გადაწყვიტეს: პირველი ღია დისკუსია მეუმცირესებთან პერევისაში გამართულიყო.

კობამ გამოაცხადა, რომ მეუმცირესეთა თბილისის კომიტეტმა ჭიათურაში, დისკუსიების მოსაწყობად ისიღორე რამიშვილი და გრიგოლ ლორთქიფანიძე გამოაგზავნა.

— უკვე ჩამოვიდნენ? — იკითხა პეტრემ.

— ჩამოვიდნენ, — უპასუხა სტეპკომ. — წუხელის ბანკეტი ჰქონდათ ზაქარია გურულთან, მათ პროპაგანდისტთან.

— მაგრამ ის ხომ მრეწველია? — გაუკვირდა ფაციას.

— ისიცაა და ისიც. ორ კურდღელს იჭერს.

გაეცინათ...

პერევისა

გიორგი დაღონებული მიდიოდა პერევისისაკენ. ვიწრო გზა ჩრამის პირას მიჰყვებოდა. ალაგ-ალაგ, გზის პირას, ძერძა ეკალა ხარობდა. ალაგ-ალაგ, ძუნწად, მწვეანე ბალახი და ფერმკრთალი ია. გიორგის გვერდით კახა მილილინებდა. ხანდახან კახა დაიხრებოდა, იას მოსწყვეტდა, ისევ განაგრძობდა ლილინს. თბილი, მზიანი ღლე იყო და კარგ გუნებაზე იყო კახა.

— რამ ჩაგაფიქრა, გიორგი?

— ეხ, კახა, ვერ არის კარგად საქმე. არ მომწონს ჩვენი პარტიის გათიშვა. ახლა მეფეს უნდა ვებრძოლოთ, ძალები გავაერთიანოთ. ერთს მაგარს, ძლიერს ჯარს უნდა წარმოვადგენდეთ. ასე არაა? ჰო და ამის ნაცვლად გათიშვა? როგორ მოგწონს?

— რასაკვირველია, არაა კარგი. მაგრამ საქმე მოწონება-არ-მოწონებაზე როდია, საქმე ისაა, ვისი გზაა მართალი? მეუღრავ-ლესობისა თუ მეუღცირესობისა? მართალია ჩვენი გზა.

— შენ მეუღცირესეთა პროპაგანდისტი ხარ, კახა, და იმიტომ ამართლებ შენიანებს. მე რა ვქნა, რომ არც იქით ვარ და არც აქეთ?

— აი, ეს კი არ ვარგა. თუ რამე გესმის, ან იქით უნდა იყო, ან აქეთ.

— მე ვფიქრობ, რომ იქით და აქეთ ყოფნით არ მტკიცდება კაცის გარკვეულობა.

— სწორედ რომ მტკიცდება, ჩემო გიორგი! შენ ჭაობში ხარ.

— ჭაობი რა მოსატანია?

— ჭაობს იმათ ეძახიან, ვინც არც იქითაა და არც აქეთ.

— უკაცრავად შენთან. მე ჭაობი არა ვარ. მე ბევრს ვფიქრობ, მაგრამ ვერ გადამიწყვეტია. როცა შენ გიგდებ ყურს, შენ ხარ მართალი. როცა მიშა დავითაშვილს ან სტეპკო ინჭკირველს, — ისინი არიან მართალი. მაგრამ ესეც ვიცი, რომ ორი სიმართლე არ შეიძლება ერთსა და იმავე საკითხში. ვკითხულობ გაზეთსაც, წიგნებსაც, რამდენიც გამეგება, მაგრამ პარტიის გათიშვას ვერ შევრიგებდევარ. გული მტკივა.

— გულის ტკივილი რა შუაშია? გარკვევაა საჭირო. რამდენჯერ მითქვამს: მეუღრავლესენი ბლანკისტები არიან. მათ სურთ ისტორიას გადაახტენ. აქ თავია საჭირო, მოფიქრება. რა შუაშია გული? ბავშვობ?

— მე არ ვიცი, რა შუაშია. მე ის ვიცი, რასაც გეუბნები. შენ კი თითქოს დამცინი კიდევ.

კახამ განაგრძო ლილინი. გიორგი გაიბუტა.

ვერ იყო კარგ გუნებაზე გიორგი. მთელი მისი ცხოვრება განუწყვეტელი, დაუსრულებელი და უსინხარულო იყო ბავშვობიდანვე. არავითარი იმედი არ იყო, რომ მუშას ოდესმე ადამიანური ცხოვრება დაუდგებოდა. ახსოვს გიორგის ის დიდი გაკვირვება და სიხარული, როცა 1901 წელს თბილისში პირველად ნახა აფრიკალებული წითელი ღროშა, პირველად გაიგონა:

— ძირს თვითმპყრობელობა!

იკითხა და გაიგო, რას ნიშნავდა წითელი ღროშა და პირველი მაისი. მას შემდეგ ჩაება რევოლუციაში და სულ იმის ოცნებაში იყო, როგორმე მოახლოებულიყო თავისუფლების დღე. კიათურაში გადმოსვლის შემდეგ პარტიაშიაც შევიდა. მუშაობდა

და ოცნებობდა შორეულის მოახლოებაზე. აჰა, მოახლოვდა თითქოს ეს შორეულიც. ხალხი ამოძრავდა, აშკარად ლაპარაკობდა თავის ჭირვარამზე, იარაღსაც აეღარუნებდა. და ამ დროს ხელმძღვანელი პარტიის გათიშვა? იმ პარტიისა, რომელიც სათავეში უდგას რევოლუციას? რომელმაც უნდა წაიყვანოს ხალხი აღთქმულ ქვეყნისაკენ, სოციალიზმისაკენ?

არა, არ მოსწონს ეს გათიშვა გიორგის. მთელი თავისი არსებით წინააღმდეგი იქნება გიორგი ამ გათიშვისა დღევანდელ კრებაზე. გავლენიანი მუშაა გიორგი. მას ხშირად ირჩევენ თავმჯდომარედ მიუდგომლობისა გამო. გამოვა დღევანდელ კრებაზე და მოუწოდებს დათმობისაკენ, გაერთიანებისაკენ. დაჰგმობს იმათ, ვინც ღრღნის პარტიის ძვალს, სჯიჯგნის პარტიის გულღვიძლს. არავის დაინდობს გიორგი, ყველას ამხელს, ვინც უნდა იყოს, თუნდაც ინტელიგენტი. რა ვუყოთ მერე, ინტელიგენტი და ნასწავლი რომაა? პარტია მუშებისაა. პარტია გიორგისაა. ხომ ეწოდებოდა პარტიას რუსეთის სოციალ-დემოკრატიული მუშათა პარტია. — მაშ, კეთილინებონ და დაუჯერონ მუშას. რა მცოდნია მე თქვენი ინტელიგენტური თავმოყვარეობისა და კინკლაობისა? მიანებეთ თავი კინკლაობას, თორემ მუშამ მოსმენაც იცის და განსჯაც. მუშა სულელი კი ნუ გგონიათ! აი, ყველაფერს ამას იტყვის დღეს გიორგი. იტყვის, შენ არ მომიკვდე...

— რას იტყვი, გიორგი? — ჰკითხა კახამ.

— რას? — გაუკვირდა გიორგის და მიხვდა, რომ თავის თავსვე ელაპარაკებოდა. ცოტა არ იყოს შეერცხვა და ჩაილაპარაკა: — ირაფერს. იქ ვნახავთ.

— მაინც, — გაიცინა კახამ, — ისევ გათიშვაზე ფიქრობ?

— რა გაცინებს? — აენტო გიორგი. — შენთვის, ბიძი, განხეთქილება სასაცილოა, როგორც ვატყობ. ჩემთვის კი სიკვდილია. რევოლუცია რომ დამარცხდეს, მე ისევ 16 საათი უნდა ვიმუშაო. ისევ სველ მიწაზე და გვიმრაზე უნდა დავწვე ბნელ მალაროში, ისევ ძალღურად უნდა ვათრიო დღეები. შენ კი წახვალ და მოეწყობი სადმე კანტორაში. ნაქრად დაუდგები ფორვეულს, პანასიეს ან იმავე ზაქარია გურულს.

— რატომ გგონია ასე? — ეწყინა კახას.

— რატომ და ხომ სწერენ მეუმცირესენი, შენივე ამხანაგები, ინტელიგენცია დროებით არისო ჩვენთან?

— მაშ, თუ ეს ასეა, შენ მეუმცირესე ყოფილხარ, — ირონიულად უპასუხა კახამ.

— მე უკვე გითხარი: არც მეუმცირესე ვარ და არც მეუმრავ-
ლესე. მე მუშა ვარ, მაძიებელი. რამდენია ჩემისთანა. გარკვევა
კვინდა იმ საკითხში, თქვენ რომ შემოათრიეთ ჩვენი პარტიის
კარებში. გაიგეთ? ჩვენი, მუშათა პარტიის კარებში... თუ არ მოგი-
გვარებიათ ეს საკითხი, გცემთ პატივს...

კახამ დაინახა, რომ გიორგის უღვაშები აუკანკალდა, რომ
გიორგი მუშური გულწრფელობითა და უშუალოდ ლაპარაკობ-
და. კახამ იგრძნო, რომ პარტია გიორგისთვის ნამდვილი სულიერი
ოჯახი იყო და გიორგი ერთგული შვილივით იცავდა ამ ოჯახის
სიწმინდეს.

კახამ პატივისცემით და მორიდებით შეხედა გიორგის. ასეთი
გრძნობა გიორგისადმი ჯერ არ ჰქონია კახას. უღარდელი ღიღინი
წამსვე შესწყვიტა და ჩაფიქრდა. ცალი თვალით გიორგისკენ გაი-
ხედა.

გიორგის ისევ ისე უკანკალებდა უღვაში.

კახა ერთი ნაბიჯით მოერიდა გიორგის. რა უპასუხოს გიორ-
გის? რა ვუყოთ, რომ კახა არაა მუშა? განა სავალდებულოა? სა-
ჭიროა სწამდეს კახას იმ გზის სისწორე, რომელზედაც ადგია მუ-
შათა კლასი, ე. ი. მილიონი გიორგი, და კახაც წმინდა სინიღისით
ემსახურება ამ გზას. განა ამისათვის არ გამოაგდეს კახა სასწავ-
ლებლიდან? განა კახა გულწრფელი სოციალისტი არაა? მართა-
ლია, კახა მეუმცირესეა, მაგრამ პარტიაში მომხდარი განხეთქი-
ლების შემდეგ ხომ უნდა მიჰკედლებოდა კახა მეუმცირესეთ ან
მეუმრავლესეთ? ბოლოსდაბოლოს, არც ისე საინტერესოა, უეჭ-
ველად რომელიმე მხარეს მიემხრო. საჭიროა იყო სოციალ-დემოკ-
რატი, ხოლო რომელი კარიდან შეხვალ სოციალიზმში, მარჯვნი-
დან თუ მარცხნიდან, სულ ერთი არაა?

ასე უღარდელად ფიქრობდა კახა და თავისი თავი ნამდვილ
პარტიულ მოღვაწედ მიაჩნდა. კარგი მოლაპარაკე იყო, ენაწყლია-
ნი, და მეუმცირესეებმა ქუთაისიდან ქიათურაში გამოგზავნეს
პროპაგანდისტად. აი დღესაც, მეუმცირესეებმა პროპაგანდისტე-
ბის მობილიზაცია გამოაცხადეს და კახა პერევისაში მიდის. პერე-
ვისაში კი დიდი ბრძოლაა მოსალოდნელი. თურმე თვითონ კობა
ჩამოსულა...

* * *

პერევისაში სამასამდე კაცი შეკრებილიყო. იცოდნენ, რომ
ლიდერები შეებმოდნენ ერთმანეთს. მუშათა უმრავლესობა გამო-
ურკვეველი იყო. ვერ გადაეწყვიტათ ჯერ კიდევ, ვინ ვის მიმხრო-

ბოდა, ვინ იყო მართალი, რომელი მხარე. ათასი სხვადასხვა ხმა დადიოდა. ზოგს უკვირდა პარტიის გათიშვა. ზოგი ყურმოკრულ ამბავს აპყლოდა: პარტიის განხეთქილება ლიდერების პირადი კინკლაობის შედეგიაო. ზოგი სწუხდა: რა დროს ეგააო? ზოგიც უღარდელად იყო: პარტიელები თუ ცხვირპირს ამტვრევენ ერთმანეთს, მე რათ მინდა ისეთი პარტიაო.

მეუმრავლესეთა ახალი ხელმძღვანელის ჩამოსვლამ ყველა დაინტერესა. როგორია ეს ახალი? ესეც ხომ ზაქარია გურულივით არ დაიწყებს გინებას და მოწინააღმდეგის შეურაცხყოფას? რა შედარებააო, ჩაურთავდნენ ზოგიერთნი. ეს ის კაცი ყოფილა, ბათომი რომ გაჰტიცა 1902 წელს. ციმბირიდან გამოქცეულა. სულ არალეგალურად მუშაობს თურმე. შარშან დეკემბერს რომ გაფიცვა გამოვაცხადეთ და მოვიგეთ, თურმე მისი ხელმძღვანელობით ყოფილა... ყოფილა ჭიათურაში? ყოფილა კი არა, შარშან გაფიცვა მოგვაგებინა. ახ, ნახონ ერთი მუშებმა ეს მოამაგე...

— ნეტავი ჩქარა ვნახო ახალი ხელმძღვანელი! — უთხრა ტარიელმა გიორგის. — გახსოვს, ხმები რომ დაყარეს: მეუმრავლესენი ქურდობას უწყობენო ხელს?

— როგორ თუ ქურდობას უწყობენო ხელს? — გაუკვირდა კახას.

— თქვენ ალბათ ახლად ჩამოსული ბრძანდებით, — უპასუხა ტარიელმა. — არ იცით აქაური ავანჩავანი. როგორ, ჩემო ბატონო და, გახშირდა ქურდობა, ყაჩაღობა. ვერც პოლიციამ, ვერც ორგანიზაციამ ვერ აღმოაჩინეს ავაზაკები. მეუმცირესებმა ხმები დაყარეს, როგორც მოგახსენეთ, ქურდ-ბაცაცობას მეუმრავლესენი უწყობენო ხელს. ერთხელ დიდძალი ტყავი მოიპარეს მაღაზიიდან. მთელი პოლიცია ფეხზე დადგა. ვერ აღმოაჩინეს. მაშინ პოლიციამაც დაიწყო ხმების გავრცელება: ტყავი მეუმრავლესებმა მოიპარესო.

— რა საძაგლობაა! — წამოიძახა კახამ: — ვერ მოძებნეთ ნამდვილი ქურდი?

— მეუმრავლესებმა მოსძებნეს. ვინმე მეჭვადიძე აღმოჩნდა. აპკიდეს ზურგზე მისი მოპარული ტყავი და ჩამოიყვანეს მაზრაში. უამრავი ხალხი შეიკრიბა. მოსთხოვეს სიმართლე ეთქვა ხალხის წინ, საჯაროდ.

— რა სთქვა? რა სთქვა? — და კახა დაიხარა ტარიელისაკენ.

— არავითარი კავშირი არა მაქვსო რევოლუციასთან... უფრო საინტერესო იყო ერისტო მიქაბაძის ავაზაკობა. ეს მიქაბაძე, შენ ხარ ჩემი ბატონი, დალაქი იყო.

— საინტერესო ამბავია, საინტერესო! — მოისმა გარშემო, და თუმცა მსმენელებში ბევრმა იცოდა მიქაბაძის ამბავი, მაინც შეჯგუფდნენ ტარიელთან. ტარიელს უყვარდა ლაპარაკი და განაგრძო:

— მიქაბაძეს მუდამ შეხვეული ჰქონდა თავი ყაბალახით. ყველას უყვირდა. ის კი ამბობდა, კანი დაზიანებული მაქვს და არ მინდა გამოვჩინო. თურმე ნუ იტყვი, იმ დალაქს ხუცესივით გრძელი თმები არ გაუზრდია? ავაზაკების ჯგუფი არ ყოლია? როცა საყაჩაღოდ წავიდოდა, თმას ჩამოიშლიდა, სახეზე მურს წაიციხებდა. მეორე დღეს ისევ ჩაიკეცავდა თმას ყაბალახში და პარსავდა და კრეჭდა ხალხს. ხალხში ხმები დადიოდა: მთავარ ავაზაკს გრძელი თმები აქვსო, სოციალისტივით. იმასაც ამბობდნენ, მეუმცირესენი, რასაკვირველია, მეუმრავლესენი უწყობენო ხელს ძარცვა-გლეჯასო.

— შენ, ჩემო ძმაო, პროვოკაციას ეწევი! — დაუყვირა კახამ ტარიელს. — სახელს გვიტეხავ მეუმცირესეებს.

— მე არც მეუმცირესე ვარ და არც მეუმრავლესე, — დინჯად უპასუხა ტარიელმა. — სახელი ვისაც გატეხილი აქვს, ეცადოს გააჩანმრთელოს.

— მართალია, მართალი! — უთხრეს მუშებმა კახას. — მეუმცირესენი მართლა ავრცელებდნენ ასეთ ხმებს. აი, დაუგდეთ ყური როგორ გამოირკვა ეს ამბავი. განაგრძე, ტარიელ!

— ერთხელ ერთმა მთვრალმა სტაცა ხელი დალაქს და მოხსნა ყაბალახი. გამოჩნდა გრძელი თმა. დალაქმა კინალამ მოჰკლა ის კაცი. ძლივს გამოსტაცეს ხელიდან. სტეპკო ინწყირველმა უთხრა თურმე თავისიანებს: ბიჭებო, ეს არ იყოს ის ავაზაკი, რომლის სახელით სახელს გვიტეხენო მეუმცირესენი. დაუნიშნეს ზვერვა და ქე არ დაიჭირეს! გამოტყდა ყველაფერში.

— რას ამბობთ?

— ჰკითხეთ ილიკოს, აი ეგერ გაცხარებით რომ უხსნის მუშებს მეუმრავლესეთა პროგრამას. ის გეტყვით უფრო დაწვრილებით. მისი მეთაურობით გაიხსნა ეს საქმე. მანვე ჩააძალა ის ავაზაკი ჭიქაურაში. დავუძახო?

— არა! არა! გამომძიებელი ხომ არა ვარ, — უპასუხა კახამ — თქვენ კიდევ გაგისამართლებიათ. ხალხმა როგორ მიიღო ეს ამბავი?

— ძალიან გაბრაზდა მეუმცირესეებზე. აბა, რა საკადრისია ასეთი ცილისწამება?..

კახა გაბრუნდა და განმარტოვდა. მისთვის მოულოდნელი იყო

პოლიტიკური ბრძოლის ასეთი მეთოდი და ამან მეტად ჩააფიქრა. არ ეთანხმები იდეურ მოწინააღმდეგეს? ჰო, მაგრამ სინიდისიცი კარგი საქონელია. რა საკადრისია ქურდობის დაბრალება?

კახა ქვაზე ჩამოჯდა და ფიქრებს მიეცა. სულ დაავიწყდა ისი-დორე რამიშვილის დავალება: კრებაზე აღრე მიდი, ერთი-ორი მუშა შეამზადეო.

— მოვიდნენ! მოვიდნენ! — გაისმა შეძახილები, და კახა გა-მოერკვა.

გამოჩნდნენ ისიდორე რამიშვილი, გრიგოლ ლორთქიფანიძე. კახა ადგა. თავი დაუჯრა. გრიგოლსა და ისიდორეს უკან მთელი ამაღა მოსდევდა ზაქარია გურულის მეთაურობით.

— კობა მოვიდა, კობა! მეუმრავლესეთა ლიდერი! — გაისმა ისევ ხალხში.

— რომელია? რომელი? — იკითხა კახამ.

— აი ეგერა, წიგნი და ბლოკნოტი რომ უჭირავს ხელში.

კახას უნდოდა კარგად დაეთვალეობინა, მაგრამ ლიდერებს ხალხი შემოეხვია და კახა ძალაუნებურად გაანაპირეს. კახას სა-ბედნიეროდ იქვე დიდი ქვა იდო და კახა ზედ მოეწყო. ახლა კი შეათვალეობა ყველა.

გრიგოლ ლორთქიფანიძის ჯგუფში ისიდორეს გარდა ყველას აზიზად ეცვა, ევროპულ ყაიდაზე. თეთრი გახამებული საყელო, ფერადი ჰალსტუკები. ტანში გამოჰიკრებული კოსტუმები. ორ თანმხლებელს, რომელთაც პარიზელ № 1-ს და პარიზელ № 2-ს ეძახდნენ, ხელთათმანებიც კი ჰქონდათ.

კახამ შენიშნა, რომ მუშებს არ მოეწონათ ასე აზიზად ჩაცმუ-ლობა და სიამოვნებით გადაიტანეს თვალი სადათ ჩაცმულ კობასა და ისიდორეზე.

მართლაც, თვალს ის ეცემოდა, რომ შავი ქვის მადაროსთან, სადაც ყველაფერი შავი იყო, ეს გახამებული საყელოები მეტის-მეტად თეთრად მოსჩანდა.

თავმჯდომარის ამორჩევამ დიდი აურზაური გამოიწვია. ორივე მხარე თავის კანდიდატებს ასახელებდა. ატყდა ყვირილი, მიწე-მოწევა. მაშინ ქვაზე ავიდა გიორგი. მისი წარმოსადექი ვაჟაკუ-რი ფიგურა, შავი სახე და შავი წვერულვაში შავი ქვისგან გამო-ქანდაკებულსა ჰგავდა.

— ამხანაგებო! — ხმაც ჰქონდა რიხიანი, მტკიცე, შეუვალი.— ჩვენ აქ იმიტომ კი არ მოვსულვართ, თავმჯდომარის არჩევაზე ვი-დავით. სადავო სხვა გვაქვს. პრეზიდენტს კი არ ვირჩევთ. ჩვენ მოვედით ჩვენთვის სამკვდრო-სასიცოცხლო საკითხის გადასაწ-

ყვეტად. მე არც მეუმცირესე ვარ და არც მეუმრავლესე. მე მუშა რომ ვარ, გული შემტკივა ჩემს პარტიაზე, მინდა გავერკვე კარგად მტყუან-მართალში. ასეთი აქ უმრავლესობაა.

— მართალია! გარკვევა გვინდა და არა ჩხუბი თავმჯდომარისათვის!

— ავირჩიოთ ისეთი კაცი, რომელიც მიუდგომლად გაუძღვება კრებას და მიტინგს.

— ამხანაგი გიორგი თავმჯდომარე! ამხანაგი გიორგი!— გაისმა ხალხში.

— ძალიან კარგი! — უპასუხა გიორგიმ ხალხს. — თამადად როდი მირჩევთ, შეპატიეება რომ დავიწყო... მაშ ასე. ჩვენი მაღაროს მუშების მიტინგს რუსეთის სოციალ-დემოკრატიული მუშათა პარტიის ჭიათურის ორგანიზაციის წარმომადგენლებთან ერთად გახსნილად ვაცხადებ. დღის წესრიგი ყველამ ვიცით. სხვა საკითხს მე არც კი დავუშვებ. ეს საკითხია ჩვენთვის მოავარი. ჩვენ, პარტიულსა და უპარტიო მუშებს, ეს გვანტერესებს. ვინაა მართალი: მეუმცირესენი თუ მეუმრავლესენი? დღეს აქ მოვიდნენ ორივე მიმართულების ლიდერები. მოვუსმინოთ, გავერკვეთ... მორჩა, ამაზე მსჯელობას არავის ვაძლევ. უდავოა ეს. სიტყვა ეკუთვნის პატივემულ ამხანაგს ისიდორე რამიშვილს.

ოდნავ მძღერავი ზმით, თითქოს ყოველი სიტყვა ვერცხლის მანეთიანივით ამოაქვსო ჯიბიდან, დაიწყო ისიდორემ.

— ამხანაგებო! არსებობს ერთი ლეგენდა, ჭალარა ჩვენი კავკასიონივით და უკვდავი, როგორც კაცობრიობის ლტოლვა თავისუფლებისაკენ. ეს არის ამირანის ლეგენდა. მან, დიდებულმა გმირმა, ცეცხლი ჩამოუტანა ადამიანებს ბედნიერი ცხოვრების მოსაწყობად. ამისათვის ამირანი მიჯაჭვულ იქნა კავკასიონის მწვერვალზე. ყვავ-ყორნები ესეოდნენ მის სხეულს და კორტინდნენ, და, აჰა, დადგა კიდევ დრო განთავისუფლებისა. მოვიდა მეორე გმირი ჰერაკლე, ამბობს ლეგენდა, და დასწყვიტა ტანჯულის ჯაჭვები... ასევე ითქმის მუშა ხალხზე. საუკუნოების განმავლობაში ის გმინავდა მონობის უღელ ქვეშ. ის მიჯაჭვული იყო ბატონის მიწაზე, რომ ბატონისათვის ემუშავნა. ის მიკრული იყო მწარმოებლის დაზგაზე, რომ მწარმოებელი — ხაზეინი გაემდიდრებია. ყვავ-ყორნები ესეოდნენ მას. თქვენ იცით, ვინ არიან ეს ყვავ-ყორნები: პოლიცია, მებატონეები, ბერ-ხუცესი, მონაზვნები, ჩინოვნიკები. ისინი სწოვენ ხალხის ტვინს. ისინი სჯიჯნიან ხალხის გულღვიძლს.

— თუ აგრეა, რატომ უღებთ პარტიის კარებს მაგ ხალხს? — შესძახა პეტრემ.

მუშებში სიცილი ატყდა. ისიდორე შეჩერდა, ერთხანს უყურებდა პეტრეს. შემდეგ, თითქოს არაფერი მომხდარაო, განაგრძო:

— როდესაც აივსო მოთმინების ფიალა, ხალხი აღდგა. მაგრამ ჭერ კიდევ არ იცოდა ხალხმა ბრძოლის გზა. ჭერ კიდევ ფიქრობდა, რომ კეთილია მეფე, რომ ჩინოვნიკებია ცუდი. და პეტერბურგის მუშებმა დასწერეს თავისი გულისნადები. პეტიცია მიართვეს მეფეს. აი, რა იყო ნათქვამი იმ პეტიციაში.

ისიდორემ გაზეთი გაშალა. კითხვა დაიწყო.

„... ჩვენ, პეტერბურგის მუშები, მოველით შენთან. ჩვენ უბედური, შეურაცხყოფილი მონები ვართ. მიწასთან გასწორებულნი დესპოტიზმით და თვითნებობით. როცა გაივსო მოთმინების ფიალა, ჩვენ შევსწყვიტეთ მუშაობა და ვსთხოვეთ ჩვენს ხაზინებს მხოლოდ ის მოეცათ, ურომლისოდ სიცოცხლე აღარ შეგვეძლება. მაგრამ ყოველივე ამაზე უარი გვითხრეს...“

მეფევ, უარს ნუ ეტყვი შენს ხალხს დახმარებაზე! დაანგრიე ის კედელი, რომელიც აღმართულაა შენსა და შენს ხალხს შორის! უბრძანე, შეასრულონ ჩვენი თხოვნა! შენ შეგწევს ძალა რუსეთის გაბედნიერებისა! უკეთუ ეს არ მოხდა, ჩვენ მზად ვართ აქვე დავიხოცოთ. ჩვენ მხოლოდ ორი გზა-ლა დაგვრჩენია: ან თავისუფლება და ბედნიერება, ან სამარე“...

ისიდორემ გაზეთი დაკეცა და გადახედა ხალხს. პეტრემ ანგებ ხმამალა დაამთქნარა.

— ს.. ს.. ს.. — გაისმა გაბრაზებული სისინი. — რა დროსია?

ისიდორემ განაგრძო:

— რა ჰქნა მეფემ? დახვრიტა მუშები. ეს მოხდა 9 იანვარს, და 9 იანვარი გახდა რევოლუციის დაწყების დღედ. ამ დღიდან დაიწყო გამოფხიზლება. ამ დღიდან რევოლუციური მოძრაობა მთელს რუსეთს მოედო და მუშა ხალხმა ბრძოლა დაიწყო. ამ ბრძოლაში მუშა მარტო არაა. მას ყავს დამხმარედ რუსეთის სოციალ-დემოკრატიული მუშათა პარტია. ეს ის გმირია, რომელიც პერაკლესავით დაეხმარა ამირანს. მაგრამ იმ დროს, როცა ჯაჭვია დასაწყვეტი, ხოლო მიჯაჭვული ხალხი იმედითა და სასოებით შეჰყურებს ამ თავისს მოამბაგეს, რას შვრება ეს პარტია? რა მდგომარეობაშია იგი? წარმოადგენს თუ არა. იგი ერთი მიზნით, ერთი სურვილით, ერთი მისწრაფებით გამსჭვალულ ორგანიზა-

უიას? თუ შინაგანი სნეულება ღრღნის მისს გულღვიძლს და არ-
თმევს სასიცოცხლო, საბრძოლო უნარს?

ისიდორე შეჩერდა. ისე გადახედა კრებას, როგორც მასწავლე-
ბელმა მოწაფეებს. სამასი კაცი სულგანაბული იდგა და უსმენდა.
ისიდორემ განაგრძო უდავო, შეუვალი ტონით, თითქოს სახარე-
ბიდან კითხულობსო:

— პარტია სწორედ ახლა უნდა იყოს მთლიანი, განუყოფელი,
ერთარსებით მსუნთქავი. პარტია სწორედ ახლა უნდა იყოს ურ-
ღვევი, შედუღებული, მტერთათვის საშიში და მეგობართათვის
საიმედო. პარტია სწორედ ახლა უნდა გავდეს ფუტკრის სკას, სა-
დაც ყველა მუშაობს, ყველას თავისი საქმე აქვს მიჩნეული, და-
ვისი სამუშაო უჯრედს, და ყველა გამსჭვალულია ერთი ალღოთი,
ერთი მიზნით... ვაი, რომ მეორე ყრილობის შემდეგ პარტია არა
ჰგავს ერთი აზრით მომქმედს, ერთი მკერდით მსუნთქავს, ერთი
გზით მავალ მებრძოლს! ხალხი, რომელიც გაჩნდა პარტიაში და
რომელიც თავის თავს მეუმრავლესობას უწოდებს,—თუმცა დიდი
ხანა რაც უმნიშვნელო უმცირესობაშია, აი ეს ხალხი არღვევს
პარტიის ღობეს, ამღვრევს მისს წმინდა წყალს და აქრობს იმ
ლამპარს, რომელმაც გზა უნდა გაუნათოს მრავალტანჯულ ხალხს...

აქამდე ხალხი გულდასმით უსმენდა ისიდორეს. ამ სიტყვების
შემდეგ კი ატყდა ჩოჩქოლი და გაისმა უკმაყოფილო ხმები:

— დაამტკიცეთ, ვინ ამღვრევს წყალს! დაამტკიცეთ, ვინ არ-
ღვევს პარტიის ღობეს!

ისიდორემ ხელი ასწია. ხმასაც აუწია.

— ხალხი, რომელსაც არ უსუნთქია პარტიის ოჯახში, არ გაუ-
თენებია არც ერთი ღამე პარტიის სადარაჯოზე, არ დაუღევია
არც ერთი ჭიქა წყალი პარტიის კიდან, აი ეს ხალხი გადმომდგა-
რა თავისი ყოყლოჩინობის ერდოდან და გაიძახის: მე ვარ და ჩემი
ნაბადი გამთენებელი ღამისაო...

— ე. ი. მეუმცირესენი, — ჩაუროთო პეტრემ. — ისინი გაიძა-
ხიან ასე. გასაგებია...

ატყდა ორომტრიალი. ნაწილი ხმამაღლა იცინოდა. ნაწილი
აღშფოთებით ყვიროდა.

— დაამტკიცეთ! დაამტკიცეთ, ვინ არღვევს ღობეს! — ისმო-
და გრიალი.

— განაგრძეთ! განაგრძეთ! — ისმოდა გრიალში.

— პარტია ჩვენა ვართო. პარტიამ ჩვენ დაგვიჯეროსო. პარ-

ტიამ ჩვენგან ისწავლოსო, თორემ წმენდას მოვაწყობთო, ამბობენ ეს არამკითხველი ჰირისუფალნი, — განაგრძო ისიდორემ.

— ცარიელი სიტყვებია! პასუხს აგებთ ამ სიტყვებისათვის. თქმას დამტკიცება უნდა, — ყვიროდა ნაწილი.

— აგრე, აგრე! აგრე უნდა მაგათ! — ნიშნის მოგებით უპასუხებდა მეორე ნაწილი.

გიორგიმ თვალით მოძებნა კობა. ის აუღელვებლად იდგა და ბლოკნოტში რაღაცას იწერდა.

სტეპკომ მიიხედ-მოიხედა და შესძახა:

— არც ერთი დებულეა. არც ერთი თეორიული დასაბუთება...

ისიდორემ მოუცადა, სანამ ხმაურობა დაწყნარდებოდა. ეტყობოდა ტრიბუნა და მიტინგი განუყრელი ნაწილი იყო მისი არსებობისა. დაძაბული თვალეები მიმოავლო გარშემო და განაგრძო:

— მამასახლისი მიადგა გლუხის კარებს. გლუხმა კარი არ გაუღო. ფარ-ხმალი თაროზე ჩამომიდევითო, ბრძანა მამასახლისმა. ასე იქცევიან მეუმრავლესენი. ჩვენ მათ პარტიაში არ ვუშვებთ, სანამ არ განიწმინდებიან ბლანკიზმისაგან, ესენი კი ამბობენ — ცეკაში ჩვენ უნდა ვიყოთო.

— ტყუილია! დემაგოგიაა! — გაცხარდა პეტრე.

— ვაშა! ვაშა! — გაისმა ერთ ჯგუფში, რომელიც ზაქარია გურულთან იდგა.

პეტრე დააკვირდა ამ ჯგუფს. ვინ არიან ესენი? რომ არ არიან ესენი პერევისელი მაღაროელები? რა უნდა ამ ხალხს კრებაზე?

— და, აი, ჩვენ მოგმართავთ თქვენ: ნუ აპყვებით იმათ, ვინც ასცდა პარტიის გზას! ერიდეთ უმრავლესობას! ახლოს არ მიიკაროთ! ჩვენს პარტიაში ადგილი ნუ ექნება ბლანკისტებს. დაგვიჯერეთ ჩვენ, მხოლოდ ჩვენ! რადგან მხოლოდ ჩვენსკენაა სიმართლე. ნუ დაუჯერებთ მეუმრავლესებს და მაშინ გამოდგება ჩვენი პარტია ხალხის მეგობარ-გმირად და დაეხმარება მას დასწყევითოს მონობის ჯაჭვი...

— ძირს! ვაშა! ძირს! ვაშა! — აირია ერთმანეთში.

— არც ერთი თეორიული დებულეა! — ისევ წამოიძახა სტეპკომ და ფართო შუბლზე შეტეხილი წარბები აზიდა.

— მაინც რა სთქვა? — ჰკითხა გარშემო მდგომთ ტარიელმა. — ჩვენ კარგი ვართ და ისინი ცუდიო. ამას მეც ვიტყვი. შენ დაამტკიცე, რატომ ხარ კარგი, თუ კი ხარ კარგი...

— სადაა მარქსისტული ანალიზი? — წამოიძახა „უელეზნიმ“.

— იქნება! ნუ ჩქარობთ! — დაამშვიდა ზაქარია გურულმა.

— სიტყვა ეკუთვნის გრიგოლ ლორთქიფანიძეს.

ქვაზე, ახალი ორატორი ავიდა.

გრიგოლმა უკან გადავარცხნილ თმებზე ხელი გადაისვა, თოვლივით თეთრ საყელოზე თითი ჩაიდო, გაისწორა. ერთ ხანს უყურა მუშებს და დაიწყო:

— ამხანაგებო! მთავარი საკითხი პარტიის წესდების პირველი პარაგრაფია. ვინ უნდა იყოს პარტიის წევრა? ამ პარაგრაფმა გამოიწვია ყრილობაზე განხეთქილება. გვეგონა, დროებითი იყო ეს მოვლენა. გვეგონა, მუშაობის პროცესში კვლავ მოვნახავდით ერთმანეთთან საერთო ენას. მაგრამ ვერ მოხერხდა ეს. რომ ამ საკითხში გაერკვეს მუშა, პარტიის რიგითი წევრი, საჭიროა გავარკვიოთ ძირითადი საკითხი: რა არის პარტია? ვინც ამ საკითხში სწორად გაერკვევა, ის სწორად გაერკვევა პირველ პარაგრაფშიაც. მართლაც, რა არის პარტია? რას უნდა წარმოადგენდეს იგი? რა ამოცანები აწევს მას?...

გრიგოლმა თავი დააქნია და, თითქოს კრიალოსანს მარცვლავსო, განაგრძო.

— პარტია არის ადამიანთა ისეთი კრებული, რომელსაც აქვს საერთო მიზანი და რომლის განხორციელებისათვის ერთად მოქმედებს. პარტიას შეიძლება არც ჰქონდეს მკაფიოდ გამორკვეული პროგრამა, ეს კადევ ვერ შეაჩერებს მისს მოქმედებას. პარტიის დამახასიათებელი თვისებაა საერთო მიზანი და საერთო მოქმედება. ესაა მთავარი.

— თქვა რუქამ არაკი! — გაისმა „ქელეზნის“ ბოხი ხმა, და შეუმრავლესეთა რიგებში გადაიხარხარეს.

— ფონი გასვლის მერე დალოცეთ! — მიიძახა „ქელეზნის“ ზაქარია გურულმა.

— რაკი ამ მთავარ საკითხში გავერკვიეთ, დავაყენოთ მეორე საკითხი, — განაგრძო გრიგოლმა. — ვინ უნდა იყოს პარტიის წევრი? ჩვენის აზრით, პარტიის წევრად უნდა იყოს ისეთი პიროვნება, რომელსაც სწამს პარტიის პროგრამა და ქონებრივად ეხმარება მას. პარტიის პროგრამის აღიარება დიდი საქმეა. ეს ნიშნავს ჩვენი პარტიის სიძლიერეს. ეს ნიშნავს იმას, რომ მუშათა დიადი ისტორიული მოძრაობა ისე გაფართოვდა, ისე გაძლიერდა, რომ იზიდავს თავისკენ სხვადასხვა ჯურისა და პროფესიის ხალხს, როგორც ანდამატი რკინას. რას ნიშნავს ეს, თუ არა ჩვენი პარტიის სიძლიერეს? რას ნიშნავს ეს, თუ არა იმას, რომ მოსახლეობის ფართო ფენებში სწამთ ჩვენი ბრწყინვალე მომავალი? ელასტიუ-

რობა ჩვენი პარაგრაფისა იმით არის კარგი, რომ პარტიის კარი დარაზული არ უნდა იყოს, რომ მისი გაღება არ უნდა იყოს ძნელი. რას ამბობენ მეუმრავლესენი? ისინი ტუკებით დამდგარან პარტიის კარებთან და ერეკებიან მუშებს პარტიიდან: არ შემოვიშვებთო, თუ გუბერნატორს ბომბა არ ესროლეთო!

— პროვოკაცია! ტყუილია!—დაიყვირა „ქელეზნიმ“ და რკინისფერი სახე სისხლის მოწოლისაგან სპილენძისფერა გაუხდა.

„ქელეზნი“ მალალი, შავი, ხმელხმელი და ახოვანი კაცი იყო. მთელი მისი აღნაგობა ისეთ რკინისებურ სიმტკიცეს წარმოადგენდა, რომ მუშებმა მას „ქელეზნი“ შეარქვეს. ხმაც ღონიერი, რიხიანი ჰქონდა.

გრიგოლი დააკვირდა „ქელეზნის“, გაიცინა და ჩაუნისკარტა:

— ყვირილით რომ წყდებოდეს პოლიტიკური საკითხები, თქვენ ლიდერი იქნებოდით!

— ბანკეტებზე რომ წყდებოდეს პოლიტიკური საკითხები, თქვენ პრეზიდენტი იქნებოდით,—ყრუდ დაიბუბუნა „ქელეზნიმ“. პასუხი მოსწრებული იყო და ხალხს გაეცინა.

— არა! ერთი უნდა მოგახსენოთ!— წამოდგა ტარიელი. — მუშებს ერეკებიანო პარტიიდანო, რომ ბრძანეთ, ტყუილია. პირიქით, მეუმრავლესენი მუდამ გვეჩიჩინებიათ: შემოდით, მუშებო, პარტიაშიო.

— მე თეორიულად გელაპარაკებით, — უთხრა გრიგოლმა ტარიელს.

— მე პრაქტიკულად მოგახსენებთ, — უპასუხა ტარიელმა.

— ხა... ხა... ხა... — ატყდა სიცილი.

— რა ემართება გრიგოლს? — გაიფიქრა ისიდორემ და თავმჯდომარეს მიუბრუნდა: — ორატორს ხელს უშლიან რეპლიკებით. დაიცავით წესრიგი!

— ჩუმაღ, ამხანაგო ტარიელ! განაგრძეთ, ამხ. გრიგოლ!

— ამხანაგებო! ამჟამად ჩვენ ვდგავართ ბურჟუაზიულ-დემოკრატიული რევოლუციის წინაშე. ამ რევოლუციის ხელმძღვანელიც ბურჟუაზია იქნება. ჩვენ ვიქნებით უკიდურესი მემარცხენე ოპოზიცია. ეს ოპოზიცია რომ ძლიერი იყოს და პროგრამა-მინიმუმი განვახორციელოთ, საჭიროა რაც შეიძლება მრავალრიცხოვანი და ძლიერი პარტია გვყავდეს. საჭიროა რაც შეიძლება მეტი თანამგრძნობნი შემოვუშვათ პარტიაში.

— მიკიტნებიც? — მიაძახა ტარიელმა.

— მიკიტნებიც, — უპასუხა გრიგოლმა.

— მრეწველებიც? — ჰკითხა პეტრემ.

— მრეწველებიც, — უპასუხა გრიგოლმა.

— ეს იქნება ცირკი და არა პარტია, — წამოიძახა ყელეზნიმ.

— სისულელეა მეუმრავლესეთა აზრი, ხელი ჰკრა ისეთ კაცს, რომელიც დასახმარებლად მოდის შენთან და შენთან ერთად ებრძვის მეფის თვითმპყრობელობას. როგორ შეიძლება ხელი ჰკრა ასეთ კაცს? წარმოიდგინეთ ასეთი მაგალითი (გრიგოლი მიუბრუნდა ტარიელს): აი თქვენ, ამხანაგო, ზურგზე გაწევთ მძიმე ტვირთი. ეს ტვირთი ამ მალაროდან ჰიათურაში უნდა ჩაიტანოთ. მიგაქვთ და წელში სწყდებით. გზაში გხვდებით კაცი და გეუბნებათ: დაგეხმარები, ტვირთს შეგიმსუბუქებო. რა უნდა უთხრათ თქვენ? თუ ჰკვიანი ხართ, მადლობას ეტყვიით და შეიმსუბუქებთ ტვირთს, ასე არაა? თუ ჰკუა არა გაქვთ და დაუწყებთ გამოკითხვას: ვინ ხარ? რა კაცი ხარ? რატომ მეხმარები? რას იზამ ხვალ? ზეგ? რას იტყვიით, ამხანაგო?

ტარიელი შეიშმუშნა. დასწყევლოს ღმერთმა, რალა ტარიელი გამოარჩია ამ კაცმა ამდენ მუშაში?

ტარიელმა მიიხედ-მოიხედა, ყველა მას უყურებდა. ისევ გრიგოლი დაენმარა:

— თუ შეგნებული მუშა ხართ, მიიღებთ დახმარებას. ცხადია. მაგრამ ასე როდი ფიქრობენ მეუმრავლესენი. მათ სურთ ჩამოიშორონ ყველა დამხმარე და გამოსაყენებელი ძალები. მათ სურთ პარტია შეთქმულების ჩგუფად გახადონ. მათ სურთ პარტია უეჭველად სარდაფებში ჩაიყვანონ. მათი აზრით კარგი რევოლუციონერი უეჭველად მიწაში უნდა ძვრებოდეს თხუნელასავით. ერთი სიტყვით, მათ სურთ ჩვენი სოციალ-დემოკრატიული პარტია ბლანკისტების პარტიად, შეთქმულების პარტიად გახადონ. რასაკვირველია, ასეთი პარტია მასობრივი ვერ იქნება. ყველა ხომ ვერ ჩავა სარდაფში? ყველა ხომ ვერ მოშორდება ოჯახს, ნათესავეებს, მეგობრებს, ქვეყანას? პროფესორები, ინჟინრები, ექიმები, ხომ ვერ ჩავლენ სარდაფში? არა, ამხანაგებო, ჩვენი პარტია ფანატიკოსების პარტია არ არის. სარდაფებში არ ჩავალთ. პირიქით, ჩვენ გვინდა სარდაფებიდან ამოვიდეთ. ჩვენ არალეგალური მუშაობა არ გვინდა. ჩვენ საჯაროდ გვინდა გამოვაცხადოთ ჩვენი რწმენა. დე, შეგნებულად მოვიდეს ხალხი ჩვენს პარტიაში.

— მეტი არაფერი? მარტო შეგნება? — შეეკითხა ინწყირველი.
— მთავარია შეგნება, — უპასუხა გრიგოლმა.

გიორგიმ გადახედა კობას. ის ისევ ისე ღიხად იდგა და რაღაცას იწერდა ბლოკნოტში.

— ახლა არ იკითხავთ, რატომ არ უნდათ პარტიაში ხალხის მიღება მეუმრავლესეებს? მათ გამოიგონეს ახალი თეორია, რომ მუშა ხალხი თავისი ძალღონით ვერ შეითვისებს მაღალ იდეალებს, რომ ის მხოლოდ დღიურ ინტერესებს ხედავს. მამ ვიკითხოთ, ვის შეუძლია ყველაფერი ეს შეაგნებინოს მუშებს? ვის და ჩვენო, ინტელიგენტებსო, ამბობენ ისინი. და ამით, ერთის დაკვრით, თავის თავს მუშათა პარტიის მეთაურად აცხადებენ, ხოლო თვით მუშებს უბრალო მასალად და ამყოლად. ე. ი. იწყება ძველი ამბავი გმირისა და ბრბოს შესახებ. გმირი პარტიის მეთაური ინტელიგენტია, ხოლო ბრბო პარტიული ხალხი. რა მოჰყვება ამას? ის, რომ გმირისთვის დისციპლინა არ არსებობს. დისციპლინა ბრბოსთვისაა. ყოველგვარი მოვალეობა ბრბოს და არავითარი—ინტელიგენტებს. ამნათი ბატონური პოლიტიკა. მათი აზრით, პარტია სახელმწიფოა, სადაც ყველაფერი ბიუროკრატიულია. მათ ავიწყდებათ, რომ პარტია ნებაყოფლობაზეა აგებული და არა ძალადობაზე...

— მე ვათავებ, ამხანაგებო. მე ვამტკიცებ: პარტია მთელი მუშათა კლასია და არა მისი მოწინავე ნაწილი, როგორც ამტკიცებენ ლენინი და ჯულაშვილი. პარტიის წევრი არაა ვალდებული მუშაობდეს არალეგალურად და ემორჩილებოდეს ორგანიზაციას. არაა საჭირო მკაცრი ორგანიზაცია. სცდება მეუმრავლესეთა ლიდერი ლენინი, როცა ამტკიცებს, რომ ძალაუფლებისათვის ბრძოლაში პროლეტარიატისათვის მთავარი იარაღი ორგანიზაციააო. მე მოეუწოდებ მეუმრავლესეებს მიანებონ თავი ფრაქციულობას, დაშალონ თავისი ორგანიზაცია და შემოგვიერთდნენ ჩვენ. თქვენ კი, ამხანაგო მუშებო, შემოდით პარტიაში, პარტიის კარი ღიაა ყველასათვის, ოღონდ მოისურვეთ! და ჩვენ გეუბნებით: კეთილ იყოს თქვენი მობრძანება პარტიაში...

გრიგოლი გაჩუმდა. ოფლი მოიხოცა. გახამებული საყელო გაისწორა. მეუმცირესეებმა ოვაცია გაუმართეს. ვილაც ხორად დადგმულ შავ ქვაზე ავიდა. ფეხი დაუცდა. ხორა დაიშალა და დადგა შავი, მძიმე, სქელი მტვერი.

როცა მტვერი გაიბნა, თავმჯდომარემ გამოაცხადა:

— სიტყვა ეკუთვნის მეუმრავლესეთა წარმომადგენელს ამხ. კობას.

ყველა მოელოდა, რომ კობა იქ დადგებოდა, სადაც ორატორები დგებოდნენ. მაგრამ კობა ადგილიდან არ დაიძრა. ის იღვკლდესთან და თავათ კლდისაგან გამოკვეთილს ჰგავდა. მთელი კრება მისკენ მიბრუნდა. ერთ ხანს კრება და კობა ერთმანეთს ზომავდნენ. კობამ შენიშნა, რომ ექვსასმა თვალმა ერთი კითხვა დაუსვა: აბა, შენ რას იტყვიო? თითქოს სასწორი ასწია კრებამ და თვალწინ გაუჩერა: აბა ვინ გადასწონისო?

მალაროს პირას შავი ქვის ხორები ეწყო. მზებზე უცნაური ფერებით ბზინავდა შავი ქვა. მთის კლდეზე გაუხარელი ბუჩქები იღვკლდა. შავი მტვერი სქელ ლაქად იყო ფოთლებზე და სიმწვანეს ფარავდა. ჩიტები იშვიათად თუ შემოსდებოდნენ ამ ბუჩქებზე, ისეთი ლარიბი და უხალისო იყო ის ბუჩქები. შავ ქვას ბუნებაც კი დაეჩაგრა, არამც თუ ის მუშები, რომელნიც მოსულაყვენ ამ სიმართლისა და სწორი გზის საძებნელად.

კობამ დაიწყო დინჯად, აუღელვებლად, ოდნავ ყრუ ხმით.

— ამხანაგებო! ჩვენს თვალწინ გადაშლილია დიდებული სურათი ბურჟუაზიულ რუსეთსა და პროლეტარულ რუსეთს შორის ბრძოლისა. ორი დიდი არმია გამოვიდა ბრძოლის მოედანზე: არმია პროლეტარებისა და არმია ბურჟუებისა, და ბრძოლამ ამ ორ არმიას შორის მოიცვა მთელი ჩვენი დღევანდელი ისტორია.

რადგან არმია უწინამძღოლოდ ვერ იმოქმედებს. რადგან ყველა არმიასა ჰყავს თავისი მოწინავე რაზმი, რომელიც წინ უძღვის მას და გზას უნათებს, — ცხადია, ამ არმიებთან ერთად უნდა გამოსულიყვნენ შესაფერი ჯგუფები წინამძღოლებისა, შესაფერი პარტიები, როგორც იტყვიან ხოლმე...

...თითოეულ არმიას მისი კლასობრივი ბრძოლის დროს წინ უძღვის მისი საკუთარი პარტია...

ტარიელი შეაჩერდა თვალებში კობას. კობამაც თვალი მოჰკრა. არც თუ დააკვირდა, არც თუ გაუღიმა, მაგრამ ტარიელმა რაღაც სიახლოვე იგრძნო ამ ორატორთან. თითქოს დიდი ხნის ნაცნობი ყოფილიყო ეს ორატორი მისთვის, და ისიც, რასაც ორატორი ამბობდა, გასაგები შეიქნა მისთვის. ორატორი განაგრძობდა:

—...ჩვენი პარტია სოციალ-დემოკრატიულია. ეს იმას ნიშნავს, რომ მას აქვს საკუთარი პროგრამა (სადღეისო და საბოლოო მიზნები მოძრაობისა), თავისი საკუთარი ტაქტიკა (ბრძოლის წესები) და თავისი საკუთარი ორგანიზაციული პრინციპი (გაერთიანების ფორმა)...

უცებ ტარიელს მოულოდნელმა აზრმა გაუელვა: რა დიდი ამ-

ბები იწყება და მეც ამ ამბების მონაწილე ვარო. ამ აზრმა გაახარა და ხალისი შემატა.

—პროგრამულ, ტაქტიკურ და ორგანიზაციულ შეხედულებათა ერთნაირობის ნიადაგია,—განაგრძობდა ორატორი,—რომელზედაც შენდება ჩვენი პარტია. მხოლოდ ამ შეხედულებათა ერთიანობას შეუძლია შეაკავშიროს პარტიის წევრები ერთ ცენტრალისტურ პარტიათ. ირღვევა შეხედულებათა ერთიანობა, — ირღვევა პარტიაც. ცხადია. პარტიის წევრა შეიძლება ვუწოდოთ მხოლოდ იმას, ვინც სავსებით მიიღებს პარტიულ პროგრამას, ტაქტიკას და ორგანიზაციულ პრინციპს...

— ვთქვათ მივიღე. მერე — გაიფიქრა ტარიელმა.

— ...მაგრამ საკმარისია პარტიის წევრისათვის პარტიული პროგრამის, ტაქტიკის და ორგანიზაციული აზრის მიღება?

ტარიელს გაუკვირდა: ეს კაცი ჩემს გულში ხომ არ ზისო. უნდაოდა პეტრესთვის გაეზარებინა თავისი აზრი. მაგრამ პეტრე ისე გულდასმით უსმენდა, რომ ვერ დაურღვია ყურადღება და ისევ ორატორს მიაჩერდა.

— შეიძლება ვუწოდოთ ამისთანა კაცს პროლეტართა არმიის წინამძღოლი? რა თქმა უნდა, არა! ჯერ ერთი, ვინ იცის რამდენი ყბედია ქვეყანაზე, რომელიც სიამოვნებით „მიიღებს“ პარტიულ პროგრამას, ტაქტიკას და ორგანიზაციულ შეხედულებას და ყბედობის მეტს კი არაფერს გააკეთებს. პარტიის წმიდათა-წმიდის შემწიკვლა იქნებოდა, რომ ამისთანა ყბედისთვის პარტიის წევრი, ე. ი. პროლეტართა არმიის წინამძღოლი დაგვერქმია: ესეც რომ არ იყოს, ჩვენი პარტია ფილოსოფიური სკოლა ხომ არაა, ან რელიგიური სექტა,—განა ჩვენი პარტია ბრძოლის პარტია არ არი? და თუ ეს ასეა, განა თავისთავად ცხადი არ არი, რომ ჩვენს პარტიას ვერ დააკმაყოფილებს მისი პროგრამის, ტაქტიკის და ორგანიზაციული შეხედულების პლატონიური მიღება, რომ ის თავის წევრს უეჭველად მოსთხოვს მიღებული აზრების განხორციელებას?.. მაშასადამე, ვისაც ჩვენს პარტიაში წევრობა უნდა, მან არ უნდა იკმაროს პარტიის პროგრამულ, ტაქტიკურ და ორგანიზაციულ შეხედულებათა მიღება და ხელი უნდა მიჰყოს ამ შეხედულებათა განხორციელებას, მათს ცხოვრებაში გატარებას.

— დღემდე როგორი იყო პარტია, დღემდე?—შეეკითხა ლორთქიფანიძე.—მაშ, თქვენის აზრით, ჩვენ დღემდე პარტია არ გვეყოლია.

—... დღემდის ჩვენი პარტია სტუმართ-მოყვარე პატრიარქა-

ლურ ოჯახს წააგავდა, რომელიც მზად არის მიითვისოს ყველა თანამგრძობი. მას მერე-კი, რაც ჩვენი პარტია ცენტრალისტურ ორგანიზაციით გადაიქცა, მან გადაიყარა პატრიარქალური ელფერი და სავსებით დაემსგავსა ს ი მ ა გ რ ე ს, რომლის კარებიც გაიღება მხოლოდ ღირსეულათვის. ამას-კი დიდი მნიშვნელობა აქვს ჩვენთვის. იმ დროს, როცა მეფის თვითმპყრობელობა ცდილობს გარყვნას პროლეტარიატის კლასობრივი თვითშეგნება „ტრედუნიონიზმით“, ნაციონალიზმით, კლერიკალიზმით და სხვა ამისთანებით; როცა, მეორე მხრივ, ლბერალური ინტელიგენცია დაქინებითა ცდილობს პოლიტიკური თვითმოქმედება მოუკლას პროლეტარიატს და მფარველობა მოიპოვოს უკანასკნელზე, — ამისთანა დროს ჩვენ დიდი სიფხიზლე გვმართებს და არ უნდა გვავიწყდებოდეს, რომ ჩვენი პარტია — ს ი მ ა გ რ ე ა, რომლის კარები მხოლოდ ღირსეულათვის გაიღება.

— ღირსეულათვის, — ირონიულად გაიცინა ლორთქიფანიძემ, — და ისიც ლენინის კურთხევით, ხომ? პარტიული წესდების ლენინური პირველი მუხლის მიხედვით, ხომ?

— სწორედ ამაზე უნდა მეტყვა, — უპასუხა ორატორმა. — ლენინი, გამოჩენილი თეორეტიკოსი და პრაქტიკოსი რევოლუციური სოციალ-დემოკრატიისა, ასე განმარტავს პირველ მუხლს: რუსეთის მუშათა სოციალ-დემოკრატიული პარტიის წევრი ეწოდება იმას, ვინც მიიღებს ამ პარტიის პროგრამას, ნივთიერად ეხმარება პარტიას და მონაწილეობას იღებს ერთ-ერთ პარტიულ ორგანიზაციაში... ეს განმარტება, როგორც ხედავთ, სავსებით გამომდინარეობს იმ აზრიდან, რომლითაც ჩვენც პარტია—ცენტრალისტური ორგანიზაციაა და არა ერთეულების ხროვა.

— მარტოვი? მარტოვის განმარტება? — მიაძახა ზაქარია გურულმა.

— მარტოვის განმარტებით „რუსეთის სოციალ-დემოკრატიულ მუშათა პარტიის წევრად ითვლება ის, ვინც მის პროგრამას მიიღებს, მატერიალურად ეწევა მას და რეგულარულად უწევს მას პირად დახმარებას რომელიმე პარტიული ორგანიზაციის ხელმძღვანელობის ქვეშ“.

— მერე რა არის ცუდი ამ განმარტებაში? — ისევ მიაძახა ზაქარია.

— ის, რომ ესაა ახიბულ-დახიბული განმარტება... როგორც ხედავთ, ამ განმარტებაში გამოტოვებულია მესამე აუცილებელი

პირობა პარტიის წევრობისა, რომლითაც პარტიის წევრებს ევა-
ლებათ ერთ-ერთ პარტიულ ორგანიზაციაში მონაწი-
ლეობა... გამოდის, რომ შეიძლება პარტიის წევრი იყვე, თუნ-
დაც რომ პარტიულ ორგანიზაციაში არ შედიოდე.

— აი პარტია! — წამოიძახა პეტრემ.

— თუნდაც რომ მოვალედ არ სთვლიდე შენს თავს პარტიულ
წევრად დაემორჩილო.

— აი პარტიული დისციპლინა! — გადაიხარხარა ელეზნიმ.

— მერე. — რანაირათ შეუძლიან პარტიას რეგულარულად
უხელმძღვანელოს იმ პირებს, რომლებიც არც ერთ პარტიულ ორ-
განიზაციაში არ შედიან და, მაშასადამე, რომლებიც მოვალედ არ
სთვლიან თავიანთ თავს აუცილებლად დაემორჩილონ პარტიულ
დისციპლინას?... ერთი ეს-ლა დაგვრჩენია, რომ მოვაშოროთ მარ-
ტოვის განმარტებას მისი ბუნდოვანი და უაზრო „პირადი დახმა-
რება ერთ-ერთ პარტიულ ორგანიზაციის ხელმძღვანელობის ქვეშ“.
უამპირობოთ ორი პირობა-ლა დარჩება მარტოვის განმარტებაში
(პროგრამის მიღება და მატერიალური დახმარება), რომლებსაც
თავისთავად არავითარი ფასი არა აქვს, რადგანაც ყველა ყბედს
შეუძლიან პარტიული პროგრამა „მიიღოს“ და მატერიალური დახ-
მარება აღმოუჩინოს პარტიას, რაც სულაც არ აძლევს მას უფ-
ლებას პარტიის წევრი იყვეს.

ორატორმა ხელი ასწია და თითი კრების განზე გაიშვირა, სა-
დაც მეუმცირესენი იდგნენ. ექვსასი თვალი ლორთქიფანიძეზე და
რამიშვილზე შეჩერდა, შემდეგ ისევ ორატორზე გადმოვიდა. ორა-
ტორმა განაგრძო:

— ... მაშ რა ყოფილა ჩვენი პარტია, კვითხულობთ ჩვენ, ერ-
თეულების შემთხვევითი ხროვა, თუ წინამძღოლთა მჭიდრო ორ-
განიზაცია?... როგორც სჩანს, მარტოვის აზრით, ჩვენი პარტია
ცენტრალისტურად მოწყობილი ორგანიზაცია კა არაა, არამედ
ხროვაა ადგილობრივი ორგანიზაციებისა და სოციალ-დემოკრა-
ტიულა ერთეულებისა, რომლებმაც მიიღეს ჩვენი პარტიული
პროგრამა და სხ. მაგრამ თუ ჩვენი პარტია მწყობრი ორგანიზა-
ცია არაა, ცხადია, ის აღარც სიმაგრე იქნება, რომლის კარებიც
მარტო ღირსეულთათვის უნდა იღებოდეს. და მართლაც, მარტო-
ვისთვის, როგორც ეს მისი განმარტებიდან სჩანს, პარტია სიმაგრე
კი არაა, ბანკეტია, სადაც თავისუფლად შეუძლიან შევიდეს ყველა
თანამგრძნობს. ცოტაოდენი ცოდნა, ამდენზე თანამგრძნობა, ცოტა

ნივთიერი დახმარება, — და საქმე გაჩარხულია, თქვენ სრულ უფლება გაქვთ პარტიის წევრად ირიცხებოდეთ...

მეუმცირესეთა რიგებში ჩოჩქოლი ატყდა. ცხადი იყო, ორატორის გასროლილი ისარი მიზანს მოხვდა. მეუმცირესეთა ჩოჩქოლს და ხმაურობას ორატორმა გესლიანად ესროლა:

— მაშ, რაღა გნებავეთ, ბატონებო, მობრძანდით... ბანკეტზე!

— ხა... ხა... ხა... — გაიცინეს გარშემო.

— თქვენ ატყუებთ მუშებს! — წამოიძახა გრიგოლ ლორთქიფანიძემ და ხელი კობასაკენ გაიშვირა. — ყრილობამ მარტოვის წინადადება მიიღო...

ტარიელი ახტა და გრიგოლს ხელში ეცა. ეგონა, გრიგოლი ჩხუბს იწყებდა. ტარიელთან ერთად სხვა მუშებიც წამოხტნენ. კრება წამოიშალა და მრისხანე გუგუნე გაისმა. ცუდად იყო გრიგოლის საქმე, რომ ისევ კობა არ მიშველებოდა. ის მუშებსა და გრიგოლს შუა ჩადგა და დამშვიდებით მიმართა მუშებს:

— დაწყნარდით, ამხანაგებო! ჩვენ კრება გვაქვს და არა ჩხუბი.

მუშები დაცხრნენ, მაგრამ ახლა რამოდენიმე წრე გააკეთეს და კობას გარშემო შემოირკალნენ.

კახამ ვერ მოითმინა და თავისიანებს გასძახა, ჩხუბი რა შუაშიაო?

— ჰკითხე შენს ლიდერებს! — მიიძახეს კახას.

— დაწყნარდით, დაწყნარდით, ამხანაგებო! — აწყნარებდა კრებას გიორგი. — ჩხუბი არავის უნდოდა. მოგეჩვენათ! განაგრძეთ, ამხ. კობა!

კობა ერთ წამს ჩაფიქრებული იყო, თითქოს რაღაცას წყვეტდა. ბოლოს მიუბრუნდა მეუმცირესეთა ლიდერებს და მკაცრად უთხრა:

— ჩვენ მოუფიქრებლობის შედეგად მიგვაჩნია მეორე პარტიული ყრილობის გადაწყვეტილება, რომელმაც მარტოვის განმარტება მიიღო, და სრული იმედი გვაქვს, რომ მესამე პარტიული ყრილობა უეჭველად გამოასწორებს მეორის შეცდომას და ამხ. ლენინის განმარტებას მიიღებს...

ეს ისეთი გაბედული განცხადება იყო, რომ მეუმცირესეთა ლიდერები ერთ ხანს გაკვირვებით უყურებდნენ ხან ერთმანეთს, ხან ორატორს.

ორატორმა კი ისევ დინჯად, ისევ აუღელვებლად განაგრძო:

— ერთი ვიკითხოთ, გამოგვეყვება თუ არა გაუსინჯავი ხალხი ბოლომდე? იბრძოლებს ის ჩვენსავით თავდადებით? დაღვრის სისხლს? ან წავა კატორღაში? ან ავა სახრჩობელაზე? არა, ამხანა-

გებო! რომელიმე მიკიტანი, თავადი ან ბობოლა დღეს გაგიწვდის ხელს, მაგრამ ხვალ იმავე ხელით თოკს მოგაბამს კისერზე და აგწევს სახრჩობელაზე. ბოლომდე ჩვენთან მხოლოდ ის იბრძოლებს, ვისაც მტკიცედ სწამს ჩვენი საბოლოო მიზანი, ჩვენი პროგრამამაქსიმუმი: სოციალიზმი. მიკიტნები, ბობოლები და საერთოდ შემთხვევითი წამხმარე ხალხი პროგრამა-მინიმუმის განხორციელებაშიც არ დაგვეხმარება. მათ არა სწამთ ჩვენი საბოლოო მიზანი, სოციალიზმი.

— რაც მართალია, მართალია! — წამოიძახა გიორგიმ. — ყველაფერი გასაგებია!

— შენ ბევრი გესმის! — დაცინვით მიაძახა ზაქარია გურულმა.

— რომ არ მესმოდეს, თავმჯდომარედაც არ ამომირჩევდნენ, — უპასუხა გიორგიმ. — განაგრძეთ, ამხ. ორატორო!

— აი, სწორედ ამ საკითხის გამო ყრილობა ორად გაიყო. ამას დაემატა მეორე საკითხიც: ვინ უნდა ყოფილიყო არჩეული პარტიის ცენტრალური ორგანოს—გაზეთ „ისკრის“ რედაქტორებად. ლენინის მომხრეები თუ მარტოვისა? ლენინი იქამდეც კი მივიდა. რომ რედაქციაში მარტოვი შეაყვანინა. წარმოიდგინეთ, მარტოვი არ დათანხმდა. ჩემს გარდა სარედაქციო კოლეგიაში ჩემი სამი თანამოაზრე შეიყვანეთო. რედაქციაში სულ ექვსი კაცი იყო. ამნაირად, მარტოვის აზრით ლენინს უნდა ჰყოლოდა მხოლოდ ერთი მომხრე. ყრილობა არ დაეთანხმა მარტოვს. უმრავლესობამ ლენინს მისცა ხმა, უმცირესობამ მარტოვს. ცენტრალური კომიტეტის არჩევნებისას ყრილობის უმრავლესობამ ლენინის მომხრეები გაიყვანა. ამნაირად პარტიის ცენტრალური ორგანოების არჩევნებისას ყრილობის უმრავლესობამ ლენინს მისცა ხმა, ხოლო უმცირესობამ მარტოვს.

აი, ამის შემდეგ წარმოიშვა ეს ორი ახალი სიტყვა: მეუმრავლესე და მეუმცირესე. ამჟამად კი, როგორც ხედავთ, ეს ორი სიტყვა ორი სხვადასხვა პოლიტიკური აზროვნების გამომხატველია.

— კაცო, ასე რომ არ აუხსნიათ ჩვენთვის? — გაისმა გაკვირვებული შეძახილები მუშებში. — ზაქარიავე, გვატყუებდი?

— მერე, მერე, თუ ძმა ხარ! რა მოჰყვა განხეთქილებას?

— დისციპლინის ძალით, ყრილობის დადგენილებას ხომ უნდა დამორჩილებოდნენ მეუმცირესენი? არ დაემორჩილნენ. მათ მოინდომეს პარტიის ცენტრის ხელში ჩაგდება. მათ ისევ მოითხოვეს რედაქციაში უმრავლესობა მოგვეცითო. მათ მიემხრო პლებანოვი და შემოუშვა მეუმცირესენი რედაქციაში. მათ ჩაიდგეს ხელში

„ისკრა“. ამნაირად, როცა „ისკრაზე“ ვლაპარაკობთ, უნდა ვიცოდეთ, რომელ „ისკრაზე“ ვლაპარაკობთ: ძველ თუ ახალ „ისკრაზე“...

აი, ამხანაგებო, რაზ გათიშა პარტია. ახლა ეს გათიშვა ყველა ორგანიზაციას მოედო. ცენტრიდან დაბა-ქალაქებში, ან პერიფერიებში გადმოვიდა. ჩვენ გამოვდივართ მუშების წინაშე და ვუხსნით საქმის ვითარებას.

— კი არ უხსნით, აბნელებთ საკითხს! — გააწყვეტინა ზაქარია გურულმა.

— კაცო, რა დაგემართათ თქვენ? — გაუწყრა ზაქარიას გიორგი. — ასეთი შუქიანი განმარტება ჯერ არავის მოუცია ჩვენთვის.

— მოიცა, ჩემო ძმაო, — წამოვარდა ზაქარია. — მე მინდა აშკარა იყოს ყველაფერი. აქ ამახინჯებენ ფაქტებს.

— ამახინჯებენ! ამახინჯებენ! — დასცეს ყოინა ზაქარიას მოყვანილმა ბიჭებმა, რომელთაც მუშები „ხუნხუზებს“ ეძახდნენ.

— გაძლევთ შენიშვნას, ამხ. ზაქარია, — აუწია ხმას გიორგიმ. — სანამ მეუმცირესეთა ორატორები ლაპარაკობდნენ, მეუმრავლესენი ხელს არ უშლიდნენ. ამხ. კობას ყველა მუშები სულგანაბული უღმენენ, მხოლოდ თქვენ და თქვენი „ხუნხუზები“ უშლიან ხელს...

ვინ იცის, ამ შენიშვნას რა მოჰყვებოდა, რომ კახას რეპლიკას ახალი მიმართულება არ მიეცა კრებისათვის. კახა ხორაზე დაღა და შესძახა ზაქარიას:

— ამხ. ზაქარია. თქვენ ძალზე უშნოდ იქცევით! ამხ. კობას არაფერი დაუმახინჯებია. მე ვიცნობ მეორე ყრილობის ყველა ოქმებს და მე ვადასტურებ, რომ ორატორმა სრული ჭეშმარიტება სთქვა.

— ჰო! სიმართლეს გაუმარჯოს, ჭეშმარიტებას გაუმარჯოს! — შემოჰკრა ტაში პეტრემ.

— ამხ. კახა, თქვენ მეუმრავლესე ხართ თუ მეუმცირესე? — შეეკითხა გრიგოლი კახას.

— მე აქ მოვედი როგორც მეუმცირესეთა პროპაგანდისტი, მაგრამ შეიძლება აქედან მეუმრავლესეთა პროპაგანდისტად დავბრუნდე.

— ვაშა! ვაშა! — დასჰქეა „ეღეზნიმ“.

— ეს ჩვენი დიდი გამარჯვებაა, — აღტაცებით გადასძახა თავის ამხანაგებს სტეპკომ. — აი პატიოსანი კაცი!

— კარგი პროპაგანდისტი კი ყოფილხართ! — ჩაიქნია თავი ისილორემ და კახას საყვედურით შეხედა.

კობა არ ჩქარობდა სიტყვის გაგრძელებას. იცოდა, რომ ამ რეპლიკებში იხსნებოდა საკითხის რთული ხლართი.

— ჩვენთან პარიზში... — დაიწყო პარიზელმა № 1-მა.

— რა ჩვენთან პარიზშიო, ბიძია! — გააწყვეტინა გიორგიმ. — სამტრედიელი მჰადით ხარ გამოზრდილი... დაიცავით წესრიგი, ნუ აქნევთ ტუქს!

— ხა... ხა... ხა... — გაისმა ხარხარი, — ესეც შენს პარიზელს!

— ამას არ გაპატიებთ! პიროვნებაზე გადადინხართ! — ყვიროდა პარიზელი № 1.

— თქვენ აქ ბრძანდებით, როგორც პიროვნება. შენიშვნაც მოგეცით, როგორც პიროვნებას. თუ პიროვნება არა ხართ, ვინა ხართ?

— ჰალსტუკი და ტუკი! — დაცინვით ჩაურთო ტარიელმა.

კრება ვინ იცის როდის დაწყნარდებოდა, რომ კობას ისეც არ დაეწყო. მან შენიშნა, რომ „ხუნხუნებს“ კრების ჩაშლა უნდოდათ.

— გათიშვის საკითხი დიდი საკითხია, — განაგრძო კობამ. — ამას გადამწყვეტი მნიშვნელობა აქვს რევოლუციური მოძრაობისათვის. დღეს მშრომელი ხალხი ყალყზეა დამდგარი. თქვენ ხომ ჰკითხულობთ გაზეთებს? ხომ იცით, რა ხდება ქალაქებსა და სოფლებში? კერძოდ, ჩვენს საქართველოში არ დარჩენილა არც ერთი მანრა, სადაც არ იყოს გამოსვლები. აი ასეთ დროსაა საჭირო მტკიცე ხელმძღვანელი პარტია. პარტია მტკიცე დისციპლინით, ლენინური პრინციპებით შეიარაღებული, მებრძოლი პარტია.

— შეგნება? შეგნებაზე რას იტყვით? — შეეკითხა გრიგოლი.

— მარტო შეგნება გალესე და დალიე, — გაბრაზებით უპასუხა კობამ, მაგრამ ბრაზი მყისვე ჩაიციხრო და განაგრძო:

— რამდენი პარტია მოდის ასეთ დროს მშრომელ ხალხთან და ელაქუცება! ეს ფედერალისტები, ეს ანარქისტები, ეს ქსერები, ეს არაფრისტებიო... (ხალხს გაეცინა. გაეცინათ მუშმცირესებსაც კი). საჭიროა გარკვევა, ვინაა ხალხის ერთგული, ვინ დაიცავს ბოლომდე მუშათა კლასის ინტერესებს. ჩვენ, მუშმრავლესენი, აშკარა ბრძოლას გავუმართავთ ყველას. დე, ნახოს მუშათა კლასმა, ვინაა მტერი და ვინაა მოყვარე!

— ბრბოსა და გამირებზე რას იტყვით? — შეეკითხა გრიგოლი. — რატომ ამაზე არაფერს იტყვით?

— გრიგოლ ლორთქიფანიძე მეკითხება, რას იტყვიტ ბრბოსა და გმირების შესახებო? ვფიქრობ, სჯობდა არ დაესვა ეს საკითხი...

-- ფონი გასვლის შემდეგ დალოცვსო, — შესძახა გრიგოლმა.

— კიდევ გავალთ და კიდევ დავლოცავთ, — უპასუხა კობამ. — შეიძლება სხვამაც დაგვლოცოს... მაშ ასე, ბრბო და ინტელიგენცია.


მეუმცირესეთა ლიდერებმა თავისიანებს ანიშნეს—ჩუმად იყავითო.

ზაქარიამ „ხუნხუზებს“ თვალი უქნა, დააშოშმინა. ეტყობოდა, რომ ეს საკითხი ყველას აინტერესებდა.

ეს საკითხი, ინტელიგენციის საკითხი, ძველია. ის შესხედულება, რომელსაც მეუმცირესენი აწვითარებენ, სამოცდაათიან წლებიდან მოდის. მაშინ ავრცელებდნენ აზრს, რომ ინტელიგენცია განუყოფელი არისო. მას შემდეგ ოცდათხუთმეტმა წელმა განვლო, მეუმცირესენი კი ისევ ნუცას სკოლაზე გაჩერებულან ამ საკითხში. მათ ავიწყდებათ. რომ დღევანდელი ინტელიგენცია სხვადასხვა ჯგუფისაგან შესდგება. კაპიტალისტურმა წარმოებამ კლასობრივი წინააღმდეგობა განავითარა. ჩამოაყალიბა საზოგადოების მოწინააღმდეგე ჯგუფები და ინტელიგენციის კრებულის სხვადასხვაობაც. საზოგადოებაში მებრძოლ კლასებს თავისი მომხრე იდეოლოგი ინტელიგენტები გაუჩნდათ და შესაფერ მოქმედებას მოჰკიდეს ხელი. ბურჟუაზიის ინტელიგენციას მუშათა კლასმა თავისი ინტელიგენცია დაუპირისპირა და მისი საშუალებით მუშათა მოძრაობის თეორიული შესხედულება შეიმუშავა. ინტელიგენცია თეორიულად გამოხატავს პრაქტიკული ცხოვრების საჭიროებას. და მისდა შესაფერისად მკაფიოდ გარკვეულ. მეცნიერულად შემუშავებულ პროგრამას აღგენს. და ამ პროგრამის ცხოვრებაში გასატარებლად პრაქტიკულ მოღვაწეებთან ერთად სამოქმედო წესებს იმუშავებს და მოღვაწეობას ეწევა.

კახას მოეწონა კობას ლოლიკა და აზრების სიცხადე. ახლოს მიიწია და ორატორს პირში შეაჩერდა. მთელი კრება სულგანაბული იყო. „ხუნხუზებიც“ კი. ჩაფიქრებული ისიდორე რამიშვილი ჯოხს დაყრდნობოდა...

—საჭიროა თუ არა ამ პროგრამისა და ტაქტიკის პოპულარიზაცია? ცხადია, საჭიროა. ვინ უნდა მოიმოქმედოს ეს? ცხადია, იმან, ვისაც შეგნებული აქვს პროგრამა, ტაქტიკა, და პარტიის სამოქმედო ორგანოში შესაფერი მოღვაწეობა შეუძლია. ეს შეგნება კი უმთავრესი დამახასიათებელია ჩვენი ინტელიგენციისა. მაშ, მან



ამხანაგი სტალინი პიტინგზე კიათურაში აზხელს მენშევიკებს (1904 წ.)
შაბტვარ ს. ნადარეიშვილის სურათიდან

პარტიული პროგრამა აქვს და პარტიული ტაქტიკით ხელმძღვანელობს. მაშ, რათ ჩნდება ასეთი წინააღმდეგობა ინტელიგენციასა და ბრბოს შორის? იმიტომაო, ამბობს მეუმცირესეთა წარმომადგენელი, რომ პარტია ბიუროკრატიულ სახელმწიფოდ გადააქციესო. ეს ტყუილია. აბა სთქვას: სად? როდის?

ლორთქიფანიძე სდუმდა. სდუმდა ისიდორეც.

— როდის უარყო უმრავლესობამ კლასის მოწინავე პირების მონაწილეობა პარტიაში? არსად და არასოდეს!

ლორთქიფანიძე სდუმდა. სდუმდა ისიდორეც.

— ვინ არიან მოწინავეები? კლასის შეგნებული ნაწილი. ე. ი. ისინი, ვისაც მოქმედების ასპარეზი გათვალისწინებული აქვთ, პროგრამა და ტაქტიკა გაგებული და შეთვისებული. ეს არის კლასის ცნობიერი წევრი და ამიტომ იგი პარტიის წევრიც უნდა იქნეს, აქტიურ მონაწილეობას უნდა იღებდეს სამოქმედო ორგანოებში. განა ასეთი წევრი ინტელიგენტი არ არის და „ჩვენი“ ინტელიგენცია კლასის მოწინავე წევრს არ წარმოადგენს? განსხვავებაა ერთი: პირველი ფიზიკურ შრომას ეწევა განსახლვრულ პირობებში. მეორე არა. მხოლოდ პოლიტიკური პარტიის წევრისათვის ასეთი განსხვავება უმნიშვნელოა. რამდენად შეგნებული აქვს ამა თუ იმ პირს პარტიის პროგრამა და ტაქტიკა, იმდენად ღებულობს ის მონაწილეობას სამოქმედო ორგანოში. თუ არ აქვს შეგნებული და არ იღებს ასეთ მონაწილეობას, ის პარტიის წევრად გამოუსადეგარია, მოწინავე იქნება ის თუ ინტელიგენტი, სულერთია. თუ შეგნებული აქვს ერთიცა და მეორეც და მისდა შესაფერად მოღვაწეობს, ის ნამდვილი წევრია პარტიისა. განუჩვევლად იმისა, მოწინავეა ის თუ ინტელიგენტი. აი საზომი. ინტელიგენტობით ზომვა კი კლასობრივი შეხედულებების ღალატია. მოდუნებული და უნიადაგო შეხედულებაა... ბოლოს და ბოლოს გრიგოლ ლორთქიფანიძეც ხომ ინტელიგენტია?.. როგორი დასკვნა უნდა გამოვიტანოთ მეუმცირესეთა სიბრძნიდან? მხოლოდ ერთი: ინტელიგენცია პარტიის მტერია. მტერს კი უნდა ებრძოლო! ამას ქადაგებს უმცირესობა უმრავლესობის წინააღმდეგ...

კობამ ბლოკნოტი დაეცა, პიჯაკის ჯიბეში ჩაიღო და კლდეს მოშორდა.

წინარიგები წამოიშალა. ეტყობოდა, ყველას მოხვდა ვულში ეს სიტყვები. მუშები მიცვივდნენ გრიგოლ ლორთქიფანიძეს ყვირით:

— ერთმანეთზე გვისევთ? როგორ არა გრცხვენიათ?

— რატომ ასე არ აგვიხსენით აქამდე? რატომ გვატყუებდით?

— ზაქარია გურულო, შენი ადგილი არაა აქ! მოგვშორდი თავიდან! შენ მრეწველთა საბჭოში უნდა იჯდე და არა რევოლუციურ პარტიაში!

— ისიდორე რატომ სდუმს? რატომ სდუმს ისიდორე?

— ისიდორემ რა სთქვას? რა აქვს სათქმელი?

ისიდორემ თავი ასწია. გადახედა მუშებს. ეტყობოდა, დელაგდა, ოღონდ ცდილობდა თავშეკავებას. ბოლოს ყრუდ სთქვა:

— ხომ მოუსმინეთ ორივე მხარეს? აწი განსაჯეთ... მაგრამ ისე განსაჯეთ, რომ არ წააგოთ...

— სოლომონ ბრძენია, რალა! — ჩაიქნია ხელი ტარიელმა. — თქვენ რჩევას გეკითხებით, თორემ მე კი გავარჩევ მრუდესა და მართალს.

— შენმა მზემ, გაარჩევ! — დაუძახა ზაქარიამ. — რა გესმის, რომ გაარჩიო?

— მითომ და რატომო? — მიახალა პეტრემ. — თქვენსავით მრეწველი რომ არა ვართ, იმიტომ?

— ეს ინსინუაციაა! — წამოსტა ზაქარია. — წაიღეთ უკან სიტყვა!

— ჭერ დააბრუნეთ ზედმეტი მოგება, რაც მუშებისაგან მიიღეთ!

— ამხანაგებო, ევროპაში ასეა! — დაიწყო პარიზელმა № 2. — რა ვუყოთ, კაცი თუ მრეწველია...

— როგორ? კაპიტალისტმა მუშა ყვლიფოს და მასვე ასწავლოს კაპიტალიზმის წინააღმდეგ ბრძოლა? — დაიგრიალა ელენზნიმ. — სულ ნუ გაპარინჯელდები, ბიძია, თორემ ვინ დაგიჯერებს?

— ამხანაგებო! დაწყნარდით! ზარი ხომ არ ჩამოვრეკოთ?, ხომ გაიგო უდროოდ დროს ზარის რეკა პოლიციამ? მართალია, ზურგი გატეხილი აქვს პოლიციას, მაგრამ თავი არა აქვს ჭერ გატეპყილი, — მიმართა კრებას გიორგიმ. — ვის უნდა სიტყვა?

უამრავი ხელი აიშალა.

— მოიცათ, ამხანაგებო! დასწით ხელები! მთავარი საკითხი, რომელსაც დღეს ვარჩევთ, არის ასეთი: მეუმრავლესობასა და მეუმცირესეთა შორის ატეხილი დავა. ეს დავა მართო ლენინისა და

მარტოვის დავა არაა. ეს გვეხება ყოველ ჩვენგანს, ყოველ მუშას. ვის გაჰყვება მუშათა კლასი, რომელი გზით წავა, ამას გადამწყვეტი გავლენა ექნება მომავალ რევოლუციანზე.. კარგად ჩაუფიქრდით ამას, ძმებო, მუშებო!... ჩვენივე ბედობაა ეს ყველაფერი...

გიორგის ხმა აუჟანკალდა. მისმა გულწრფელმა აღლევებამ კრებაზე მაგიურად იმოქმედა. დაშოშმინდნენ. ისეთი სიჩუმე ჩამოვარდა, რომ ისმოდა, თუ როგორ შხუოდა ყვირილა ხეობაში.

— სიტყვა ეკუთვნის... — დაიწყო გიორგიმ.

— მე! — გააწყვეტინა ტარიელმა. — კაცო, ეს ამბავი იმას ჰგავს...

— მოიცა, ტარიელ! ჯერ ითხოვე!

— ვითხოვე რომელია! რამდენი ხანია მაწყვეტინებ სიტყვას... ღიმილმა გააპო შავი სახეები. ტარიელი ავიდა ტრიბუნაზე.

— ამხანაგებო! მე შავ ქვაზე 12 წლის მოველ. ოცი წელია აქ ვმუშაობ და უკვე გავთეთრდი. მიკვირს, სული როგორ შემრჩა. რამდენ გაჰყლეთილ მუშას ძინავს მალაროებში! აი ამ ბექობზე რომ ვდგევარ ახლა, ტრიბუნააო რომ ვამბობთ, ეს იცით რა არის? საძმო საფლავია. ათიოდე წლის წინათ აქ თორმეტი მუშა ჩავყარეთ. მალაროში გაიჰყლიტნენ. ვინ ოსი, ვინ სპარსელი, ვინ ქართველიც. გროში-კაპიკი არ დაუხარჯავს მწარმოებელს მათ დაკრძალვაზეც კი. მათი ქომაგი არაეინ იყო. ახლა ეს ქომაგი და პატრონი გვყავს. ეს არის პარტია, ჩვენი პარტია. მე პირადად არა ვარ პარტიელი, მაგრამ ვხედავ, მე რომ მალარომ გამჰყლიტოს, ყოფილა ხალხი თურმე, რომელიც ჩემს სისხლს არ შეარჩენს მწარმოებელს. აი აქ რომ ზარი ჰკილია, ეს ვისი საქმეა? გაფიცვის შემდეგ დაჰკიდა მწარმოებელმა. ვინ მოაწყო ის გაფიცვა? ვინ იყო მისი ხელმძღვანელი?

— სტეპკო ინწყირველი იყო! სტეპკო! — უპასუხეს ტარიელს.

— მეც ასე მეგონა. მაგრამ სტეპკოს ვინ უკარნახა? მეუმრავლესეთა ორგანიზაციამ თურმე, ხოლო მეუმრავლესეებს ვინ ხელმძღვანელობდა? ამხანაგი კობა...

ტაში რომ დაწყნარდა, ტარიელმა განაგრძო:

— აი კაცი, რომელსაც გული შესტივია მუშაზე არა სიტყვით, არამედ საქმით. რაც მან გვითხრა დღეს, სრული ჭეშმარიტებაა. წესრიგი და დისციპლინა ჯერ ოჯახშიაც საჭიროა, მით უმეტეს საქვეყნო საქმეში. მე რათ მინდა ისეთი პარტია, სადაც დომხალია. რას გაგვიკეთებს ჩვენ ასეთი პარტია?

— შენ იმაზე ილაპარაკე, ვინ უნდა იყოს პარტიაში! — შესძახა ზაქარია გურულმა. — სუფრაზე კი არ ზიხარ, რომ გააქიანურე!

— პარტიაში, ჩემო ბატონო, ესეთი კაცი უნდა იყოს, რომელიც მასპინძლად ივარგებს, თორემ სტუმრობა იოლი საქმეა.

— აგრე! აგრე! — წააქეზა ტარიელი პეტრემ.

— სტუმარს ის აინტერესებს, რა არის სუფრაზე, თორემ რა ხდება სუფრის იქით, ეს მასპინძლის საქმეა, მისი ოფლისა და შრომის საქმეა. პარტიაში ისეთი კაცი უნდა იყოს, რომელიც მასპინძელივით იქნება: იშრომებს პარტიისათვის, თავის წონა ოფლს დაღვრის, პარტიის კირს თავის კირად მიიჩნევს. პარტიაში გარჩეული მადანივით კაცი უნდა იყოს. გარჩეული მადანივით, გაიგეთ? პარტიაში შემოსასვლელი კარი ვიწრო უნდა იყოს, ხოლო დარბაზი ფართო. თუ შედი, გასაქანიც გექნება. მე არ მჯერა, რომ მეუმრავლესენი მუშებს ერეკებოდნენ პარტიიდან. პირიქით. მე რამდენჯერ მითხრა იმათმა პროპაგანდისტმა გუცამ: ეხ, ტარიელ, შენ რომ არ გადაჰკრავდე, რა არალეგალური მუშაკი იქნებო! პარტიაში გამოდგებო... აგერაა გუცა და დამიდასტურებს. ხომ მიმიღებთ, ძმაო, პარტიაში, თუ დავიმსახურე, არა, გუცა?

— მიგიღებთ! მიგიღებთ, — ოღონდ უნდა იყო სუფთა, გარჩეული მადანივით. — სიცილით უპასუხა გუცამ, რომელიც სტეპკოსა და ელეზნისთან ერთად კობას გვერდით იდგა.

— შენ ისე ლაპარაკობ პარტიაზე, თითქოს უკვე მისი წევრი იყო! — უთხრა პარიზელმა № 1.

— შენც ისე უნდა ილაპარაკო, ჩემო პარიზელო, უკაცრავად შენი ნუმერი არ ვიცი... ჰო, შენც ისე უნდა ილაპარაკო, რომ ყოველ მუშას აღუძრა სურვილი პარტიაში შესვლისა. მაგრამ მიღების წინ კი უნდა დალანდო კაცი, ლაყე რომ არ გამოდგეს და ბრძოლის დროს არ გილაღატოს. ჩემი აზრით, მართალია ამხანაგი კობა, ამხანაგი ლენინი. გაუსინჯავი ხალხი ბოლომდე არ გამოგვეყვება. მრეწველი ზაქარია გურული და მიხაკო წეროძე, ესენი თუმცა მეუმცირესები არიან, ჩემსავით არ იბრძოლებენ მუშის საქმისათვის. საცხა კი მიგვატოვებენ მაჯენი, ბიჭებო!

— იმათ უკვე მიგვატოვეს! — მიაძახეს გუცამ და პეტრემ.

გაბრაზებულმა ზაქარიამ ჯოხი მოიქნია და დაიძახა:

— ეს არაა პოლიტიკური მსჯელობა, ეს ლაყობაა!

— მე ისე ვმსჯელობ, როგორც შემიძლია ჩემი მუშური

ქკუით! — უპასუხა ტარიელმა. — ვამთაერებ, ამხანაგებო! პარტია პარტიელისათვის ნამდვილი სამშობლო უნდა იყოს.. ვიწროდ დაიჭირეთ პარტიის კარები, ამხანაგებო! არ გაძვრეს შიგ ლაქლაქა და დაუპატიჟებელი სტუმრები... მიეყვეთ ლენინს და ამხ. კობას... სწორედ არ ვამბობ? თუ რაზე დავაკელ, თქვენ დაუმატეთ!..

სიტყვა კახამ აიღო.

— ვისი სახელით ლაპარაკობ? — შეეკითხა ლორთქიფანიძე.

— ანგარიშში არ მოტყუედე! — უთხრა ზაქარიამ.

— შენ, ზაქარია, შენს ნოქრებს ასწავლე ანგარიში! — შეუბრაუნა სიტყვა კახამ.

— სიტყვა ეკუთვნის მეუმცირესეთა პროპაგანდისტს, — გამოაცხადა თავმჯდომარემ.

კახა ავიდა ბექობზე.

— ამხანაგებო! მე ჭიათურაში ქუთაისის მეუმცირესეთა ორგანიზაციამ გამომავაზენა პროპაგანდისტად. მე მითხრეს, ჭიათურაში ძალზე გამწვავებულიაო პარტიული უთანხმოება, რომ აქაური მეუმრავლესენი ყრილობის საკითხებს მრუდად აშუქებენო. მაგრამ რა ვნახე დღეს? მე მოვუსმინე ორივე მხარის ლიდერებს... ამხანაგებო, პარტიული მუშაობა განსხვავდება ყველა სხვა მუშაობისაგან. სხვაგან შეიძლება ითაღლითო, თუ ძალით გამეშავებენ, ან ხელი მოუშვა, თუ არ მოგწონს სამუშაო. ჩვენ ხომ, ჯერჯერობით კაპიტალისტურ წყობილებაში თავისი სურვილით არ ვირჩევთ პროფესიას!.. თავისი სურვილით პროფესიის არჩევა ჩვენ შეგვიძლია მხოლოდ კაპიტალიზმის დანგრევისა და სოციალიზმის დროს. მაგრამ დღესდღეობით ჩვენ შეგვიძლია თამამად და გულწრფელად, შეგნებულად და გაბედულად პოლიტიკური ბრძოლის გზა ავირჩიოთ. მე პირადად, ინტელიგენტი რომ ვარ, ავირჩიე სოციალ-დემოკრატიული პარტიის გზა. მე არ მეგონა, რომ ინტელიგენტი მუშის მტერი იქნებოდა, რომ ყველა ინტელიგენტი ერთი და იგივე საზომით უნდა გაიზომოს. ამ საკითხში მე არ ვეთანხმები ამხ. გრიგოლს. ამ საკითხში მართალია ამხ. კობა.

— ვაშა, ვაშა!

— ძირს, ძირს!

ორატორმა განაგრძო:

— არ ვეთანხმები მთავარ საკითხშიც, პარტიის საკითხშიც. მეც დღემდე ასე მქონდა წარმოდგენილი, რომ პარტია ერთნაირად განწყობილი ხალხის კრებულს უნდა წარმოადგენდეს მეთქი, რომ ჯარკვეული პროგრამით მოქმედება და დაწერილებით შემუშავე-

ბული ტაქტიკა საჭირო არ არის მეთქი. ამხ. კობამ კარგად დაგვანახვა, რომ ეს არ შეიძლება. ამხ. გრიგოლი ამბობს, პარტიას შეიძლება არც კი ჰქონდეს გარკვეული სამოქმედო გზაო. ვერ წარმომიდგენია ასეთი პარტია.

— შენ ბევრი რამ ვერ წარმოგიდგენია, მაგრამ აყულებულხარ ტრიბუნაზე და ქერქეტობ! — გაიძახა ზაქარია გურულმა.

— მე არ ვქერქეტობ! მე გულწრფელად ვამბობ იმას, რასაც ვფიქრობ. რაც დღეს აქ ვნახე და რაც ამ ერთ კვირაში გავიგონე კიათურაში, მარწმუნებს იმაში, ვინაა მტყუანი და ვინაა მართალი.

— ვინაა? ვინაა! — ატყდა ყიჟინა.

— პარტიის საქმე წმინდა საქმეა, ბრძოლის ხერხებიც სუფთა უნდა იყოს, — განაგრძო კახამ. — კიათურაში კი მეუმცირესეებს, ე. ი. ჩვენ, დაგვიყრია ხმები, თითქოს მეუმრავლესენი ქურდბაცაეებს აფარებენ ხელს და აქეზებენ მათ. ეს სირცხვილია!

— სირცხვილია! სირცხვილია!

— მე ვაცხადებ პროტესტს ამ სამარცხვინო ხმების წინააღმდეგ. მე მრცხვენია მეუმცირესეების ნაცვლად...

— კახა პროვოკატორია! კახა არაა ჩვენი წარმომადგენელი! ძირს კახა! — დაიყვირა ზაქარია გურულმა.

— ახლა არა ვარ თქვენი წარმომადგენელი? — დაიყვირა კახამაც. — როცა სიმართლე პირში გითხარით?

— რატომ მაშინ არ გამოაცხადეთ, ჩვენი წარმომადგენელი არ არისო, როცა თქვენი სახელით აიღო სიტყვა? — შეეკითხა თავმჯდომარე.

— არ ვიცოდით, ვინ იყო!

— სტყუით! ერთად არ ჩამოველით ქუთაისიდან? ან ბანკეტზე რომ დამპატიე, განა უცნობის დაპატიება შეიძლება? იმის შემდეგ, რაც აქ ვნახე, მე ვაცხადებ: ვეთიშები მეუმცირესეთა ფრაქციას და ვაცხადებ თავს მეუმრავლესედ...

ისეთი აურზაური ატყდა, ისეთი მიწევ-მოწევა, რომ ზორა-ზორად დაწყობილი შავი ქვა დაიშალა და ჰაერში სქელი, შავი მტვერი დადგა. შავმა მტვერმა დაფარა მალაროს პირი, და ხალხი ძალაუნებურად დაწყნარდა. მტვერი როცა გაიბნა, მუშებმა ერთმანეთს გაღახედეს. რამოდენიმე „ხუნხუზი“ კახასაკენ მიიპარებოდა.

— ამხანაგებო! — დაიგუგუნა ელეზნიმ. — ვაცხადებ საჯაროდ, თუ მეუმცირესეთა „ხუნხუზებს“ ხელი უხლიათ ამხ. კახასთვის, ჩვენ იარაღით გავსცემთ პასუხს.

და ელეზნიმ თეთრი სმიტ-ვესონი ამოიღო.

— სირცხვილი! სირცხვილი! — გაისმა აღშფოთების ხმები. ელენემ, პეტრემ და გუცამ კახა გაანაპირეს.

პარიზელი № 1 ავარდა ტრიბუნაზე:

— ამხანაგებო! ამხანაგებო! მოისმინეთ!

— არ გვინდა პარიზელი! ძირს პარიზელი!

პარიზელი № 2 ავარდა ტრიბუნაზე:

— არ გვინდა არც ერთი პარიზელი არ გვინდა! ძირს! ძირს!

— გადავსდით კრება! — მოითხოვეს მეუშვირეხეებმა.— ასეთ პირობებში შეუძლებელია რაიმე აზრის გამოტანა.

— კრების გადადება საჭირო არაა, — განაცხადა კობამ. — დღესვე შეიძლება გადაწყდეს, ვის ემხრობიან პერევისის მალაროს მუშები. რაც შეეხება ხმაურობას, ჩემის დაკვირვებით, მუშები როდი ხმაურობენ. სხვები, მოუპატივებელი სტუმრები ხმაურობენ... ხვალ ჩვენ სხვა მალაროში გვაქვს საქმე...

— კობას ვემხრობით! კობას! — დაიგუგუნა კრებამ. — გაუმარჯოს მეუმრავლესებს!

— ორიოდ სიტყვა მეც მათქმევინეთ, — სთქვა თავმჯდომარემ. — თავმჯდომარე რომ ვარ, განა სულ სხვა უნდა ვალაპარაკო? მე, როგორც გითხარით, აქ იმის გამოსარკვევად მოველი, რომ გამეგო თუ ვინაა ამ განხეთქილებაში მტყუანი და ვინაა მართალი. მე გული მტკიოდა პარტიის გათიშვის გამო. მაგრამ აქედან გულდამშვიდებული წავალ. საჭირო ყოფილა ეს განხეთქილება. ბედაური და ოჩანი ერთად ვერ შეებმიან უღელს. მებრძოლი და მშიშარა ერთად ვერ ივლიან. პარტია მართლა რომ მებრძოლი ორგანიზაცია უნდა იყოს და არა პირუტყვების მომვლელი საზოგადოება, რომელსაც პროგრამა არ ექნება. მოეუწოდებ პერევისელ მუშებს, ერთხმად დაეუჭიროთ მხარი მეუმრავლესებს.

— არ გაქვს უფლება ჩვენი სახელით ილაპარაკო! — დაუყვირეს მას ჯოხიანებმა.

— სირცხვილადაც მივიჩნევ თქვენი სახელით ლაპარაკს! თქვენ „ხუნხუზები“ ხართ!

— პროვოკაციაა! ტყუილია! ვინაა „ხუნხუზები“?

— თქვენა ხართ „ხუნხუზები“, — მიამახა გიორგიმ ერთს, რომელიც ყველაზე მეტს ყვიროდა, — თქვენ არა ხართ ჩვენი მალაროელი მუშა. მართალია, ყველანი გაშავებული ვართ მტკრისაგან, მაგრამ ხმით მაინც ვიცნობ ჩვენს მუშებს. თქვენ იმ ჯოხიანთაგანი ბრძანდებით, რომელნიც ზაქარია გურულს და ლორთქიფანიძეს დაპყვებიან კრებებზე, ყველაზე მეტს ყვირიან, ჯოხებს იქნევენ,

რომ შექმნან შთაბეჭდილება: აი, უმრავლესობა, და მერე როგორი! მებრძოლი უმრავლესობა ჰყავს მეუმცირესებსო... ასეთ ხალხს ვეძახით ჩვენ „ხუნხუნებს“...

გიორგის სიტყვა ჩაუწყდა პირში. მარჯვედ გამოსროლილი ნიჩბის ტარი თავში მოხვდა. გიორგი წაბარბაცდა, მაგრამ თავი შეიმარა. საშინელ ხმაურში ლომივით დაიღრიალა:

— ერთი ერთზე მოდიო, თუ ვაჟკაცი ხართ!..

და იგივე ნიჩბის ტარი მსროლელს შიგ სახეში დაუბრუნა...

— წავიდეთ, დაემარცხდით! — სთქვა ისიდორემ და ადგა.

ღრიალით და ხმაურით წავიდნენ ჯოხიანი და მყვირალა „ხუნხუნები“. მეუმცირესეთა ლიდერები წელს ძლივს მიათრევდნენ... კობას გარს შემოეხვია მუშათა რაზმი.

ხელს ართმევდნენ. ეცნობოდნენ, თვალეზში უყურებდნენ...

ზრდა

არ ეძინება ტარიელს.

ღია ფანჯარაში სავსე მთვარე იხედება და ოთახი რძისფერი სხივებით გაუვსია.

ტარიელი ხან ერთ გვერდზე გადაბრუნდება, ხან მეორეზე. ყველგან თეთრი სხივებია ამ სავსე მთვარისა.

ტარიელი სწყვეტს დიდ საკითხს: შევიდეს თუ არა პარტიაში? სტეპკომ პირდაპირ უთხრა: აფსუსი არ არის, შენისთანა კაცი პარტიაში არ იყოსო?

მაინც რა საინტერესო ყოფილა არალეგალური მუშაობა! თურმე ღამეს ისე უნდა შეეჩვიო, როგორც დღეს. უმთვარო ღამეშიც ისე არ უნდა შეგცდეს საგანი, როგორც მზის ჭინათლეზე. განსაკუთრებით საშიში ყოფილა ნათელი ღამე, რომელიც ასე უყვარს ტარიელს. ასეთ ღამეებში უყვარს ტარიელს ოცნება. უყურებს შორეულ ვარსკვლავებს, მთვარეს, ცას და ხანდახან განაუარდებაც კი მოუნდება სივრცეში. აი, ასეთ ნათელ ღამეს უნდა ერიდოს აწი ტარიელი, როცა დამალვა შეიქნება საჭირო.

არალეგალურ მუშაქს გამახვილებული უნდა ჰქონდეს სმენა, თვალი, მეხსიერება. არ შეიძლება წერილების ტარება უბით. არ შეიძლება ერთი და იმავე გზით წასვლა და მოსვლა. ძალიან კარგ მეგობარსაც რომ შეხვდე ხალხში, არ უნდა მიესაღმო. თითქოს არც კი იცნობ. შესახვევთან ნაბიჯს უნდა უკლო, მეორე მხარეზე

გადახვიდე: ეგებ ჭაშუში ამოფარებია კუთხეს და გითვალთვალებს. უნდა იცოდდე სიარულის გამოცვლა. ხან თოხარიკით იარო, ხან ოჩანი ცხენივით. უნდა გააწაფო ტანისამოსის ჩქარ ჩაცმაში და გახდაში. უნდა შესძლო თვალის დახამხამებაში, თუ თავს დაგესხნენ, ჩაიცვა და გაიქცე. უნდა იცოდდე ცალი თვალით ძილი.

არასოდეს არ უნდა აჩქარდე თურმე. არ უნდა აღელდე — ვთქვათ დაგაპატიმრეს და გიპოვეს პროკლამაცია. არხენად უნდა უპასუხო: ქუჩაში ვიპოვე, ვიფიქრე — თუთუნის შესახვევად გამომადგება მეთქი...

არ უნდა დაიბნე, მუდამ უნდა გჭეროდეს, რომ დავალებულ საქმეს გააკეთებ. საკუთარი თავისადმი რწმენა დიდი საქმა.

უნდა იყო შეუდრეკელი და გამბედავი. სიკვდილსაც კი შეუპოვრად უნდა შეხვდე.

არალეგალურ მუშაკს ზედმეტი სახელიც კი ჰქონია: შერქმეული სახელი. უნდა შეეჩვიო ამ სახელს, როგორც საკუთარს.

ერთი კარგი არალეგალური მუშაკი დიდხანს ვერ დაიპირესო, უთხრა სტეპკომ ტარიელს. ბოლოს აგენტმა მიაგნო კვალს. „კონკა“-ში შეპყვა. აგენტი არ იყო თურმე დარწმუნებული: იმას წააწყდა, ვისაც ეძებდა, თუ სხვას. აგენტი იმან დააბნია, რომ ეს მუშაკი კოჭლობდა. ის კი, ვისაც აგენტი ეძებდა, სალი იყო. მაშინ აგენტმა ხერხი იხმარა. იმ არალეგალური მუშაკის ნამდვილი სახელი იცოდა და როცა ის კონკიდან ჩამოდიოდა, დაუძახა ნამდვილი სახელი. არალეგალური მუშაკი მობრუნდა...

აი, ასეთი რამ არ უნდა დაემართოს ტარიელს...

მაგრამ გამოდგება ტარიელი არალეგალურ მუშაკად? ვაი თუ სტეპკოც შეარცხვინა და თავისი თავიც.

— გამოუსადეგარი ადამიანი არ არსებობს, — უპასუხა სტეპკომ. — ყველაფერი დამოკიდებულია პირობებზე და ძაღლის გათვალისწინებაზე. კარგად ჩაუფიქრდი რაც გითხარი და ისე გადასწყვიტე. ოღონდ უნდა გახსოვდეს ერთი გარდაუვალი პირობა: ამხ. კობა გვასწავლის—პარტია დედასავით უნდა გვიყვარდესო...

ტარიელიც ფიქრობს ეს რამდენი დღეა. კობასთან ერთი შეხვედრა საკმარისი გახდა, რომ ტარიელის ცხოვრება ერთიანად შეტრიალებულიყო. ჰმ... პარიელაც რომ შემარქვა... შენ, ჩემო ტარიელა, პარიელა უნდა გერქვას, ისეთი მოპარვით იცი სიარულიო... დიაღ, შეტრიალდა ცხოვრება და განა მარტო ტარიელის? იმ დღიდან პერევისის მღაროს კობას სახელი მზესავით დანათის.

ახლა შექრუთში რა უქნია! იქაც ყველა მღაროელები კობას მიმხრობიან და მეუმცირესენი პირდაპირ გაუძევებითა კრებიდან...

დიდი ამბები ხდება ქვეყანაზე! და ტარიელს საშუალება ეძლევა მაყურებელი როდი იყოს ამ ამბებისა, არამედ მონაწილე. მერე როგორი მონაწილე? შემამზადებელი რევოლუციის გამარჯვებისა... მეუმრავლესე...

მეუმცირესეთა რიგებში რომ შედიოდეს, უყოყმანოდ გაბედავდა შესვლას. იქ კარი ღიაა. მობრძანდითო, ეპატიეებიან ისინი ყველას.

რამდენი აცინეს გუმინ სტეპკომ და გუცამ ტარიელი.

ზაქარია გურულს უთქვამს თურმე ზარანპისათვის, შემოდი ჩვენს პარტიაში, მაინც შენს სასადილოში ვიკრიბებით ხშირადო.

— თუ სხვა სასადილოში არ წახვალთ და ჩემი მუშტრები იქნებით, შემოვალო...

აი, როგორი იოლია იქ შესვლა. მეუმრავლესეები კი სხვა ხალხია. ტარიელი ხედავდა, თუ როგორის თავდადებით ასრულებდნენ დავალებებს მეუმრავლესენი. უყოყმანოდ, უდავოდ, რწმენით.

ხედავს ტარიელი: თუ ამ გზას დაადგა, უკან გამობრუნება არ შეიძლება. მეუმრავლესეებთან არ შეიძლება სანახევროდ მისვლა. ან სულ, ან არა... საჭიროა დიდი რწმენა...

მაგრამ წავა ტარიელი კატორღაში ამ რწმენისათვის?

მიუშვებს ტყვიას გულმკერდს?

ავა სახრჩობელაზე? არ დაიხვეს უკან?

უპარტიოდ რომ დარჩეს, ჰო, შეიძლება დაიხიოს უკან. შეიძლება სთქვას: არც რევოლუცია ვიცი და არც კომიტეტიო.

ან შეიძლება ასე სთქვას:

— შემაცდინეს, ბატონო! ერთი გაუნათლებელი კაცი ვარ. მაპატიეთ. ნუ ჩავარდებით ჩემი ცოლშვილის ცოდვაში.

მაგრამ პარტიელს, მეუმრავლესეს, და ისიც ამხ. კობას მოწაფეს, ეს არ შეშვენის.

აარა!..

ბავში გადამბრუნდა და საბანი გადასძვრა.

ტარიელმა საბანი გაუსწორა, შუბლში აკოცა და დააცქერდა.

აი, ეს ანგელოზი უნდა დასტოვოს ტარიელმა და ციმბირში ამოჰყოს თავი, თუ ჩაება ისეთ მუშაობაში, რომელსაც მეუმრავლესენი ეწვევიან. ეგებ არც ელირსოს უკან დაბრუნება.

ტრემლი მოადგა თვალზე. ცოლისკენ მოიხედა.

სალომე გულაღმა იწვა. თმები ბალიშზე გაშლოდა. ტარიელს თავისი ცოლი ზღაპრულ მზეთუნახავად მოეჩვენა.

— ესეც დაგეკარგება! — ჩასჩურჩულა ბოროტმა ხმამ ტარიელს.

ტარიელმა მოიხედა: ეს ვინ ჩამჩურჩულაო.

დალაზეროს ეშმაკმა! ეშინია ტარიელს! ვერ გამოდგება მებრძოლად! ალბათ მეუმრავლესენი სხვანაირად გამოჭრილი ხალხია. სხვანაირი ძვალი აქვთ.

მაგრამ პეტრე!

პეტრე ხომ ტარიელივით მუშაა? თითქოს ჩუმი, უწყინარი, შეჯმჩნეველი. ათასს სხვაში ვერ გარჩევ.

ცოლიც ჰყავს და შვილიც.

მაგრამ პეტრე კომიტეტშიაც კი შედის თურმე.

კომიტეტი რაა: პირადად კობასაგან იღებს დავალებებს.

ჰო, კობას დავალებას ტარიელიც ეღირსა.

ამას წინათ სოფელში, გლეხობაში, ამხ. კობამ არალეგალური კრება ჩაატარა. ტარიელს კი უთხრა:

— სოფლის ბოლოს დადექ, თითქოს ნახირს მწყესავ. თუ რამე საეჭვო ნახე, ან პოლიცია გამოჩნდეს, გვაცნობეო.

ტარიელმა ასი თვალი გამოისხა, ისე იღვა სადარაჯოზე.

მაშ, ენდობიან ტარიელს. ტყუილად როდი უთხრა თვითონ კობამ სტეპკოს:

— ასეთი კაცი ათისთავად კი არა, ასისთავად გამოდგება, თუ იმარჯვა...

თუ იმარჯვა!

ვერ იმარჯვებს თუ? აკი პეტრემ იმარჯვა? რითაა პეტრეზე ნაკლები ტარიელი?

ტარიელს გაახსენდა, თუ როგორ მოატყუა ზარასპიმ და მთელი კვირის ხელფასი დაატოვებინა სამიკიტნოში. შერცხვა ტარიელს. მართალია, ცოლისაც შერცხვა მეორე დღეს და ბავშვისაც, მაგრამ ახლა, როცა მთელს თავის სულსა და გულს პარტიაში შესვლის წინ ახლებურად სწონიდა და ზომავდა, ეს სირცხვილი განსაკუთრებულის სიმწვავეით იგრძნო.

პეტრესაც და სტეპკოსაც კი გაუბრაზდა ამ შუაღამეს ამ სიშორეზე: რას მიწვევენ პარტიაში ასეთ კაცსო? ეხ, როგორ ამათორიაქესო?

ტარიელმა ბრაზისაგან კბილები დაადრქიალა. ხომ გაგუდავს

ახლა ზარასპის, ხელში რომ მისცა? თუმცა: რაც მოგივა დავითაო, ყველა შენი თავითაო...

შორს, სადღაც მამალმა იყივლა. ტარიელის მამალმაც უპასუხა. მთვარე მიიბნინდა. თემშარაზე ფრთხილი ჩრდილი გამოჩნდა. ტარიელმა იცნო: პეტრე მიდიოდა შინისაკენ.

ჰმ... პეტრეა. არალეგალური კრებიდან ბრუნდება. პეტრეს არ სძინავს. ტარიელისა და ათასი ტარიელის საქმეს აკეთებს... ამ ათასებს კი არხეინად სძინავთ...

და ტარიელმა იგრძნო რაღაც თბილი, დიდი და ლამაზი ამ კაცი-სადმი. ასეთი გრძნობა ჯერ არ განუცდია ტარიელს. იგრძნო კი, რომ სულშიაც რაღაც ნათელი ჩაუდგა.

წამოდგა. უნდოდა დაწეოდა პეტრეს, ეთქვა: მიმიღეთ, მამუშავეთ, რომ ჩემი და ათასი ჩემისთანას საქმე გაკეთდესო, რომ ადამიანური ცხოვრება დაგვიდგესო..

მაგრამ პეტრემ უკვე შეუხვია.

— ხვალ ვეტყვი. ხვალიდან ახალი ტარიელი ვიქნები...

თითქოს დიდი სიმძიმე მოშორდა ტარიელს. თემშარას გახედა და უფრო ფართოდ მოეჩვენა. თითქოს აივანიც გაფართოვდა. თითქოს ჰერმაც აიწია.

და თითქოს ტარიელმაც აიწია სიმაღლეზე... გაიზარდა...

სტამბა

მდინარე ყვირილის მარცხენა ნაპირას, შეღმართზე, ეკლის ხეების ჩრდილში, ერთი უმწეო და უცნაური შენობა იდგა. არც თუ ქოხი, არც თუ საცხოვრებელი სახლი. პატარა, შეუხედავი, მოღრეცილი. ქოხისაგან ის ანსხვავებდა, რომ ერთი ფანჯარა ჰქონდა. ოდისაგან ის. რომ ბიჭები ჰქონდა შეყენებული, თითქოს კედლები დაბერებულა და ყავარჯენს დაჰყრდნობიაო. სახურავი ალაგ-ალაგ აგლეჯილი ჰქონდა: არც თუ ყავარი, არც თუ ფიცარი გადაუხურავთ. ეკლის ხშირი ხეები მჭიდროდ დახრილა სახურავზე, თითქოს ბუნებრივი სახურავი გაუკეთებიათო. ვერც მზე, ვერც წვიმა ვერ ატანდა ამ ცოცხალ ტოტებისაგან შეკრულ სახურავს. ვერც თუ ქარი დააკლებდა რასმე ამ ბუნებრივ საფარში ქოხს. ეკლის ხეების ერთმანეთს შეხლართული ტოტები ფარივით შემოდგომოდა კედლებსაც და მაშინაც კი, როცა ზენა ქარი ხმაურით და-

ეშვებოდა ყვირილის ნაპირებზე, ააფორიაქებდა ხეობას, ქოხი ბარტყივით იჭდა ეკლის ბუდეში.

— ამ სახლზე არავინ აიღებს ექვს, — უთხრა სტეპკოს კობამ, როცა გარედან დაათვალიერა სახლი.—მისვლა ადვილია, ვაგზალიც ახლოსაა, თან გზის პირასაა, პროკლამაციის კონას ზედ ურემზე დაუდებს კაცი და გაატანს გინდ მაღაროში, გინდ სოფელში... კარგად იცნობ ოჯახს?

— ჩვენი ხალხია. ქმარი მასწავლებელია, ცოლი დიასახლისი. პატარა ბავშვიცა ყავთ, ძუძუნწოვარა.

— მასწავლებელი ასეთ ქოხში! — გაუკვირდა კობას.

— კარგ სახლში ბინა არავინ მიაქირავა მათ. სოციალისტი ხარო, სახლები კი აქ ვაქრებსა და მრეწველებსა აქვთ.

— ჰე... ჰე... — ჩაიცინა კობამ.— ზოგი ქირი მარგებელიაო. სახლიც გამოგვადგება და ხალხიც.

— მასპინძელო, შეგვიშვებთ? — შეაძახა ღია კარებს სტეპკომ.

— მობრძანდით, მობრძანდით! — და კარებში ახალგაზრდა. ენერგიული სახის, შავგერემანი ქალი გამოჩნდა.

— სტუმარი მომყავს, ქალბატონო მართა! შეიძლება?—ჰკითხა სტეპკომ.

— უი, ღმერთო! ასეთი უცხო სტუმრები!

— ეს ის ამხანაგია, მე რომ გეუბნებოდით, — უთხრა მართას სტეპკომ. — მეუმრავლესეთა ხელმძღვანელი.

ერთმანეთს მიესალმნენ. ქოხი დაათვალიერეს. ქოხს უკან უსინათლო შვილივით, ბნელი რაღაც გალიაკი ჰქონდა მიყრდნობილი.

— თუ რამეში გამოდგება ჩვენი ქოხი... — მოიბოდიშა ქალმა. კობამ აათვალ-ჩაათვალიერა ქოხი, ერთხელ კიდევ შევიდა გალიასავით მიშენებულში.

შემდეგ მართას დააცქერდა და ჰკითხა:

— იცით თუ არა, რა მოგელით, თუ სტამბა თქვენს ბინაზე აღმოაჩინეს?

— მე რომ ვთხოვდებოდი, საქმრომ გამაფრთხილა: სოციალისტი კაცი ვარ, თუ მომემხრობი და დამეხმარები, მხოლოდ მაშინ გამომყევით. მეც შეგნებულად ამოვუდექი გვერდით. მას შემდეგ ვცხოვრობთ ასე, როგორც ხედავთ, მაგრამ გული არ გამტეხია. ფიცი, კატორღა მომელის, ამხ. კობა, მაგრამ მე ეს არ მაშინებს.

— კარგი, ამაღამვე გადმოვიტანთ სტამბას. — ჩაილაპარაკა კობამ.

ბავშვმა აკვანში ღუღუნის დაიწყო.

— ეგებ ამას მაინც მოესწროს კაცური ცხოვრება... მე ყველაფრისათვის მზად ვარ.

— რატომ ასე შორს? — გაიღიმა კობამ. — ჩვენ თვითონ უნდა მოგვესწროს ბედნიერი ცხოვრება.

— აღდგომა და ხვალეო, — გაიღიმა მართამაც.

— მაშ' ასე, — მიუბრუნდა კობა სტეპკოჲს. — ფაცია და ვალიკო დაიწყებენ სტამბაში მუშაობას. ხვალიდანვე.

• • •

ფაცია გალდავა ერთი იმ ახალგაზრდათაგანი იყო, რომელიც რევოლუციამ ხალხის წიაღიდან ამოიყვანა და ფაფარზე მოიქცია. ის იყო 18-19 წლისა, მეტად მოხდენილი, ლამაზი, ჭკვიანი, მტკიცე ნებისყოფისა და რევოლუციისათვის თავდადებული ადამიანი. ფაცია ქუთაისის ეპარქიალურ სასწავლებელში სწავლობდა. სკოლა ვერ აკმაყოფილებდა ფაციას. სკოლა და ცხოვრება სხვადასხვა გზით მიდიოდნენ. ფაცია გაჩხირულიყო მათ შორის. ნამდვილი გზა ვერ გამოენახა. ცხრაას ხუთი წლის გუგუნი რომ მოისმა, ფაციამ ნამდვილი გზაც დაინახა. დადიოდა მიტინგებზე, უსმენდა ორაატორებს, უფიქრდებოდა მათ მგზნებარე სიტყვებს. დიდი შთაბეჭდილება მოახდინა ფაციაზე სტეპკო ინწყირველის სიტყვამ — ერთ მიტინგზე. სტეპკომ ახსენა ლენინი და კობა და ხალხის სამსახურის გზაც დასახა. წარმტაცი და მიმზიდველი იყო ეს გზა. ფაცია უფრო შინაგანი ალლოთი მიხვდა ამ გზის სისწორეს. შემდეგ, არაღეგალური წიგნებიც რომ მოიშველია, გონების ანალიზითაც ასწონდასწონა ყველაფერი. ისიც, რა მოელოდა ამ გზაზე, ისიც, როგორი იყო ეს სახიფათო გზა. არაფერს შეეპუა, არც ოჯახს, არც ნათესავეებს, არც ამხანაგებს. ფაცია პირველთაგანი იყო იმ ქალებში, რევოლუციის აზვირთებულ ზღვაში თავისი პატარა ნავი რომ შეაჯიკურეს. უანგაროდ, პირნათლად, გულსავსედ მიენდო ფაცია რევოლუციას. მას არასოდეს უძებნია მყუდრო ნავსადგური, არასოდეს მოუბრუნებია იალქანი მშვიდობიანი ნაპირისაკენ, არასოდეს შეურცხვენია არც პარტია, არც თავისი თავი.

თავდაპირველად ფაცია გალდავა რევოლუციის რომანტიკით იყო გატაცებული. წიგნებში და რომანებში ეძებდა გმირ ქალებს. წიგნებიდან მოეწონა სოფიო პეროვსკაია და ლუიზა მიშელ. ბათონგელი მუშების ნაამბობიდან მოეწონა ლესპინე შაფათავა. აი, ვინ ედგა მას თვალწინ. ფაცია არ იყო პატივმოყვარე, მაგრამ მას იზიდავდა ბრძოლის გმირული, კეთილშობილური მხარე. თავად კე-

თიღშობილი ხასიათისა იყო და სძულდა ყველაფერი, რაც მდაბალი, ბოროტი, უღირსი იყო.

პირად კეთილდღეობაზე არასოდეს ფიქრობდა. პირადი უზრუნველყოფა და ფუფუნება არასოდეს იზიდავდა. ჰქონდა კი შესაძლებლობა ისე ეცხოვრა, მიწაზე ფეხიც არ დაეკარებინა. თავად შეძლებული ოჯახის შვილს სილამაზეც ძალზე უწყობდა ხელს, რომ მალე ასულიყო ცხოვრების საფეხურზე. ერთი მდიდარი ვაჭარი თბილისში ცხოვრებას პირდებოდა, მეორე — შავი ქვის მრეწველი — პარიზში ნებიერებას. მესამე — იმერელი თავადი — კნინობას და შიმუნვარებას. მაგრამ ფაცია არ აპყვა ზიზილპიპილიანს ცხოვრებას. კრებებზე, მიტინგებზე, მოედნებზე, სადაც ხალხი ქშინავდა, დრტვინავდა, ზღვასავით ბობოქრობდა. ფაციამ გაიგონა ხალხის გულისცემა და იგრძნო მისი სიმართლე. მიხვდა და იგრძნო, რატომ აღიოდა სახრჩობელაზე სოფიო პეროვსკაია, რატომ იბრძოდა პარიზის ბარიკადებზე ლეიზა მიშელ, რატომ უყვარდა ხალხს ბათომელი მუშების დედა დესპინე შათათავა.

ახ, რა სჯობია იმას, უამრავი თვალი რომ გიჟურებს როგორც შვილს, დას, მეგობარს, ამხანაგს!

რა სჯობია იმას, ეკლიან გზაზე იარო იმისათვის, რომ დაგლიჯო ეკალნარი და გზა გაუკაფო „მოდმესა თვისსა“ სასიარულოდ!

რაა იმაზე წარმტაცი — სანთელივით ანთო შენი ცხოვრება და გზა გაუნათო ბნელში მჯდომს!

რაა იმაზე საამაყო — წითელი დროშა ასწიო და წარუძღვე ხალხს!

რაა იმაზე საამაყო — ბორკილებიანი ხელები ასწიო და შესძახო ჯალათს:

— აზრს ვერ მოჰკლავ ნაჯახით! გაუმარჯოს რევოლუციას!

ზოგ ქალს ოქროს სამაჯური დაუმშენებებს მკლავებს, ზოგს ბორკილების რგოლები.

ზოგი ქალი სპარსულად მოხატულ წარბებზე ფიქრობს, ზოგი კი...

ახ, რა დროს ეგენია! რა დროს წარბებზე ფიქრია, როცა საპიროა გული ამოიღო და მიუტანო ხალხს!..

ასე ფიქრობდა ფაცია გალდავა და მთელი თავისი ახალგაზრდული ენერგიით, გატაცებით და თავდადებით მიენდო რევოლუციას...

— ჰკვიანი ქალი ხარ, პარტიის ერთგული, ამიტომ განდობთ სტამბაში მუშაობას! — უთხრა ფაციას კობამ.

ფაციაშ დაიწყო სტამბაში მუშაობა. სტამბა ქოხთან მიდგმულ გალიაკში გამართეს. გალიაკს გარშემო თივა და ტოტები შემოაყარეს, რომ ქარი არ შემოსულიყო, ან გზად გამვლელ ან ეზოში შემთხვევით შემოსულ ბავშვებს არ შემოეჭიტინათ. სტამბა ბუდეში იყო თითქოს.

იმ ბუდეში: ჩაჯდა რევოლუციის მერცხალი ფაცია გალდავა...

* * *

თვეზე მეტია, რაც ფაცია პროკლამაციების ბეჭდვას სწავლობს. მისი მასწავლებელი, ავლაბრის სტამბის ასოთამწყობი ამხ. ჭიჭიკო უკვე თბილისს უნდა დაბრუნდეს. ჭიჭიკომ დავალება შეასრულა. ფაციას პროკლამაციების ბეჭდვა ასწავლა. დღეს შესანიშნავად დაიჭირა გამოცდა ფაცია. ჭიჭიკომ სინათლესთან მიიტანა პროკლამაცია და წაიკითხა:

„შავი ქვის მუშათა მოთხოვნილებანი კიათურაში.“ ჩინებულია, ამხ. ფაცია, ჩინებული!

ვიშ, რა კარგად თავდება!

„ძირს ჩვენი სისხლის მსმელი კაპიტალისტები!

„ძირს მათი და თავისი მხეცური კანონების დამცველი თვითმპყრობელი მეფე!

„გაუმარჯოს ჩვენს ერთობას, ადამიანის თავისუფლებას!

„იმერეთის სოციალ-დემოკრატიული მუშათა კომიტეტი“...

— მაშასადამე, სტამბა საიმედო ხელშია! — დაასკვნა ჭიჭიკომ, — შეფუთე ახლა.

ფაციამ პროკლამაციების შეფუთვა დაიწყო. ჭიჭიკომ ერთ ხანს მანქანას უტრიალა და ჩქარა ფაციას რაღაც ქალაღი მოაწოდა. წაიკითხეო.

ფაციამ წაიკითხა და გადაიხარხარა.

„მოწმობა.

ექლევა ესე მოწმობა რუსეთის სოციალ-დემოკრატიულ მუშათა პარტიის კიათურის ორგანიზაციის წევრს, ამხ. ფაცია გალდავას, სადასტუროდ იმისა, რომ მან, ფაცია გალდავამ, დაბადებიდან 19 წლისამ, რევოლუციური ყოფაქცევისამ, ჩინებულად დაამთავრა ხსენებული ორგანიზაციის არალეგალური სტამბის კურსი. იცის კორექტურა, ბეჭდვა, შეფუთვა. ზემოაღნიშნულს ვადასტურებ ხელისმოწერითა და უბეჭდოთ“...

— ჩარჩოში ჩასვი და კედელზე ჩამოიკიდე, — სიცილით უთხრა ჭიჭიკომ ფაციას.

ფაცია უცებ მოიღრუბლა და ამოიოხრა:

— ეხ, რომ შეიძლებოდეს ამისი შენახვა! როცა სარდაფებიდან ამოვალთ და შუქიანი სტამბა გვექნება, მაშინ რა სასიამოვნო იქნებოდა ამ ხუმრობის წაკითხვა?

-- მართალი ხარ, ფაცია! ახლა კი დასწვი ეგ ხუმრობა!

ფაციამ ქალადს ასანთი მოუყიდა და ნღვლიანის ღიმილით ეყურებდა, თუ როგორ ნთქავდა ცეცხლი ამხანაგურ ხუმრობას.

— ახლა კი მშვიდობით, ამხ. ფაცია! იცოდე, ჩვენი გამარჯვება ბევრათაა დამოკიდებული არალეგალური სტამბის მუშაობაზე. საწყალი ლადო კეცხოველი პროკლამაციებს უმბარას ეძახდა. საცა დაეცემა, უმბარასავით გასკდება და მტვერს ააღენს მეფის ხელისუფლებასო. ამხ. კობაც, სადაც კი ჩავა. მაშინვე არალეგალურ სტამბას გააწყობს ხოლმე. ბაქოს სტამბა მისი ღვალებით მოაწყობ კეცხოველმა. ბათუმში პირადად გამართა სტამბა. ავლაბარში შესანიშნავი სტამბა გააწყობ. აქაც, კიათურაში, ხედავ როგორ ბარტყა ავლაბრის სტამბამ? ამიტომ ეშინიათ სტამბისა მეფის ჭალათებს და სდეენიან სასტიკად. იცოდე, შენს ხელთაა ჩვენი პარტიის ეს საშიშარი და მრისხანე იარაღი.

ფაციამ პატარა, სუსტი ხელი ჰაერში ასწია და უპასუხა:

— ვფიცავ, სანამ მიწა არ დაეყრება ამ ხელს, იგი მტერს არ დაანებებს სტამბას!

მასწავლებელმა და მოწაფემ ღიმილით გაუწოდეს ერთმანეთს ხელი.

პროკლამაცია

მაისის ერთ საღამოს, როცა სიცხისაგან არაქათგამოლეული კიათურელები ძლივს დაბობლავდნენ ქუჩაზე, პეტრე ბარბაციო მიდიოდა და ხშირად ჩერდებოდა კედლებთან. აეტუზებოდა კედელს და იღგა ერთ ხანს.

უკვირდით გამვლელ-გამომვლელთ, ამ სიცხეში რამ დაათრო ეს კაციო.

პეტრე ერთ ხანს იღგა კედელთან, შემდეგ კი ბარბაციო განაგრძობდა სიარულს. ისევ გაჩერდებოდა, ბოძივით შეუდგებოდა კედელს. თუ ვინმე ჩაუვლიდა ახლოს, პეტრე მთვრალივით დაუწყებდა თავის თავს მტკიცებას, აჯერებდა, რომ ღვინო არ დაუღე-

ვია. მიიხედავდა გარშემო და თუ ახლო-მახლოს არავინ იყო, კოლოფს ამოიღებდა, დიდხანს ვერ მოუკიდებდა პაპიროსს. მაგრამ კოლოფში კარგად ამოაველებდა თითებს, შრეშით გაუღენთავდა. იმ შრეშიან თითებს უბეში ჩაიდებდა. თეთრ ქალაღს წაუსვამდა. მერე ქალაღს ამოიღებდა უბიდან, ზურგზე მიიღებდა და კედელს მიაწვებოდა. ერთ ხანს იღგა ატუზული და იქით-აქეთ იყურებოდა. როცა ახლო-მახლოს არავინ იყო, კვლავ მოშორდებოდა კედელს. კედელზე რჩებოდა თეთრი, მოგრძო, წვრილი ფურცელი.

ეს იყო ფაციას დაბეჭდილი პროკლამაციები.

ეს ხერხი კობამ ასწავლა პეტრეს. პეტრეც დიდის ოსტატობით აკრავდა პროკლამაციებს კედლებზე. როცა უკანასკნელი ფურცელი გააკრა, მდინარისაკენ შეუხვია. შრეშიანი კოლოფი მდინარეში ჩააგდო. ხელ-პირი დაიბანა. ახალუხის კალთით მოიხოცა. ერთ ხანს იჯდა და დაჰყურებდა მდინარეს. კარგა ხანი რომ გავიდა, ლასლასით, სხვისი სიარულით გაუდგა გზას, რკალივით მოიღუნა წელში. ძნელად თუ ვინმე იცნობდა, რომ ეს პეტრე იყო...

მეორე დღეს, კვირას, სუფთად ჩაცმულმა პეტრემ იმავე ქუჩებს ჩამოუარა. კედლებს აკვირდებოდა. პროკლამაციებთან ჭგუფ-ჭგუფად იდგნენ და მსჯელობდნენ, კამათობდნენ.

პეტრე მიუახლოვდა ერთ ჭგუფს, ზარასპის დუქანთან რომ შეკრებილიყო. შუაში პარიზელი № 1 ჩამდგარიყო და კითხულობდა.

— შემისვი, თუ ძმა ხარ! რა არის ამ კედელზე? — ითხოვა პეტრემ.

— რა არის და პროკლამაცია გაუკრავთ წუხელის სოციალისტებს.

— პროკლამაცია რა არის? — გაიკვირვა პეტრემ.

— მთავრობის საწინააღმდეგო მოწოდებააო.

— სუ, თუ ძმა ხარ! — და პეტრე შეერია ჭგუფში. მიმართა პარიზელს: — თქვენ ნასწავლი იქნებით, ბატონო, ხელთათმანი გაცვიათ. აგვიხსენით, რა სწერია მაგაში.

პარიზელმა თვალი მიაშტერა პეტრეს. პეტრე გულუბრყვილად იღგა და პროკლამაციას ისე გაშტერებით უყურებდა, თითქოს პირველად ხედავსო.

— ეს ჩვენი პროკლამაცია არ ყოფილა. ეს მეუმრავლესეთა პროკლამაცია ყოფილა, — სთქვა პარიზელმა და ჩაჰყვა ქუჩას.

პეტრე მიაღგა კედელს. კედლიდან ხალისიანად უყურებდა პროკლამაცია.

ვიღაცამ კითხვა დაიწყო და პეტრემ ყური დაუგდო.

„შავი ქვის მუშათა მოთხოვნილება ჭიათურაში...

1. ყველა დაწესებულებაში იყოს შემოღებული მ საათის სამუშაო დღე.

2. აიკრძალოს 18 წლამდე მოზრდილების მუშაობა შავი ქვის წარმოებაში.

3. მოისპოს ყოველივე „სკიდკა“, და წონა სრულად იქნას ჩაწერილი საანგარიშო წიგნაკებში და გირვანქებიც კი ჩაიწეროს“...

— აი, ეგ სამართლიანია! — გაისმა ირგვლივ. — გირვანქებს სულ არ აღნიშნავენ მწონავეები, თუნდაც 39 გირვანქა იყოს. ჩააბარებ მწონავს 20 ფუტსა და 39 გირვანქა შავ ქვას, ჩაგიწერს 20 ფუტს. გირვანქები კი გეკარგება. საშინელი უსამართლობაა!

„... 9. საჭირო სამუშაო იარაღი უნდა იყოს მწარმოებლისა და როდესაც შეეკეთება დასჭირდება, მწარმოებელმა უნდა შეაკეთოს თავისი ხარჯით.

„... 14. დაზღვეულ იქნას ყველა მუშები, ჩალანდრები და სხვ.

„15. მადნების მახლობლად გაყვანილ იქნას სუფთა სასმელი წყალი...“

ხალხი თანდათან ემატებოდა. ცალ-ცალკე ჯგუფებში პროკლამაციის ცალკეულ მუხლებს არჩევდნენ, კამათობდნენ. პროკლამაციის მოთხოვნილებებსა და სინამდვილეს ერთმანეთს ადარებდნენ. ამ დროს ზაქარია გურულმა ჩამოიარა.

პეტრემ განგებ, ზაქარიას გასაგონად, წამოიძახა:

— ხედავთ, რა დაუწერიათ? „მეთორმეტე მუხლი: ყველა შავი ქვის მომუშავეს მოგვეცეს ქუდი, ტანსაცმელი მწარმოებლისაგან“... თუ მწარმოებელი ამბობს, სოციალისტი ვარო, იმასაც ეხება ვითომ?

— რას ამბობ, კაცო? — ვერ გაუგეს პეტრეს.

პეტრემ ისევ ხმამაღლა:

— მაგალითად, მწარმოებელი ამბობს, რევოლუციონერი ვარო, პარტიაშიც კი არის ჩაწერილი. აი, ისეთ პარტიაში, სადაც კარები ღიათაა დატოვებული. ასეთი მწარმოებელი არის თუ არა ვალდებული შეასრულოს პროკლამაციის მოთხოვნილება, სანამ საერთო რევოლუცია მოხდებოდეს?

— შენ ზაქარია გურულზე ხომ არ ამბობ? — პირდაპირ შეეკითხა ერთი მაღაროელი პეტრეს.

— თუნდაც მაგაზე, ამხანაგებო! ნეტავი აჩვენა ეს პროკლამაცია მაგას! — ინატრა პეტრემ და ზაქარიას შეხედა, თითქოს სულაც არ იცნობდა ზაქარიას.

ზაქარია პროკლამაციას კითხულობდა. ცხადი იყო, ვერ გაექცეოდა ამ გამოწვევას. მოუბრუნდა პეტრეს და რიხით უპასუხა:

— როცა პროლეტარიატი გაიმარჯვებს, თავისას მიიღებს.

— პროლეტარიატის გამარჯვება ხომ მწარმოებლის დამარცხება იქნება? — შეეკითხა პეტრე. — ზაქარია გურული მწარმოებელიაო.

— მაშ, თქვენის აზრით, შეძლებულსა და განვითარებულ კაცს არ შეუძლია რევოლუციაში მონაწილეობის მიღება? — იკითხა ზაქარიამ.

— სიტყვით კი, ბატონო! საქმით კი თვალთმაქცობა იქნება. აი, ის ზაქარიაც დიდი თვალთმაქცი ვინაა უნდა იყოს. თურმე არავითარი განსხვავება არაა მის მუშებსა და სხვა მწარმოებელთა მუშებს შორის. ეხ, რალა ვილაპარაკო, ბატონო ჩემო! მაჩვენა ერთი ის ზაქარია, ვაჩვენებდი ამ პროკლამაციას.

ამ დროს ჯგუფში ბოქაული შემოვიდა. ერთ ხანს პროკლამაციას დააკვირდა. ვერ გადაეწყვიტა, მოეგლიჯა თუ დაეტოვებინა. მოგლეჯისა ეშინოდა, დრო იყო საშიშარი. ქიათურის ორწოხებში ტყვია თავისუფლად იბოვიდა გზას ბოქაულის მუნდირისაკენ. დატოვებაც არ უნდოდა. უცებ მოისაზრა და ბრაზი ზარასპიზე გადაიტანა:

— რალა შენ დუქანთან გააკრეს მაინცდამაინც ეს პროკლამაცია? შენი გაკრული ხომ არაა? ამბობენ, სოციალისტობსო.

ზარასპიმ თავი იმართლა:

— არა, ბატონო! პროკლამაცია რა სახეიროა ჩემთვის? იქ სწერია — იაფფასიანი სასადილო გაიხსნასო მუშებისათვის მალაროებშიო. ხომ დევილუპე მაშინ? უნდა მივკეტო ჩემი სასადილო. მობრძანდით, ბატონო! მოხარული ვარია მაქვს ნიერის წვნითა...

ბოქაულმა გამოსავალი იპოვა და დუქანში შევიდა.

პეტრე ჩაჰყვა კედელს პროკლამაციების დასახვერავად.

ყველგან ჯგუფები იდგა და ძყო გაცხარებული ბჭობა პროკლამაციებთან...

სალომეს ხანჯალი

სოფელ ვაქევიში, პელაგია ჭუმბურიძისას, ქალები შეკრებილან. შუაში ფაცია ჩამჯდარა და ესაუბრება.

— მე გამომავზავნა თქვენთან რუსეთის სოციალ-დემოკრატიუ-

ლი მუშათა პარტიის ჭიათურის ორგანიზაციამ. დამავალეს გიამბოთ, თუ რა ხდება ქვეყანაზე, რისთვის იბრძვის ჩვენი პარტია, რა მოაქვს რევოლუციის გამარჯვებას ხალხისათვის საერთოდ და კერძოდ ქალებისათვის.

ქალები სმენად იქცნენ.

ფაციამ დაიწყო გლახთა განთავისუფლებიდან. მღელვარე სიტყვებით დაახასიათა ეს „განთავისუფლება“. მოაგონა ქალებს მათი მშობლების საშინელი ცხოვრება.

— რაღა მშობლები! — წამოიძახეს ხანწესულებმა. — ჩვენ თვითონ მოვსწრებივართ! სალომეს ხანჯალი არ გავიგონია?

— არა! არ გამიგონია!

— ადუ, სალომე! გვიამბე! — მიმართეს სალომეს.

— რა საჭიროა ძველი ამბავი? — გაინაზა სალომე.

— მაგრამ თუ ახლისათვის გამოგვადგა? — თხოვა ფაციამ. სალომემ არც თუ მორიდებით, არც თუ გაუბედავად დაიწყო. თითქოს მხოლოდ ფაციას მოუთხრობსო.

— მარგანეცის წარმოება რომ დაიწყო, მიწის ფასმა ერთობ აიწია. გაჩნდა მიწის ყიდვა-შესყიდვის ციებ-ცხელება. გუშინდელი ღარიბ-ღატაკი, ხრიოკი და შავქვიანი მიწის პატრონი დღეს მდიდრდებოდა. გუშინდელი ღონიერი კაცი კი დღეს სუსტდებოდა. ჭიათურისა და ჩვენი სოფლების სახე უცბად შეიცვალა. გაჩნდა ფულის ჭენება... მემამულეებს ცუდი დღე დაუდგათ. ისინი მხოლოდ ღალით ცხოვრობდნენ. ღალა ჩვენგან შემოუდიოდათ, გლეხებისაგან. შავი ქვა რომ გაჩნდა, გლეხობა სოფლიდან ჭიათურაში ღოდ ღალით ცხოვრობდნენ. ღალა ჩვენგან შემოუდიოდათ, გლეხებმა თავისი მიწის დამუშავება დაიწყეს, ე. ი. შავი ქვის მადნისა. ზოგმაც მიწის გაყიდვა დაიწყო. ზოგი გლეხი მრეწველად იქცა და თვითონ ქირაობდა გლეხებს. გამდიდრდა და თავის მემამულესაც კი არაფრად აგდებდა. ასე სცოდნია ფულს.

— აბა! აბა! ზოგს გვარის მეტი არაფერი შერჩენია! — ჩაურთეს ქალებმა

— დატრიალდნენ მებატონეები, — განაგრძო სალომემ. — გამოძებნეს საოცარი კანონი. რუს ხენწიფეს თურმე მემამულეების დასაცავად ასეთი კანონიც ჰქონია. თავადებმა ეს მოიმიზეზეს და გამოგვიცხადეს: მართალია, ბატონყმობის გადავარდნის შემდეგ მიწა დაგახსენით, მაგრამ განა მთელი მიწა, ჩვენ მხოლოდ ზედაპირი დაგახსენით, რომ სიმინდი დაგეთესათო. რაც შეეხება მიწის წიალს,

ის ჩვენიაო. მოიყვანეთ ყანა მიწის ზედაპირზე. მაგრამ წიაღზე ნუ გვეცილებით, წიაღი ჩვენიაო...

ატყდა დავა. საქმე სამართალში მიდიოდა. სამართალში, რასაკვირველია, ყოფილი მებატონე იგებდა. ზოგი დავა გლეხის ოჯახშივე წყდებოდა სისხლით და ხანჯლით. აი, ისე, როგორც ჩვენს ოჯახში მოხდა.

მოვიდნენ, ბატონო, ჩვენსას, მებატონეები გიორგიტა და ფრიდონ წერეთლები. მოითხოვეს: აიბარგეთ ეზოდან, აჰყარეთ სახლკარიო. აქ მარგანეცი უნდა დავამუშავოთო.

ვერ მოვრიგდით. საქმე სასამართლოში წავიდა.

სასამართლომ საქმე თავადების სასარგებლოდ გაარჩია. მიწა წავგვართვეს, გამოსყიდული მიწა, და ყოფილ მებატონეებს დაუბრუნეს.

მოვიდნენ მებატონეები და დაგვიწყეს გადარეკა. მაშინ გაემწარიდი სასტიკად... ეხ, რა საჭიროა, ქალებო, ამისი აწერა?

სალომემ დარცხვენილად გაიცინა და დაჯდა.

— არა! არა! ახლაა საინტერესო!—მიიძახეს ქალებმა.—შენ შევარდი სახლში და გამოიტანე ხანჯალი...

— ჰო, შევევარდი სახლში, გამოვიტანე უშველებელი ხანჯალი და ვეცი წერეთლებს. მოგეცა ლხენა, დავუფეთე ანგელოზები. არამც თუ ეზო, მთელი სოფელი სულ წივილ-კივილით გადავატარე და კუდით ქვა ვასროლიე თავადებს...

ფაცია აღტაცებით უყურებდა ამ დედასავით ქალს. ის წიგნებში ეძებდა გმირ-ქალებს. აგერ კი ხედავდა ცხადლივ, დღისით-მზისით.

—ვერ გასჭრა ჩემმა ხანჯალმა!—ამოიოხრა სალომემ.—პოლიციამ გადაგვრეკა. ციხეში ჩავსვეს მთელი ოჯახი და მხოლოდ მაშინ გამოგვიშვეს, როცა ხელი ავიღეთ ოფლითა და ცრემლით დასველებულ სახლკარზე და მიწაზე...

მწარე მოგონებამ შავი აჩრდილივით გადაუარა კრებას. ფაცია ამ აღელვებით დაიწყა:

— ასეთი იყო და არის ეს წყეული და ბინძური წყობილება. მას შემდეგ რამდენმა წელმა განვლო, მაგრამ ბატონყმობა განა მოისპო სრულიად? ჭარბათაა მისი ნაშთები სოფლად. დროებითი ვალდებული გლეხები, გადასახადები, რომელთაც მხოლოდ გლეხი იხდის, სწავლის შეზღუდვა, ეს ყველაფერი ბატონყმობის ნაშთებია, ამის მოსასპობად კლასობრივი ბრძოლის შეტანაა საჭირო სოფელში.

ფაცია ამ ახსნა, რა არის კლასობრივი ბრძოლა.

— ჩვენ მოვითხოვთ დროებით ვალდებულო გლეხებს სრულიად განთავისუფლებას!

— ჩვენ მოვითხოვთ ყველა მიწების დაბრუნებას გლეხებისთვის.

— ჩვენ მოვითხოვთ დაუყოვნებლივ და სრულიად მოისპოს მიწის გამოსყიდვა. ხოლო ის მილიონები, რომელიც მემამულეებმა მიიღეს გლეხებისაგან, წაერთვას მემამულეებს და დაუბრუნდეს გლეხებს!

— ჩვენ მოვითხოვთ ისეთი წყობილების დაარსებას, სადაც ადამიანი წარმოშობის მიხედვით კი არ დაფასდება, არამედ თავისი პირადი ღირსებით!

— ჩვენ მოვითხოვთ ქალი აღიარებულ იქნას თანასწორუფლებიან ადამიანად. არც ჰყუით, არც გამჭირიანობით, არც მოხერხებით ქალი არ ჩამოუვარდება მამაკაცს. იქ, სადაც ქალს სწავლა დასშული არა აქვს, ქალი ისეთსავე სასარგებლო საქმეს აკეთებს, როგორც მამაკაცი...

ფაციამ კვლავ ისტორიას მიმართა და ქალის გმირობის მრავალი მაგალითი მოიტანა.

— ვის უნდა ქალის დამონაგება? ქმარს? მამას? ძმას? არა! მთავრობას. იმ მთავრობას, რომელმაც თვითონ მამაკაცი მონად აქცია. და ამ მონას ისღა დაუტოვა ნუგეშად, რომ მონად ქალი მისცა. ვინა ვართ ჩვენ? უფლებებო მონები. დროა გაეახილოთ თვალი. ამოვუდგეთ გვერდით ჩვენს ძმებს, მამებს, ქმრებს, შვილებს, და ვიბრძოლოთ ზუსტათა კლასთან, პროლეტარიატთან ერთად. ჩვენ მოვესწრებით ისეთ დროს, როცა ვაჭეველი ინჟინერი ქალი აგვიზენებს სკოლას, ვაჭეველი ექიმი ქალი გაგვისინჯავს მაჯას, ვაჭეველ აგრონომი ქალი გაგვიძღვება ყანაში...

— ეხ, ფაცია, მაგისი კი რა გითხრა? — ჩაიციინა ვილაკამ.

— უიმედო ხალხი სასაფლაოზეა, — უპასუხა ფაცია. — იმედრი და გამბედაობაა საჭირო. ბრძოლაა საჭირო... ვინ აბრძოლებს ხალხს? მეუმრავლესენი...

დიდხანს ესაუბრა ფაცია ვაჭეველ ქალებს მეუმრავლესეებზე. ბოლოს, ამოირჩიეს კომიტეტი, ათისთავები. ხელშეძევანულად ფაცია. თანაშემწეებად სალომე და პელაგია.

— ჩვენი უახლოესი ამოცანაა, — უთხრა ფაციამ კომიტეტს, — მომავალ კვირას ჩამოვიყვანოთ ქალები ჭიათურაში, ჭერებში, სრულ თორმეტ საათზე. ის ქალები, ვინც მეუმრავლესეებს ემხრო-

ბიან. ყველა სალომეს ხანჯალივით უნდა ვიყოთ საბრძოლველად მიმართული...

სალამოს, ვაქევიდან დაბრუნებული ფაცია ანგარიშს აბარებდა კობას. კობა კმაყოფილებით უსმენდა.

ზედიზედ მოდიოდნენ პროპაგანდისტები სოფლებიდან და მალაროებიდან და აბარებდნენ ანგარიშს.

კობა უსმენდა, ახალ განკარგულებებს აძლევდა.

ერთმა შემთხვევამ ბევრი აცინა ფაცია.

დაღონებული შემოვიდა მღვიმევეში მიმაგრებული ნიკო ბრეჯვაძე. თურმე წაუგია ბრძოლა მეუმცირესეებთან. „კლაკორები“ *) მოიყვანა საქარია გურულმა და ამიტომ წავეგო.

-- აი, შე გლახა! — შემოსძახა კობამ. — გასწი ახლავე და გამოასწორე შენი წამსდარი საქმე!

ნიკო შამინეუ იდგა. ფაციას და ამხანაგებს გადასედა. შემდეგ ხელი ჩაიქნია და ჩაილაპარაკა:

-- ეს, საქარია გურულა! მომცა შენი თავი აქ.

-- საქილაოდ? — ჰკითხა სტეპკომ. — არა, შენ იდეურად აჯობე მას! სირცხვილი არ იქნება, ჭერესზე რომ არ მოხვიდე?

ნიკო რომ გავიდა, კობამ უთხრა ამხანაგებს:

-- ხვალ მე თვითონ წავალ მღვიმევეში...

შედეგი

ჭერესი წარმოადგენდა მოედანს, რომელიც მთის ძირას გაშლილიყო. გირემომ გორაკები შემორკალოდა. ჟამთა ვითარებისაგან და უფრო იშვრული ზენაქარისაგან გადაღუნული ხეები აქა-იქ საპორიგებულყოფი გორაკებზე.

ნელი ქარი თამაშობდა მწვანესე და ღლის სიცხეს ანელებდა. ცა იყო მაღალი, ლურჯი, სუფთა. იდგა ზაფხულის სუნი და ჩიტების ევილ-სივილი.

მოედნის ერთ ბოლოს დიდი კაკლის ხე იდგა. მეორე მხარესე ტოტებდასრილი ტირიფი. სუსტი წყარო უბანდა ტირიფს ფესვეს და მიდიოდა დაბლა, დაღმართსე.

აქ იცოდა ხალხმა კვირა-უქმეებში თავის მოყრა, დასვენება,

*) „კლაკორი“ ფრანგული წარმოშობის სიტყვაა და ეწოდება დაქირავებულ ხალხს. რომლებიც შეკვეთით ტაშს უკრავენ თეატრში არტისტებს.

ბაასი. აქ დანიშნეს, ცხარე კამათის შემდეგ, მეუმცირესე-მეუმრავ-
ლესეებმა ძალების დემონსტრაცია. ორივე მხარეს ენდა გამოეყუ-
ნა თავისი მომხრეები აქ, ჭერეხზე, და გაშლილი ღროშებით გაე-
ლოთ ქალაქი.

ორივე მხარე დიდ სამზადისში იყო. მთელი თვე ემზადებოდნენ
ამ დღისათვის. კობამ აგიტაცია არ იკმარა და ყოველ სოფელს, ყო-
ველ მაღაროს ემისარები მიუჩინა. გარდა ამისა, დაავალა მეუმრავ-
ლესეებს: თითოს ორი-სამი თანამგრძნობი უნდა მოეყვანა. თანამ-
გრძნობს კიდევ ერთი-ორი კაცი თუ ქალი. მოსვლის მიზანი ყვე-
ლას უნდა სცოდნოდა წინასწარ. კობამ ცალკე გამოჰყო ათისთა-
ვები, ასისთავები, მეღროშეები. ორგანიზაციაში კაცი არ ღარსა,
რომელსაც დავალება არ მიეღო. დავალება უპატიო გლახებმაც
მიიღეს. ვინ ათისთავად, ვინ ოცისთავად, ვინ მოსიმღერედ. ქა-
ლებმაც და კაცებმაც თანაბრად.

ამ დროს მეუმცირესეთა კომიტეტში წივნებს ფურცლავდნენ,
ისტორიულ ანალოგიებს ეძებდნენ, ციტატებს იწერდნენ და ჭერე-
ხის მიტინგისათვის ეფექტიურ სიტყვებს ამზადებდნენ.

გათენდა კვირა და ჭერეხზე დენა იწყო ხალხმა. მოედნის ერთ
მხარეზე, კაკლის ხესთან, მეუმრავლესენი დადგნენ. მოედნის მეო-
რე მხარეზე, ტირიფთან, მეუმცირესენი.

თერთმეტ საათზე ერთმანეთის რიგები რომ შეათვალიერეს,
კონტრასტული სურათი გადაიშალა.

ტირიფის ხესთან მეუმცირესეთა ლიდერების გარშემო კარგა
ბლომად შეკრებილიყო ხალხი. ორასამდე კაცი იქნებოდა, და კი-
დევ ემატებოდა ცოტა-ცოტა.

კაკლის ხესთან, მეუმრავლესეთა გარშემო, მცირე ჯგუფი იდ-
გა. ასე, ოციოდე კაცი...

-- ოხო... ოხო... — ისმოდა მეუმცირესეთა მხრიდან. — რამდე-
ნი ხალხი ყოლიათ! მოედანზე ვერ ეტყვიან მეუმრავლესეთა მომ-
ხრეები.

— კაცო! გაიწიეთ! ადგილი არ ჰყოფნით მეუმრავლესეებს! —
ოხუნჯობდა ზაქარია გურული. — ეხ, ის გორაკი რომ არ იყოს,
დაეტოვდნენ.

კობა დამშვიდებული იდგა კაკლის ქვეშ. სდუმდნენ ფაცია და
სტეპკოც.

თორმეტი საათი დაიწყო და მეუმრავლესეთა მხარეზე ერთი
წითელი ღროშა გამოჩნდა. ხუთიოდე კაცი მოვიდა და კაკლის ქვეშ
დადგა.

— ხა... ხა... ხა...—გაისმა მეუმცირესეთა მხარეზე კომერციული ხარხარი. — ჯარი მოვიდა, ჯარი!

— ჩაფლავდნენ! ჩაფლავდნენ. — გაკვირდნენ მეუმცირესეთა მხარეზე პარიზელი № 1 და პარიზელი № 2. — დაჰყარეთ, ბიძო, იარაღი! ვერა ხედავთ, რა გემართებათ?

— ვინ ჩამოუვა მაგათ? სადა ჰყავთ მიმდევრები?

ზაქარია გურულმა ხელი ასწია და გასძახა თავისიანებს:

— ამხანაგებო! აი, მეუმრავლესეთა ძალები! აი, მათი ვიწრო კარების შედეგი! აი, მათი რევოლუციურობა! ესენი ეპოტინებიან რევოლუციას? პროლეტარიატს? სადაა მათი ძალა?

კობამ საათს დახედა: თორმეტის ნახევარი იყო. თითქოს გაკვირვებული სახით გადახედა მეუმცირესეთა რიგებს და კაკლის ძირას ჩამოჯდა.

— ჩავიდეთ ქალაქში! — გაისმა მეუმცირესეთა რიგებში.

— არა, ამხანაგებო!—ხმამალა და დამცინავი ტონით მიმართა ზაქარია გურულმა თავის ჯგუფს. — გზა დავეთმოთ მეუმრავლესეებს. უმრავლესობა ხომ მაგათია?

— ხა... ხა... ხა... — მოისმა ხარხარი.

— ეხ, მოგვეყვანა ფოტოგრაფი! რა ისტორიული სურათის გადაღება შეიძლებოდა? — წამოიძახა პარიზელმა № 1.

დრო მიდიოდა. მზე სულ მალლა-მალლა ადიოდა. მთის კალთებზე სიტყე ჩამოწვა. ქარი ჩამორბოდა მთის თხემიდან, ოღნავ არხევდა კაკლის ტოტებს და თავისუფლად თამაშობდა მეუმრავლესეთა მხარეზე. მეუმცირესეების რიგებში სულ უფრო და უფრო მატულობდა მოუთმენლობა. მათ აჯავრებდა კობას და მისი მცირე ჯგუფის საოცარი სიმშვიდე. რაც უფრო უახლოვდებოდა ისარი დათქმულ დროს, მით უფრო და უფრო ჰკარგავდნენ სიმშვიდეს მეუმცირესეთა ლიდერები. მათ იგრძნეს, რომ კობას სიმშვიდეს რაღაც აზრი აქვს. შიშმა წელწელა გაახილა თვალები. ზაქარია გურული უკვე ნერვულად უყურებდა საათის ისარს. ზაქარიამ და ლიდერებმა თვალი მოჰკრეს: კობამ საათი ამოიღო და დააჩერდა.

—ჰმ! რას უყურებს საათს?—არც თუ თავისიანების დასაწყნარებლად, არც თუ საკუთარი იქვების გასაქარწყლებლად წამოიძახა ზაქარიამ. — ხუთი უკლია... ამ მთებს ხომ არ დასძრავს ეს კაცო და არ ჩაიყვანს ქალაქში? მიწიდან ხომ არ ამოიყვანს ეს კაცო ხალხს? წავიდეთ!..

ლიდერები ჩამწყვირდნენ. ორასი კაცი დაეწყო. ცალი თვალით ყველანი კობასკენ იუღრებოდნენ.

კობა ადგა. მეუმრავლესენი გვერდით ამოუდგნენ. ყველა კობას ზყურებდა. უცებ კობამ ქუდი მოიხაღა, გრუზა თმები დაარხია და მთებს შესვდა. ოდნავ დამცინავი ღიმილი უკრთოდა ტუჩებზე და თვალის გარშემო.

უცებ თითქოს დაიძრაო მთები, თითქოს მიწიდან ამოსეთქაო ზღვა ხალხმა...

უამრავი დროშა ამოფრიალდა გორაკებზე, და ზღვა ხალხი სიმღერით, ყიყინით გადმოღვა თხემზე.

— გაუმარჯოს რევოლუციას! გაუმარჯოს მეუმრავლესეებს! — ყიყინა დასცა ხალხმა. — ძირს მეფე! ძირს კაპიტალიზმი!

და წამოვიდა ხალხი, როგორც შეგუბებული რისხვა, როგორც ჯაჭვანყვანილი აშირანი დაახანსარებს მიწას.

მალარო მალაროს მოჰყვება. სოფელი სოფელს. სამხედრო რაზმები ცალკე დროშებით, ცალკე მეთაურებით.

აი წინსოფელი. დროშები. რაზმები. მარსელიოზა.

აი პერევისა. ჭგუფები ათ-ათად. სამხედრო წყობილებით. „ვარშავიანკას“ სიმღერით.

აი შუქრუთი. ყიყინა. ვაშა, ყვავილები.

აი მღვიმევი. მკერდზე წითელი ზანტები. ქალები სიცილით.

აი რგანი. ვაჟკაცურად მოდიან საომარი სიმღერით.

აი ზედა რგანი. იარაღზე დროშები. დროშებზე ყვავილები.

მთის კალთა რომ ჩამოვლეს და ქერებსზე ფენი შემოდგეს, ხალხმა იარაღი ააეღარუნა, დროშები დაარხია, დასცა ყიყინა:

— ვაშა ჩვენს პარტიას, ვაშა ჩვენს კობას!..

მოდის ეს ზღვა ხალხი, მოდის, ვულკანის ღვეღფივით, ბოლო კი არ უჩანს. ბოლო ისევ მთის თხემზეა.

კობა მალლობზე ავიდა. ისეთმა ტაშმა იგრიალა, რომ ხეებიდან, ბუჩქებიდან, ბაღებიდან აფრენილი ჩიტები დიდხანს ვერ ბედავდნენ დაბლა ჩამოსვლას. დიდხანს იყვნენ ცოცხალ ქოლგასავით გაშლილნი ჰაერში.

— დღევანდელი დემონსტრაცია, — გამოაცხადა კობამ, — არის რუსეთის სოციალ-დემოკრატიული მუშათა პარტიის ჭიათურის ორგანიზაციის მეუმრავლესეთა ძალთა დათვალეობა... ხალხი, ეს ჩვენა ვართ ხალხი! პარტია ჩვენი დედაა, ხალხი ჩვენი ოჯახი, მეუმრავლესენი შვილები ხალხისა... ხალხი ბრძენია, იცის რა გზით წავიდეს, რა გააკეთოს... ხოლო როგორ გააკეთოს, ამას ჩვენ ვაჩვენებთ, მეუმრავლესენი!...

თავზარდაცემულნი იდგნენ ტირიფის ქვეშ მეუმცირესენი. არც

ერთი სიტყვა. არც ერთი შეძახილი. უყურებდნენ ერთმანეთს ზღონო ბრახით სავსენი. თან წასვლისა რცხვენოდათ, თან დარჩენისა. ლიდერები სკმუქნიდნენ გამზადებულ სიტყვის გეგმებს.

— აბა ახლა მოიყვანეთ ფოტოგრაფი და გადაიღეთ სურათი! — შესძახა კობასთან მდგარმა ტარიელმა...

ხალხი დაიძრა ქალაქისკენ დროშების რხევით, სიმღერის გუგუნით და იარაღის ელარუნით. გარს შემოქრილ მთების კალთებზე გადარბოდა ამ გუგუნისა და ელარუნის ექო და შორს მიჰქონდა საოცარი, უნახავი ამბავი...

ხალხი დიდხანს მიდიოდა მწყობრად, რიხით, რისხვით...

წინ მიუძლოდა კობა...

ჩვენ და ტირილი?

დილიდანვე ხმა გავარდა ქიათურაში: დღეს, შაბათს, კონცერტი არ შესდგებაო. ლოძის ტრაგედიის დღე იყო. წუხელი თურმე შუალამემდე იღავეს მეუმრავლესეებმა და მეუმცირესეებმა. გაიმართოს თუ არა კონცერტიო. მეუმცირესენი ამტკიცებდნენ — გლოვის კვირა გამოვაცხადოთ და ლოძის ტრაგედიას ამით გამოვეხშაუროთო. მეუმრავლესენი ამტკიცებდნენ: არავითარი გლოვა არაა საჭირო, ვაჩვენოთ მტრებს, რომ მებრძოლნი არ მგლოვიარებენო. მოვაწყოთო კონცერტი.

— აქაც ვერ შეთანხმდნენ... აქაც ვერ მორიგდნენ... კონცერტი რაა, რომ კონცერტზეც ვერ მიდიან ერთად. აქაც გაითიშნენ. მეუმცირესეებმა შაბათი გლოვის დღედ გამოაცხადეს და სალამო მოშალეს. მეუმრავლესეებმა სწორედ შაბათს დანიშნეს კონცერტი და აფიშებიც გამოაყრეს...

სალამოს სათეატრო დარბაზის წინ უმრავ ხალხს მოეყარა თავი. მოლარეს ემუქრებოდნენ, უყვიროდნენ:

— ასე არ შეიძლება, ძმაო! გაჰყიდეთ ბილეთი! ხალხი მოვიდა და უკან აბრუნებთ?

— ყველა ბილეთი გაყიდულია. სულ დაიტაცეს. არც ქანდარაა. რა ვქნათ, მოქალაქე! ერთ სკამზე ორ კაცს ხომ ვერ შევუშვებთ? — ისმოდა საბილეთო სალაროდან.

ხალხი მაინც არ იშლებოდა. უბილეთოდ დარჩენილებმა პოლიტიკაზე გააბეს საუბარი.

— ენევაში გამოსულა ლენინის გაზეთი „პროლეტარი“.

— ცესიმაში დაიღუპა არა მარტო რუსეთის ფლოტი. არამედ თვითმპყრობელობა. დამიჯერე მე შენ...

— შავი ზღვის ფლოტი აჯანყებულა. ჯაგუნოსან „პოტიომკინს“ წითელი დროშა აუწევია. რევოლუცია უკვე დაწყებულია.

— ასეთ დროს სოციალისტების გათიშვა პირდაპირ დაუშვებელია. რაშია საქმე, რომ ვერ მორიგდნენ?

— რაშია და ისინი უკვე აღარ წარმოადგენენ ერთ პარტიას. დაიწყეს უბრალო საკითხებიდან, გადავიდნენ დიდ საკითხებზე.

საუბარში შლაპიანი კაცი ჩაერია:

— ესე იგი თქვენ გინდათ სთქვათ, რომ ტაქტიკური უთასხმოება პრინციპულ საკითხებზე გადავიდა, ხომ? ასეც იყო. როგორც ყველა ჩხუბი, ესეც უმნიშვნელო რამიდან დაიწყო.

— ჩვენი განხეთქილება უმნიშვნელო რამიდან არ დაწყებულა, — შეაწყვეტინა ტარიელმა შლაპიანს. — ის საკითხი, ე. ო. წესდების პირველი მუხლი, პარტიის ცხოვრების ქვაკუთხედი, მოქალაქე შლაპიანი!

შლაპიანმა ირიბად შეხედა ტარიელს. არ იკადრა მასთან კამათი და ჭგუფში განაგრძო:

— ასე წარმოიდგინეთ, ახლა ფსიქოლოგიურადაც გათიშულნი არიან. რაც ერთს მოსწონს, მეორეს ეჯავრება. რაც მეორეს აღმახსუნლად მიაჩნია, პირველი მას დაბლა ფარცხავს.

— მერე და რატომ არიან ერთ პარტიაში?

— არიან სიტყვით. საქმით კი, არ ხედავდით, ქერებსზე რა მოხდა? მას შემდეგ სულ თხა და მგელივით არიან. ერთ კონცერტზეც კი ვერ მოვიდნენ ერთად.

— ჯერ ერთი ეს მითხარით, ბატონო, რა მოხდაო. სად დახვრიტესო ხალხი?

— ლოძში.

— სადაა ის ლოძი, ბატონო? რა ქალაქია?

ტარიელმა შლაპიანს სიტყვა წაართვა და თვითონ აუხსნა:

— გრანიცასთანაა. ძაფებს. აკეთებენ იმ ქალაქში. ვარშავაში რომ დემონსტრაცია დახვრიტეს, გეცოდინებათ. ამ დახვრეტას ყველგან გამოეხმაურა ხალხი. გამოეხმაურნენ ლოძის მუშებაც. ააგეს ქუჩაში ბარიკადები და სამი დღე-ღამე ებრძოდნენ მეფის ჯარებს. ბევრი მუშა დახოცეს. აი იმ დახოცილებისა გამო მეუბნებიან და გლოვა გამოაცხადეს.

— ნიშნად პატივისცემისა, — განმარტა შლაპიანმა.

— ძალიანაც მიქარავენ. — შეეკამათა ტარიელი. — ხალხი

საბრძოლველად გამოსულა, და რამდენი შეტაკება მოხდება, იმდენი გლოვა თუ გამოვაცხადეთ, კარგად წავა ჩვენი საქმე. სამგლოვიარო ორგანიზაცია კი არა ვართ, მებრძოლი პარტია ვართ.

შლაპიანი გაბრაზდა:

— ამას უყურებთ, მოქალაქენო ამისი აზრით დაღუპულ ამხანაგებს პატივი არ უნდა ვსცეთ? ამისი აზრით ჰირისუფლობისა და მწრუნეველობის გრძნობა არ უნდა გამოვიჩინოთ?

ეტყობოდა, ხალხში ზოგს მოეწონა შლაპიანის აზრი. შლაპიანს შემოეხვივნენ. ტარიელი კიბის საფეხურებზე შედგა და ხალხს მიმართა:

— მოქალაქენო, აბა თვითონ დაფიქრდით. იბრძვის ჯარი. ბრძოლის დროს ორივე მხარეზე იქნება მოკლულ-დაჭრილი. ასე არაა? ახლა წარმოიდგინეთ, რა იქნებოდა, რომ ერთმა მხარემ ბრძოლა შეწყვიტოს, გლოვა გამოაცხადოს და გულზე ხელები დაიკრიფოს? გაიმარჯვებს თუ არა ასეთი ჯარი?

— მართალს ამბობს ეს კაცი! — გაისმა ლიანგში. ეტყობოდა, ტარიელის სიტყვა ჰკუთხდა დაუჭდათ, და შლაპიანის გარშემო შეკრებილი ჯგუფი ახლა მალაროელის გვერდით შეიკრიბა.

— ეს დახოცილები ჩვენი ძმებია! — მიამახა შლაპიანმა. — საქირთა სოლიდარობის გრძნობის დემონსტრაცია. პარტიისცემა.

ტარიელმა მაშინვე უპასუხა ირონიულად:

— პატივისცემა: ვთქვით, მე და ჩემი ამხანაგი ვებრძვით მტერს. მტერმა მომიკლა ამხანაგი. რა უნდა ვქნა მე თქვენის აზრით? დავიჩოქო ცხედართან და მოვერთო ტირილი? ხომ მხეთქა თავში მტერმა და გაამაცხებინა სული? არა! მე კი არ უნდა დავიჩოქო მოკლულის გვერდით, უნდა მეტის სითამამით განვაგრძო ბრძოლა და თვითონ მტერი წამოვაჩოქო. ასე ვფიქრობ მე ჩემი უშლაპო თავით.

— მართალია! მართალი! — გაისმა ხალხში.

— შენ გგონია, მაგი კაცი მალაროელია? გადაცმული ინტელიგენტია. თურმე მეუმრავლესეებს დიდი ნასწავლი ხალხი ყავთ. ასე უბრალოდ ჩაცმული დადიან მათი პროპაგანდისტები ხალხში. აბა! მიშა დავითაშვილი არ გაგიგონია?

— როგორ არა! დიდი განათლებული კაციაო.

— ისიც ასე დადის. გლეხი გგონება. ესეც გადაცმულია, თორემ სამსონ ფირცხალავას შენ აჯობებ? ლიდერი კაცია.

— რომელია სამსონ ფირცხალავა? ეს შლაპიანი?

— ჰო. ფედერალისტების ლიდერია. რეფერატები უნდა წაიკითხოს ჭიათურაში. სოციალ-დემოკრატებს უნდა შეეკამათოს.

— აბა იქნება ჯახი-ჯუხი...

დარბაზში ზარის ხმა გაისმა და ჩოჩოლი შესწყდა. ტარიელი და სამსონი ფანჯარასთან მოხვდნენ. მათ ახლა ერთი ინტერესი ჰქონდათ (ორივე უბილეთოს კონცერტი უნდა მოესმინა) და მიიწმომიწიეს, ერთმანეთს ადგილი მისცეს.

ფარდა აიწია. დარბაზში რბილი ლამაზი ხმა გაისმა: ხმა მოუწოდებდა—ბრძოლაში დაღუპული ამხანაგებისთვის პატივი ეცათ.

— სტეპკო ისწკირველია,—ჩაილაპარაკა ტარიელმა.

— ჯულაშვილი თუ არის აქ? — შეეკითხა სამსონი ტარიელს.

— არ ვიცი, — უპასუხა ტარიელმა და ახედ-დახედა სამსონს.

„თქვენ მსხვერპლად დაეცით ბრძოლისა ველზე...“

გაისმა დარბაზში და მოელი დარბაზი ფესზე ადგა.

მოედანზე შეკრებილმა ხალხმა ქედი მოიხადა. ვილაცამ აიტაცა დარბაზის ხმა და გარეთაც გალობა დაიწყო.

თითქოს კედელი არც კი ყოფილიყო მათ შორის, ისე გალობდნენ დარბაზი და მოედანი...

გალობა გათავდა. ყვავილებიანი ქალიშვილები და ვაჟები გამოჩნდნენ მოედანზე.

— გზა მიეცით, გზა! — გაისმა ხალხში. — უკაცრავად, ბილები არა გაქვთ? აბა, ნურას უკაცრავად, იდექით მანდ!

დაიწყო კონცერტი. ჩუმად, სულგანაბული უსმენდა მოედანი...

პირველი განყოფილება რომ გათავდა, ფარდა ჩამოუშვეს და უცბად დარბაზში თეთრი ჩიტებივით აფრიალდნენ პროკლამაციები.

ვილაცას ხელი ფანჯარაშიაც გადასწვდა და პროკლამაციები გადმოფანტა.

— რა ჯობია ამის შრიალს! — შესძახა ტარიელმა, აიტაცა ერთი პროკლამაცია, მაგრამ ბინდში ვერა წაიკითხა რა.

ზოგმა ასანთს მოუკიდა, პროკლამაციასთან მიიტანა, მაგრამ ხალხის ხშირმა სუნთქვამ ასანთი ჩააქრო.

დარბაზიდან პროკლამაციის შრიალი ისმოდა. უამრავი ხელა ამართულიყო ჰაერში და იჭერდა პროკლამაციას.

მოულოდნელად აიხადა ფარდა და სცენაზე მსახიობი გამოჩნდა. ბრგე, ახოვანი, ლამაზი შეხედულების. სცენაზე შუქი გააძლიერეს. მაგრამ დარბაზში სინათლევ რომ ჩაექროთ, ნათელი მაინც იქნებოდა: იმდენი იყო ანთებული თვალები.

მსახიობმა თვალი მოავლო დარბაზს. წინარიგში ისხდნენ პროკლამაციის ავტორი, ფაცია გალდავა, სტეპკო ინწკირველი. ელუზნი, მართა, მეუმრავლესეთა კომიტეტი...

— სუფთა დარბაზია, — გაიფიქრა მსახიობმა. — არც ერთი მეუმცირესე...

პროკლამაცია ასწია. მშვენიერი ტემპრით გამოაცხადა:

— კიათურის მუშათა სოციალ-დემოკრატიული ორგანიზაციის იმერეთ-სამეგრელოს კომიტეტის პროკლამაცია. 1905 წ. 25 ივნისი.

— ვინ ჰკითხულობს? — ჰკითხა ფირცხალავამ ტარიელს.

— მუშა მსახიობი გოგია, — უპასუხა ტარიელმა და ამაყად დაუმატა: — მეუმრავლესეა.

მსახიობმა პათეტიურად დაიწყო:

„ჩვენ და ტირილი?!

„დღეს, როცა ყველგან ბრძოლის ხმა ისმის, როცა ქვეყანა წამოიშალა, საიერიშოთ ამხედრებული მტერს შემოერთყა და შეარყია;

„დღეს, როცა ხალხი იარაღს ისხამს და აჯანყების ტალღებს ეძლევა;

„როდესაც ტახტი ბინძურ მეფისა სამარისაკენ მიექანება, — გვეუბნებიან:

„ნუ იციანითო, ცრემლი დაღვარეთ და იგლოვეთო!“.

„ჩვენ და ტირილი?!

„განა მებრძოლნი მგლოვიარებენ? განა სტირიან გამარჯვებულნი? რისთვის ვიტროთ? ძირს რომ ეცემა თვითმპყრობელობა, იგი ვიტროთ? იგი ვიგლოვოთ? განა მტერს თქვენში მგლოვიარებენ?

— „სისხლი იღვრება მოძმეებისა, და მათთვის უნდა ვღვაროთო ცრემლი...“

„საცოდავები! მათ არ იციან, რომ ბრძოლა ჩვენი აღმზრდელი არის. რომ ბრძოლას მუდამ მოჰყვება სისხლი, რომ მხოლოდ ხალხის უმანკო სისხლით შენდება ზღუდე თავისუფლების! მათ ავიწყდებათ, რომ სისხლის წვეთებს თან მოსდევს ტახტი გამარჯვებისა!

„ბრმები! ვერ ხედავენ ხალხისა სისხლში ბრწყინვალე სახეს თავისუფლების! მათ ეშინიათ მამაცთა ბრძოლის! მათ ეშინიათ გამარჯვებისა!...“

დარბაზი წამოიშალა. ყველანი მისვდნენ, ვინ იყვნენ „ბრმები“..

— არა! არ გვინდა ცრემლი! ცრემლი ლაჩრების საქმეა! — შეკვალადა დარბაზმა.

— არ გვინდა ცრემლი! — შესძახა ფანჯარასთან ტარიელმა და მოედანმაც გაიმეორა:

— არ გვინდა ცრემლი... ძირს ლაჩრები!..

მსახიობმა ჩაიცინა. საოცარი ის იყო, რომ პროკლამაციას თითქმის ამ სიტყვებით გრძელდებოდა. თითქოს პროკლამაციის ავტორი წინასწარ ჩასულა ხალხის გულში და იქიდან ამოეღო ეს სიტყვები...

„არა! არ შეგვეფერის ცრემლები ვლვართ! — განაგრძო მსახიობმა. — ეგ მხოლოდ ლაჩრებს შეეფერება. ჩვენ გამარჯვებულთ ყოფინა მოგვწონს. კისკისი გვინდა, — გესმით კისკისი!

„მაშ, დეე სუეკოს ჩვენმა სიმღერაში გაისმას ქვეყნად ჩვენი სიცილი, — სიმხიარულე! აი რა გვინდა. კისკისი, ტაში, აა რა გესურს ჩვენ. როდესაც მტერი ცრემლად იღვრება, ქვითანებს, კვნესის და იკლაკნება, ჩვენი ვალია ტაში ტაშს დაეკრათ, ჩვენი ვალია ვიმხიარულოთ. გამარჯვებულნი არა სტირიან. მამაცნი ცრემლებს არ გადმოღვრიან!

„თქვენ კი, ბატონო ჩვილგრძნობიანო, იტირეთ, ღვარეთ ცრემლი ცრემლზედა! ლაჩრებს ტირილი უფრო შეეფერით! თქვენ ვერა ხედავთ მტრის დამარცხებას! თქვენ თავბრუს გასხამთ ბრძოლისა სისხლი! თქვენ დარდებს გიძრავთ მეღვაჯი ბრძოლა! თქვენ გეშინიანთ გამარჯვებისა!

„მაშ, იტირეთ და ქალაჩუნებო! ჩვენ გესურს ვიცინოთ თქვენს ტირილზედა!...“

დიღხანს იღვა ტაშის გრიალი. დარბაზი მიხვდა, ვინ იყო პროკლამაციის ავტორი. დარბაზიდან და მოედნიდან უამრავი ყვეელი წამოვიდა წინა რიგისაკენ, იმ კაცისაკენ, ვინც შეკონა ეს მ. რგალიტის მკივი და ხალხს აჩვენა მისივე გული...

ეს კაცი კობა იყო.

— ჩვენ და ტირილი? — ისევე წამოიძახა ტარიელმა და მუზობლისაკენ მოიხედა. ის გაპარულიყო.

— ჩვენ და ტირილი? — ამბობდნენ დარბაზში, მოედანზე.

და დიღხანს ივეორებდნენ შემდეგ ქიათურაში:

— ჩვენ და ტირილი?

მღევის ზღაპარი

ჭიათურაში, ისე როგორც ყველგან საქართველოში, სოციალ-დემოკრატიული პარტიის გარდა სხვა პარტიებიც მოქმედებდნენ: სოციალისტ-ფედერალისტთა სარევოლუციო პარტია, სოციალისტ-რევოლუციონერთა პარტია, ანარქისტების პარტია. ამათ წუშაბში მიმდევრები არ ჰყავდათ. უფრო ბურჟუაზიულ-ლიბერალურ ინტელიგენციაში ჰქონდათ ფეხი მოკიდებული. 1905 წელს ეს პარტიები მართავდნენ კრებებს, მიტინგებს, ებრძოდნენ ეროვნულ და ყველანი ერთად ებრძოდნენ სოციალ-დემოკრატებს, განსაკუთრებით მის რევოლუციურ ფრთას, მეუმრავლესებებს. პარტიების ლიდერები დადიოდნენ ქალაქებში, დაბებში, სოფლებში, აწყობდნენ კრებებს, და თუ მათ კრებაზე არავინ მიდიოდა, გამოდიოდნენ სხვა პარტიების კრებაზე.

კრებები და მიტინგები კი ყოველ ფეხის ნაბიჯზე იმართებოდა. მაშის მთელი საქართველო მიტინგების ასპარეზად იყო გადაქცეული. შინ თუ გარეთ, ყანაში თუ ქარხანაში, თეატრში თუ მატარებელში, ყველგან პოლიტიკური კამათი და დავა იყო.

ორი კაცი რა არის, ორი კაცი რომ მიდიოდა ქუჩაში, გაცხარებული კამათი ჰქონდათ.

ყველგან, ყოველ ფეხის ნაბიჯზე ისმოდა:

— მარქსი, სოციალიზმი, პროლეტარიატი, დემოკრატია, დიქტატურა, რევოლუცია, დამფუძნებელი კრება, პარტია, მეუმრავლესენი, მეუმცირესენი.

1905 წლის ივლისის შუა რიცხვებში ყველა პარტიის ლიდერები ჩამოვიდნენ ჭიათურაში. ხმა გავარდა: პარტიების დიდი ჯახი იქნებაო. ყოველი პარტია თავისი პროგრამით გამოვა ხალხის წინაშეო.

დაფაცურდნენ პარტიის ადგილობრივი ორგანიზაციები. დარაზმეს ძალები. დანიშნეს ადგილი სახალხო მიტინგისათვის. კვირას, ივლისის მიწურულს, საავადმყოფოს გვერდით, წყალსადენის აუზთან ფართო მოედანზე უამრავი ხალხი შეიკრიბა. ხალხი მოედანზე ვერ დაეტია და ბევრნი შეღმართებზე ჩამოსხდნენ. აქ უმთავრესად მალარობის მუშები იყვნენ. მაგრამ არ დარჩენილა არც ერთი ინტელიგენტი, არც ერთი ცოტად თუ ბევრად პოლიტიკით დაინტერესებული ჭიათურელი, ქალი თუ კაცი, რომ არ მოსულიყო აქ. ჯერ ერთი, ის იყო საინტერესო, რომ ცნობილ და სახე-

ლოვან ორატორებს მოუსმენდნენ. მერე ის იყო საინტერესო, რომ ეს მიტინგი ფაქტიურად მეუმრავლესეთა წინააღმდეგ იყო მიმართული. ჭერების შემდეგ ეს იყო პარტიების გენერალურა ბრძოლა მეუმრავლესეთა წინააღმდეგ.

მეუმრავლესენიც მომზადებულნი იყვნენ. არც ერთ პარტიას არ ჰქონდა ის, რაც ჰქონდათ მეუმრავლესეთ: საოცარი დარაზმულობა და პროკლამაცია.

სუფთად, კონტად ჩაცმული ხალხი რომ მოედანზე დამწკრივდა, პროკლამაციებიც ააფრინეს. პეტრე, გიორგი, ტარიელი, ახლა ამკარად არიგებდნენ პროკლამაციებს. კახა ერთ ჭგუფში ჩამდგარიყო და უკითხავდა პროკლამაციას:

„... მაგრამ განა ყველა სოციალისტია, ვინც იძახის სოციალისტი ვარო? განა ყველა რევოლუციონერია, ვინც ყვარის რევოლუციონერი ვარო?.. მათი რევოლუციონიზმი არ არის სოციალისტური. მათი სოციალიზმი არ არის რევოლუციურა. ისინი არიან წვრილ-ბურჟუაზიული პარტიები. ხოლო წვრილი ბურჟუაზია კიდევ ებრძვის გაბატონებულ წყობილებას, და კიდევ იცავს. ებრძვის იმდენად, რამდენადაც პოლიტიკური მონობა ხელს უშლის და ბორკავს მას, რამდენადაც ძლიერამოსილი კაპიტალიზმის განვითარება ანადგურებს და აპროლეტარებს მას. იცავს იმდენად, რამდენად ეკონომიური ცხოვრების შეუჩერებელი წინსვლა მიმართულია მის წინააღმდეგ. ასეთ ორქოფ მდგომარეობაშია წვრილი ბურჟუაზია. მასში შეერთებულია რევოლუციური და რეაქციული ტალღები და ლტოლვილება“...

მეორე ჭგუფში ფაცია გალდავა უკითხავდა მსმენელებს იმავე პროკლამაციას:

„... სოციალისტ-რევოლუციონერები და სოციალისტ-ფედერალისტები გვიკვიენებენ: თქვენ ხალხის გალატაკების მოსურნენი ხართ, თქვენ ხალხს ალატაკებთო. წვრილი ბურჟუაზიის ბაირალტარნი, გათიშვის მოციქულნი, პროლეტარიატს ცნობიერების დამბნელებილნი, „ღირსეული სოციალისტები“ აბა რაეზს ბოდავენ! როგორ ვერ გაიგეს ამდენ ხანს, რომ სოციალ-დემოკრატია კი არ ალატაკებს ხალხს (ეს მას არ შეუძლია), არამედ ცნობიერებს გალატაკებს, პროლეტარიზაციის პროცესს, რომელიც ჩვენდა დაუკითხავად წარმოებს სინამდვილეში, კი არ სურს გაალატაკოს ხალხი, არამედ არკვევს და აშუქებს კლასთა წინააღმდეგობას, უთითებს, თუ რანაირად ვითარდება ცხოვრება, რანაირადაა აწყობილი დღევანდელი ურთიერთობა და რა გზით და რა საშუა-

ლებით შეეძლება მუშა ხალხს, გალატაკებულს და გაყვლედილ უმრავლესობას თავი დააღწიოს პოლიტიკურ და ეკონომიურ მონობას“...

პეტრემ, ტარიელმა და გიორგიმ პროკლამაციების დარიგება გაათავეს და ჩონჩოლიც ატყდა:

— მოვიდნენ... მოვიდნენ ლიდერები...

— რომელია მიხაკო წერეთელი? რომელი?

— რომელია კომანდო გოგელია?

— აი ის, ლამაზი კაცი, ცხვირკეხიანი, მიხაკო წერეთელია.

— „ერი და კაცობრიობა“ რომ დასწერა?

— თურმე პირადი მეგობარია კროპოტკინისა. ფილოსოფოსია.

— ეგერ სამსონ ფირცხალავა. აი ის, შლაპიანი, შავწვერიანი.

— „სიტყვას“ რომ აწერს წერილებს? კარგად კი წერს, ძმაო. ენაწყლიანია.

— წყალი ბეურია აქვს, მართალია! — ჩაუროთო ეელეზნიმ და ხალხს გააცინა.

— ლასხიშვილი რომელია, ფედერალისტების პარტიის თავმჯდომარე?

— გობეჩია? ეს ჯმუხი კაცი? რომელი პარტიის? ესერებისა? კაცო, ეგ წმინდა წყლის რუსული პარტია... საქართველოშიც არიან? არ იცი? აბა წიათურაში რომ არაა ესერები, ხელს მოგიწერ.

— მეუმცირესებიდან გრიგოლ ლორთქიფანიძე იქნებაო ორატორად. მაგას ვიცნობთ.

— ზაქარია გურული რომ დამდგარა ლიდერებთან, ისიც ლიდერია ვითომ? — იკითხა გიორგიმ.

— კუმ ფენი გამოჰყო და მეც ნახირ-ნახირო, — ჩაუროთო ტარიელმა.

— მეუმრავლესებიდან ვინ იქნება?

— კობა ჭულაშვილი. აი, ეგერ რომ დგას. ბლოკნოტი უჭირავს ხელში.

— თურმე ღიღი მომზადებულია. პირადად ლენინთან აქვსო მიმოწერა.

— რას ამბობ?

— ნამდვილს გეუბნები. თურმე მუშებმა თხოვეს: ყველა ლიდერებს ვიცნობთ პირადად, გარდა ლენინისაო. ლენინი არ გვინახავს და მისწერე სურათი გამოგვიგზავნოსო. ლენინმა შემოუთვალა კობას: გადაეცი მუშებს ჩემი სალამი და უთხარი:

„წარმოიდგინეთ რუსი მუშა და ესეთი იქნება ლენინი!“

— მიტინგს გახსნილად ვაცხადებ, -- გამოაცხადა ვილაკამ.

— ვინაა თავმჯდომარე? — ჰკითხა ტარიელმა პეტრეს.

-- სამსონა კილაძე.

-- რა კაცია? ვინაა?

-- ყველასათვის მისაღები, -- გაიცინა პეტრემ...

--- სიტყვა ეწლევა ანარქისტების პარტიის ლიდერსა და წარმომადგენელს, ამხ. მიხაკო წერეთელს, -- გაისმა მოედანზე.

ხალხი გაინაბა. ორატორის განთქმულმა სახელმა თავიდანვე მიიზიდა ხალხს ყურადღება. უსმენდა ხალხი ორატორს. საოცარი ის იყო, რომ უსმენდა წყნარად, აუღელვებლად, ისე, როგორც უსმენენ ხოლმე საეკლესიო გალობას.

--- ანარქიზმის ჭეკუტხედია პიროვნება, -- განაცხადა წერეთელმა. -- პარმონიულად განვითარებული და დასრულებული პიროვნება... კაცობრიობის განთავისუფლება შეუძლებელია მანამ, სანამ პიროვნება შებოროტილია... პიროვნებას ანარქია გაათავისუფლებს... ანარქია არის ბრძოლა ყოველგვარ ხელისუფლებასთან... არავითარი ხელისუფლება, როგორც უნდა იყოს ის: მონარქიული, ბურჟუაზიული, თუ სოციალისტური. ყოველგვარი ძალაუფლება ძალმომრეობაა... ჩვენ უნდა დავანგრეოთ მონარქიული სახელმწიფოს აპარატი, მაგრამ არ გვინდა არავითარი სხვა წესწყობილება, ძალაუფლება... უაპარატო, უხელისუფლებო საზოგადოება — აი ჩვენი მიზანი...

ლასხიშვილმა ილაპარაკა და ფირცხალაუამ გაიმეორა:

— საქართველოსათვის საჭიროა ვაჭრობა-მრეწველობის განვითარება, ხალხის ინტერესები მოითხოვს არა პროლეტარიზაციას, არამედ სიმდიდრის შექმნას, დოვლათის შექმნას. როცა გვეყოლება მდიდარი და ძლიერი ვაჭარ-მრეწველთა კლასი, გვექნება მათთან ერთად საზოგადო, საერთო საქმე, მაშინ მუშათა საქმეც კაკეთდება... ჩვენ გვესაჭიროება ჩვენი, ნაციონალური ბურჟუაზია, ნაციონალური კაპიტალი. რატომ უნდა იყვნენ კიათურაში უცხოელი კაპიტალისტები? ჩვენი ბურჟუაზია რომ გვეყავდეს, არ სჯობია? სად ვებრძოლოთ ჩვენ უცხოეთში ევროპულ ბურჟუაზიას?.. არა კლასთა ბრძოლა, არამედ კლასთა პარმონია. აი რა ესაჭიროება პატარა საქართველოს. ამჟამად ჩვენ, ქართველებს, ჩვენი განსაკუთრებული ინტერესები გვაქვს. ქართველი მუშა ქართველი მრეწველის მტერი კი არ უნდა იყოს. არამედ თანაშემწე... ჩვენი მიზანია ძლიერი გლეხი, ღონიერი სოფელი... ამისათვის ჩვენ მოვითხოვთ საგლეხო ბანკის დაარსებას...

— სოციალ-დემოკრატები კი, — განაცხადა ფირცხალავამ, — მოითხოვენ გლეხების გალატაკებას. ყველა პროლეტარი უნდა გახდესო. გინდათ თქვენ გაპროლეტარება?

— არ გვინდა გალატაკება! — ყვიროდა ზარასპი და მას ბანს აძლევდნენ მიკიტნები.

— ჰო და სოციალ-დემოკრატებს უნდათ ყველანი გალატაკონ. შემდეგ პეტერბურგში დადგამენ ვეებერთელა ქებას. იმ ქებაში მოხარშავენ ბორშს და იქიდან მიღებით გადმოუშვებენ ცხელ ბორშს თბილისში, ქუთაისში, ქიათურაში. ესაა იმათი სოციალიზმი.

— ტყუილია! დემაგოგიაა! — წამოხტა გიორგი.

— არსად არ სწერია ეს ჩვენს პროგრამაში! — უყვიროდნენ მუშები.

როცა ხმაურობა დაწყნარდა, ტრიბუნაზე გობეჩია იღვა.

— ... ისტორიას მართავს არა კუჭი, არამედ შეგნება... მაღალ ბრწყინვალე სული, იდეა!.. იდეა და არა მატერია... გმირები ქმნიან ისტორიას და არა ბრბო, რომელიც ლუკმა პურის იქით არაფერს ხედავს... ჰეგელი ლაპარაკობდა— ისტორიას მსოფლიო სული ამოძრავებსო... ბრბო უგუნურია. ჩვენ, მსოფლიო სულის გმირებმა, უნდა განვაახლოთ რუსეთი...

— მაშ, ჩვენ უგუნური ბრბო ვყოფილვართ, — გადახედეს ერთმანეთს მუშებმა და დასცეს ერთსულოვნად: — ძირს! ძირს! რას მიჰქარავს?

ტრიბუნაზე გრიგოლ ლორთქიფანიძე იღვა.

— ... ჩვენი პროლეტარიატი ჩამორჩენილია, არაა საკმარისი შეკავშირებული, ამიტომ მას არ შეუძლია მარტო მოახდინოს რევოლუცია. ის უნდა შეუამხანაგდეს ისეთ პარტიას, — რომელიც დაინტერესებულია თვითმპყრობელობის ჩამოგდებათ. ასეთი ძალა არის ბურჟუაზია. ჩვენ და ბურჟუაზიას ამ წამად ერთი მიზანი გვაქვს. მამასადამე, გზაც ერთი უნდა გვქონდეს... რევოლუციის გამარჯვებისათვის არაა საჭირო შეიარაღება და აჯანყება. ეს გზა გავლილი გზაა ევროპისათვის. ახლა ჩვენი მიზანი დემოკრატიული რესპუბლიკაა. ამისათვის ყუმბარები კი არ უნდა დავატრიანლოთ, როგორც მეუმრავლესენი ამბობენ, არამედ კულტურულად, პარლამენტური გზით უნდა ვიბრძოლოთ... ამიტომ არაა საჭირო მეუმრავლესეთა სექტანტობა. თვითმპყრობელობას გასტეხს და კონსტიტუციას მოგვიპოვებს ბურჟუაზიისა და პროლეტარიატის ძალ-

თა კონსოლიდაცია. ბურჟუაზია არ უნდა დავაშინოთ. რევოლუციის მეთაური ბურჟუაზია უნდა იყოს...

მზე თანდათან აჰყრდა. ხალხს ოფლისაგან ჭანლი დასდგომოდა. განწყობილება თანდათან მძაფრდებოდა, მწვავდებოდა. ნერვებიც თანდათან დაიძაბა. გიორგიმ გადახედა მოედანს. მთელი მოედანი თითქოს თავებით იყო მოკენჭილი...

ტრიბუნაზე ავიდა კობა.

ხალისიანი ტაშით შეხვდნენ მუშები.

კობამ ანარქისტებიდან დაიწყო.

— ანარქიზმი თუ სოციალიზმი? აი, ასე დგას საკითხი. მარქსიზმი და ანარქიზმი სულ სხვადასხვა პრინციპებზეა აგებული. ანარქიზმის ქვაკუთხედია პიროვნება. მარქსიზმისა კი მასა, პროლეტარიატი. მასის განთავისუფლება უმთავრესი პირობაა პიროვნების განთავისუფლებისათვის. პიროვნება შედის მასაში. მასა კი თავისთავადია. ამიტომ სანამ არაა განთავისუფლებული მასა, არ შეიძლება პიროვნების განთავისუფლებაც... ლოზუნგი „არავითარი ხელისუფლება“ წვრილბურჟუაზიული, ბუნტარული ლოზუნგია. წესრიგი და ერთმანეთის გაგონება ყველგან საჭიროა. ჩვენ რომ უარვყოთ ორგანიზაცია, უნდა უარვყოთ ჩვენივე პარტიაც. ანარქისტებს ხომ აქვთ საკუთარი პარტია? არის თუ არა იმ პარტიასი რაიმე წესრიგი, დისციპლინა? უჯერიან თუ არა ისინი ერთმანეთს? ალბათ გოგელია უჯერის კროპოტკინს, კროპოტკინი უჯერის წერეთელს, მაგრამ თვითონ წერეთელს ვინ უჯერის, ამისი რამოგახსენოთ.

ხალხში ხალისიანი სიცილი გაისმა.

— სოციალისტ-ფედერალისტების პარტიას თქვენ იცნობთ. შესანიშნავად დაახსიათეს იმათ ლიდერებმა თავისი პარტია ჩვენს წინაშე. რა სთქვეს მათ? ბურჟუაზია უნდა გავაძლიეროთო. რას ნიშნავს ბურჟუაზიის გაძლიერება? მარქსიზმი გვეუბნება: ეს ნიშნავს სამუშაო დღის გადიდებას, ხელფასის შემცირებას.

მუშებში ხმაური გაისმა.

— თქვენ მოგიწოდებენ საკუთარი ბურჟუაზიის შექმნისაკენ. თითქოს სულ ერთი არ იყოს ჭიათურელი მუშისათვის, ვინ ჰყვლევს მას: გელზენკირხერი თუ რომელიმე ქართველი მრეწველი? მაგრამ საქმე ასე მარტივად არ წყდება... დღეს გამძაფრებული კლასთა ბრძოლაა. საკუთარ ბურჟუაზიასთან მშვიდობა ნიშნავს კლასობრივი ბრძოლის უარყოფას და კლასთა შორის პარმონიას. უტოპიაა ეს. გვატყუებენ თან... არა პარმონია, არამედ მძაფ-

რი კლასთა ბრძოლაა საჭირო! არა შეერთება მტერთან—ბურჟუაზიასთან, — არამედ გაძივნაა საჭირო... აი, ჩვენი ლოზუნგი... აქ ილაპარაკეს გლეხობაზე, მაგრამ საკმარისია მარქსიზმის ანბანის ცოდნა, რომ ეს ბავშვური გულუბრყვილობა გაიფანტოს. დღევანდელ ჩვენს პროკლამაციაში არის ამისი პასუხი და თქვენ წიკითხავდით მას... ხოლო რაც შეეხება ბორშს, ეტყობა, ფედერალისტების ლიდერს ბორშის საკითხი უკეთ ესმის, ვიდრე პოლიტაკური ეკონომიისა და მარქსიზმისა...

— ხა... ხა... ხა... — გამხიარულდა ხალხი.

— რაც შეეხება ესერებს, საინტერესო ხალხია, — განაგრძობდა ორატორმა. — მათი აზრით არც თანამედროვე კაპიტალიზმი, არც თანამედროვე კულტურა, არც თანამედროვე ტექნიკა რუსეთისათვის არ არსებობს. მათი აზრით არც მრავალმილიონიანი პროლეტარიატი არსებობს რუსეთში. არც რთული საბანკო-საფინანსო კაპიტალი არსებობს. მათი აზრით რუსეთი ისევ-ისევ ივანე მრისხანეს დროინდელი რუსეთია, სადაც ყველაფერი პრიმიტიულია, როგორც გლეხური თემი. მათი აზრით საკმარისია დახუკო თვალი და სთქვა: რადგან მე თვალი დახუკებული მაქვს და არათერს ვხედავ, გარდა ჩემი იდეისა, არაფერიც არსებობს ჩემს გარშემო. თუ მატერიალური ძალა არაფერია, რათ ჰქმნიან ისინი ტერორისტულ რაზმებს და ორგანიზაციებს? ისინი შეურაცხყოფენ ხალხს, როდესაც უწოდებენ მას უგზურ ბრბოს და უხალხოთ სურათი გაიარჯება. თუ გმირია ყველაფერი, აი ეს გმირები — და მოუტანონ ხალხს ბედნიერება...

— გლეხობაზე რას იტყვით? — გააწყვეტინა გობეჩიამ.

— გლეხობა არ არსებობს, როგორც მთლიანი ერთეული, ამბობს ლენინი. გლეხობაც არის და გლეხობაც. არის გავაჰკრებელი გლეხი, არის მდიდარი და ღარიბი გლეხი. გლეხობა, როგორც კლასი, ყოველწლიურად იშლება. ის ჩამორჩენილი მეურნეობის წარმომადგენელია. როგორ შეუძლია მშრომელ გლეხობას თავი დააღწიოს ექსპლოატაციას? საკუთარი ძალებით? არსად, არც ერთ ქვეყანაში ჩამორჩენილი მეურნეობის ფორმას არ გაუმარჯვნია მოწინავე მეურნეობის ფორმაზე, რაღა რუსეთში უნდა გაიმარჯვოს? სადაც ვითარდება კაპიტალიზმი, იქ ქუცმაცდება გლეხური მეურნეობა. აიღეთ კიათურის ახლო-მახლო გლეხობა და შავი ქვის წარმოება. ვინ არიან მუშები? ე. ი. კაპიტალისტური სისტემის მამოძრავებელი ძალა? გუშინდელი გლეხები.

ვისთან უნდა იყოს კავშირში გლახობა? რასაკვირველია, პროლეტარიატთან.

— გლახკაცობა უმეტესობაა! — შესძახა გობეჩიამ.

— მართალია, გლახკაცობა დღეს უმეტესობაა და ძალიან ღარიბებიც არიან, მაგრამ განა ამაშია საქმე? გლახკაცობა დიდხანია უმეტესობას შეადგენს, მაგრამ სად, რომელ ქვეყანაში გაიპარჯვა გლახობამ მარტოდ მარტო? მარტო ციფრი არას ნიშნავს. გლახკაცობა, როგორც წოდება, დღით-დღე იშლება პროლეტარებად და ბურჟუებად. პროლეტარიატი კი დღით-დღე იზრდება და ჯანღონით ივსება. არც სიღარიბეს აქვს გადამჭრელი მნიშვნელობა. „ბასიაკები“ გლახებზე ღარიბები არიან, მაგრამ ვერაფერ იტყვის, რომ ისინი რუსეთის განთავისუფლებას იკისრებენ. საქმე ისაა, ვინ იზრდება და ვინ ბერდება ცხოვრებაში, და რადგანაც პროლეტარიატი ერთადერთი კლასია, რომელიც შეუჩერებლად იზრდება და სიცოცხლისაკენ მიილტვის, ჩვენი ვალია გვერდით ამოვუდგეთ მას...

ჯერი გრიგოლ ლორთქიფანიძეზე მიდგა. ეს იგრძნო მიტინგმა და თვალი გრიგოლ ლორთქიფანიძეზე გადაიტანა.

—ახლა გადავიდეთ მეუმცირესეთა წარმომადგენელზე. ის ამბობს, რადგან რევოლუცია ბურჟუაზიულია, მისი მეთაურიც ბურჟუაზია უნდა იყოსო. ასე იყოთ ევროპაში, კერძოდ საფრანგეთში. შემცდარი შეღარებაა. მეუმცირესეებს უყვართ ისტორიული ანალოგიები.

— დიახ, გვიყვარს, — დაუდასტურა გრიგოლმა. — ფაქტების ცოდნა საჭიროა.

— ფაქტების ცოდნა არაა საკმარისი, საჭიროა ფაქტების გაგება, — მოუქრა კობამ. — განა თქვენ არ იცით, რომ დასავლეთ ევროპის ბურჟუაზიულ რევოლუციებში ჰეგემონია ეკუთვნოდა ლიბერალურ ბურჟუაზიას და არა პროლეტარიატს? მაშინ პროლეტარიატი არ წარმოადგენდა დამოუკიდებელ პოლიტიკურ ძალას და ასეთი არც შეიძლებოდა ყოფილიყო თავის სისუსტის გამო...

რუსეთში, პირიქით, ბურჟუაზიული რევოლუცია სრულიად საწინააღმდეგო შედეგს იძლევა. რუსეთში რევოლუციამ მოგვცა ბურჟუაზიის, როგორც პოლიტიკური ძალის, არა გაძლიერება, არამედ დასუსტება, მისი პოლიტიკური რეზერვების არა გამრავლება, არამედ მის მიერ ძირითადი რეზერვის დაკარგვა, გლახობის დაკარგვა. ბურჟუაზიულმა რევოლუციამ რუსეთში პირველ რიგში წამოაყენა არა ლიბერალური ბურჟუაზია, არამედ რევოლუ-

ციური პროლეტარიატი და მის გარშემო დარაზმა მრავალმილიონიანი გლეხობა... ამნაირად, ისტორიული ფაქტების მოტრფიალედ შეუმცირესეებს ავიწყდებათ ერთი ისტორიული ფაქტი, რომ საფრანგეთში არ იყო დარაზმული პროლეტარიატი. ისინი ვერ ხედავენ მეორე ფაქტსაც, რომ ჩვენ მრავალრიცხოვანი და შეკავშირებული პროლეტარიატი გვყავს. ლენინი, რუსეთის პროლეტარიატის ბელადი, პირდაპირ ამბობს, რომ ჩვენი რევოლუცია არაა საფრანგეთის რევოლუციის განმეორებაო. ესეც ფაქტია და საჭიროა ამისი გაგება. ფაქტია და საჭიროა იმისი გაგებაც, რომ მოძრაობის ჰეგემონი პროლეტარიატია...

ტარიელმა იდაყვი გაჰკრა პეტრეს და ჩაულაპარაკა:

— ხედავ, როგორ გავიზარდეთ? პერევისაში წესდების პირველ მუხლზე ვდობდით, ახლა პროლეტარიატის ჰეგემონიაზე ვლაპარაკობთ... როგორ მომწონს ეს სიტყვები: პროლეტარიატი: ჰეგემონია...

— ს.. ს.. ს.. — წარბი დაუქნია პეტრემ ტარიელს.

ტარიელი გაჩუმდა და კვლავ ორატორს მიაპყრო თვალი.

— აი, სულ რამოდენიმე თვეა, რაც დასრულდა ჩვენი პარტიის მესამე ყრილობა ლონდონში, — განაგრძო ორატორმა. — ხომ გამომიშუშავა ყრილობამ ტაქტიკური ხაზი? ხომ არის ეს ტაქტიკა ნამდვილი საბრძოლო ტაქტიკა?

— ჩვენ არ ვცნობთ ლონდონის ყრილობას, — უპასუხა გრიგოლ ლორთქიფანიძემ ორატორს. — ჩვენ ვცნობთ ყენევის კონფერენციას.

— ე. ი. ბარიკადებზე ბრძოლას გაუბრბით?

— თუნდაც ასე....

ხალხში ჩოჩქოლი ატყდა. ტარიელი წამოვარდა და დაიძახა:

— როგორ, ამხანაგო გრიგოლ, ნამდვილ ბრძოლას გაუბრბობხართ? მაშ რა ვქნათ?

ეტყობოდა, ტარიელის შეკითხვა დიდი უმრავლესობის აზრს გამოხატავდა. ყველგან, მთელი ამ ფართო მინდვრის სიგრძე-სიგანეზე, აღშფოთებული ხმები გაისმა:

— რატომ არ სცნობთ? ყრილობას არ სცნობთ?

ორატორი შეჩერდა. ის არ ჩქარობდა. ეტყობოდა, მას რაღაც თავისებური, სხვა ორატორისათვის უჩვეულო ხერხი ჰქონდა.

— იმიტომ არ ვცნობთ, რომ ლონდონის ყრილობა მეუმრავლესეთა ყრილობა იყო, — უპასუხა გრიგოლმა ხალხს. — მეუმრავლესენი აფრთხობენ ლიბერალურ ბურჟუაზიას. მთავარია არ და-

აფრთხო ლიბერალური ბურჟუაზია შენი რევოლუციურობით, ვინაიდან თუ იგი რევოლუციას ზურგს შეაქცევს, რევოლუცია დასუსტდება.

— ჩვენ გეყავს ძლიერი მოკავშირე, გლენობა, — გაუსწორა გუცამ.

— პროლეტარიატი გლენობას კი არ უნდა დაუახლოვდეს, არამედ ლიბერალურ ბურჟუაზიას.

კრება კვლავ შეირხა. აქ ბევრნი იყვნენ ისეთნი, რომელთაც ცალი ფეხი სოფელში ედგათ.

— მაშ, ჩვენ არაფერი ვყოფილვართ, ბატონო გრიგოლ! — საყვედურით შეეკითხა ვილაც ქალი. — თქვენ რატომ ფაქრობთ, რომ გლენობა არ გამოადგება რევოლუციას?

ტარიელს ხმა ემცნაურა, და წინ გაჩერებულ მუშას უთხრა:

— გაიწი, შე კაცო, რავა დეკანოზის ჯოხივით ამეყუდე წინ!

— შენ თუ გინდა, მე არ მინდა ყურება თუ? კაი ქალია ვილაცა...

ტარიელი თითის წვერებზე შედგა და კინალამ დაიყვირა. ის ქალი სალომე იყო.

ამაყად, გამომწვევად იდგა სალომე. თავშალიდან თმის ერთი ნაწნავი ლამაზად გადმოშლოდა და ლოყაზე გადმოწოლოდა. ეტყობოდა, გაბრაზებული იყო სალომე.

— რა ცალი მყავს? — გაიფიქრა ტარიელმა და ამაყად გაღახედა კრებას, თითქოს მთელმა კრებამ იცოდა, რომ სალომე მისი ცოლი იყო.

აქამდე დაღუმებული გიორგიც წამოდგა წინ. აშკარა ბრაზით უთხრა გრიგოლს:

— მე ვფიქრობ, გლენობა პროლეტარიატის ბუნებრივი მოკავშირეა. გლენობა ვერ შესძლებს თავიდან მოიშოროს მემამულეები და მიიღოს მემამულეთა მიწა რევოლუციის სრული გამარჯვების მიუღწევლად. ასე არაა? ასე არ უნდა იმოქმედოს სოციალ-დემოკრატიამ?

— არა! — უპასუხა გრიგოლმა. — შესაძლებელია, რომ რევოლუციამ გაიმარჯვოს, მაგრამ სოციალ-დემოკრატია გამარჯვების შემდეგ განზე უნდა გადგეს, რათა ლიბერალური ბურჟუაზია არ დააფრთხოს...

— დაუეინია ეს ლიბერალური ბურჟუაზია, — გაისმა აქეთიქით უკმაყოფილო ხმები. — ბარემ გადაბარგდით კადეტებში აშკარად.

კობამ ხელი ასწია. ეტყობოდა, გამოზომა ის წერტილი, სადაც კრების სადავე კელავ ხელში უნდა აეღო. ჩამოვარდა სიჩუმი.

— აი ხალხის პასუხი, — შეაჯამა ხალხის შესიტყვების აზრი კობამ. — საინტერესოა, რომ მეუმრავლესეთა ტაქტიკური საზომი სწორედ ასეთი იყო მესამე ყრილობაზე. რას გვეუბნება ეს? იმას, რომ ჩვენი აზრი ხალხის აზრია; იმას, რომ ყრილობის ტაქტიკური ხაზი სწორია... იმას, რომ რევოლუცია მხოლოდ მაშინ გაიმარჯვებს, თუ მას სათავეში ჩაუდგება პროლეტარიატი, თუ პროლეტარიატი, როგორც, რევოლუციის ბელადი, შესძლებს უზრუნველყოს კავშირი გლეხობასთან, თუ ლიბერალური ბურჟუაზია განცალკევებული იქნება, თუ სოციალ-დემოკრატია აქტიურ მონაწილეობას მიიღებს ცარიზმის წინააღმდეგ სახალხო აჯანყების მოწყობის საქმეში, თუ ძლევამოსილი აჯანყების შედეგად შეიქმნება დროებითი რევოლუციური მთავრობა, რომელიც შესძლებს აღმოფხვრას კონტრრევოლუციის ფესვები და მოიწვიოს საყოველთაო-სახალხო დამფუძნებელი კრება, თუ სოციალ-დემოკრატია უარს არ იტყვის ხელსაყრელ პირობებში მონაწილეობა მიიღოს დროებითს რევოლუციურ მთავრობაში, რათა რევოლუცია ბოლომდე მიიყვანოს...

— ჩვენ წინააღმდეგი ვართ შეიარაღებული აჯანყების, — წამოიძახა გრიგოლ ლორთქიფანიძემ.

— ჩვენ კი გადაჭრით მომხრე ვართ შეიარაღებული აჯანყებისა, — უპასუხა კობამ. — ლენინმა თქვენს ტაქტიკას „რევოლუციის გამციმლობის ტაქტიკა“ უწოდა. ლენინმა გამოუშვა წიგნი „სოციალ-დემოკრატის ორი ტაქტიკა დემოკრატიულ რევოლუციაში“. ამ წიგნში ცარიზმის დამხობისა და დემოკრატიული რესპუბლიკის მოპოვების უმნიშვნელოვანეს საშუალებად ლენინს ხალხის ძლევამოსილი შეიარაღებული აჯანყება მიაჩნია.

— ეს ბლანკიზმია! — დაუძახა გრიგოლმა.

— ეს რევოლუციაა! — უპასუხა კობამ. — საკმარისი იყო სიგნალი პეტერბურგიდან, საკმარისი იყო რევოლუციის დროშა აშვებულიყო პეტერბურგში, რომ რუსეთის პროლეტარიატი, რუსი, პოლონელი, ქართველი, სომეხი, თათარი თუ ბერძენი, — ყველა ფეხზე დამდგარიყო და სალამი გაეგზავნა პეტერბურგელ ამხანაგებისათვის, თითქოს პირი შეუტრავთ, თითქოს ერთმანეთისათვის სიტყვა მიუციათო — ისე ერთხმად ადგნენ და ბრძოლა გამოუცხადეს მეფის თვითმპყრობელობას... ეს კი იმას ნიშნავს, რომ

პროლეტარიატს სწყურია რევოლუცია. მას მთელი თავისი სულის ძაფებით უნდა რევოლუციის მოხდენა...

— ოჰ! — ამოიხსრა გიორგიმ.

— როცა პეტერბურგელი მუშები სიხლსა ღვრიდნენ და ბარკადებზე იბრძოდნენ, ჩვენ აქ ჩვეულებრივად ვმუშაობდით და ყურსაც არ ვიბერტყავდით...

— ... ჩვენ ცალცალკე ვიბრძოდით, ჩვენ სხვადასხვა დროს გამოვედით მოედანზე, და ამიტომ შესძლო მტერმა ჩვენი გაფანტვა. ჩვენ არა გვქონდა იარაღი. ჩვენ ცარიელა ხელებით ვიბრძოდით და იმიტომ გაიმარჯვა მტერმა. „იარაღი, იარაღი, ოჰ, იარაღი მოგვეცით!“ — აი რას იძახდა გაათრებულნი პროლეტარიატი. ის ხედავდა თავის მტერს და კბილებს ახრქიალებდა მასზე, ის მამაცურად ებრძოდა მას... ეს კი იმას ნიშნავს, რომ ჩვენთვის შეიარაღებაა საჭირო, რომ ჩვენთვის საჭიროა იარაღი ავისხათ დაერთა და იმავე დროს გამოვიდეთ მოედანზე. აჯანყების მოწყობა — აი, რაშია ჩვენი მიზანი, აი რას უნდა ცდილობდეს დღეს რუსეთის პროლეტარიატი პარტია!..

ღიახ, აზხანაგებო, ჩვენი პარტიის პირდაპირი მოვალეობაა აჯანყება მოაწყოს...

მხოლოდ მაშინ, როცა ჩვენი პარტია აჯანყებას მოაწყობს და, მაშასადამე, პროლეტარიატი რევოლუციის ნამდვილ ხელმძღვანელად გამოვა. მხოლოდ მაშინ შეგვეძლება რიგიანი ვისარგებლოთ ძველი წესების დაღწევით, მხოლოდ მაშინ შეგვეძლება ღონივრად მოვიმაროთ ფეხი მომავალ თავისუფალ რუსეთში და ღირსეულად გავიკაფოთ გზა იმ „აღმქმული ქვეყნისაკენ“, რომელსაც სოციალისტური ცხოვრება ეწოდება!..

კრებამ თავისუფლად ამოისუნთქა, მხიარულად დაიგეგუნა. აშკარა იყო, ორატორს კრების გულიდან ამოჰქონდა თავისი სიტყვები.

— აი, როგორ უნდა რევოლუცია. მეუმიცირესებს კი ეშინიათ რევოლუციისა. ისინი ლაჩრები არიან. მეუმიცირესენი არსებითად ბურჟუაზიის მაჩანჩალები არიან.

— მაშ, ჩვენს მხარეზე რათ არიან მუშები ზოგიერთ ქალაქში? — მიაძახა ლორთქიფანიძემ.

კობამ გაიცინა.

— დიად, მართლა „უმცირესობის“ მხარეზე არიან მუშები ზოგიერთ ქალაქში, მაგრამ ეს არაფერსაც არ ამტკიცებს. რევოლუციონისტების — ოპორტუნისტებია გერმანიაში — მხარეზედაც არიან მუშები ზოგიერთ ქალაქში, მაგრამ ეს კიდევ იმას არ ნიშნავს,

რომ მათი პოზიცია პროლეტარულია. ეს კიდეც იმას არ ნიშნავს, რომ ისინი ოპორტუნისტები არ არიან. ერთხელ ყვავამაც იშოვა ვარდი, მაგრამ ეს კიდეც იმას არ ნიშნავს, რომ ყვავი ბულბულია. ტყუილად კი არ არის ნათქვამი:

„რა ყვავი ვარდსა იშოვის,
თავი ბულბული ჰგონია“....

სიცილი. გუგუნი. შეძახილები. ვაშა.

ზაქარია გურულმა გადახედა თავის ხუნხუზებს, მაგრამ წასი-სიანება ვერ გაბედა. ძალთა უთანასწორობა აშკარა იყო.

— მე ვამთავრებ, ამხანაგებო! თქვენ მოისმინეთ ყველა პარტიების აზრი და უნდა გადასკრათ: ვინაა მართალი? ვის ემხრობით? უპირველესად თქვენ მოგმართავთ, ამხანაგო მუშებო! მინდა გაგახსენოთ ერთი ზღაპარი. იყვნენ მღვეი და კაცი. ისინი გააფთრებით ებრძოდნენ ერთმანეთს. იყო ერთი დედაბერიც. როცა მღვეი და კაცი ერთმანეთს ექიდავებოდნენ, დედაბერი იქვე გაჩნდებოდა და კაცს ფეხებში წყალს უსხამდა, რომ ჭიდაობის დროს ფეხი დასხლტომოდა და წაქცეულიყო. მღვეს კი, პირიქით, ფეხის მოსამაგრებლად ნაცარს უყრიდა ფეხებში. კაცმა უშვა მღვეს ხელი, ეცა დედაბერს და მოჰკლა. კაცმა რომ დედაბერი მოიშორა თავიდან, ეცა მღვეს, გამოჰკრა სარმა და ყირამალა გადააკოტრილა. აი, ამხანაგო მუშებო, კაცი — ეს თქვენა ხართ, რომელსაც მღვეის სახით გეჭადავებთ და გებრძვით ბურჟუა-კაპიტალისტები. დედაბერი თვითმპყრობელობაა, რომელსაც ზურგს უმაგრებს ბურჟუაზიული პარტიები. აი, პირველყოფლისა ეს დედაბერი უნდა მოვსპოთ ძირბუდიანად და შემდეგ კი დავარტყათ ჩვენს მოსისხლე მტერს, ბურჟუა-კაპიტალისტებს. დავარტყათ ისე კი არა, რომ წელი აუთრიოთ. არა, თავი გაუჩიქოთ, გავსრისოთ, რომ სამუდამოდ მოვსრათ მათი სინსილა. რომ მათ ნანგრევებზე, თქვენ, მუშებო, შექმნათ ახალი ქვეყანა!..

დიდხანს გრიალებდა ვაშა და ჰქუხდა აღტაცებული ხალხი. ხალხი რომ ოდნავ დაწყნარდა, თავმჯდომარემ მიმართა: — ვინა ხართ მეუმრავლესეთა მომხრე, გადადექით მარცხნით. მარცხნით გადაწვა დიდძალი ხალხი.

სტეპკო ინწყირველმა შთაგონებით უთხრა კომიტეტის წევრებს:

— ამხანაგებო, დღეს ჩვენ ვიყავით ისტორიულ მიტინგზე! ამიერიდან ჭიათურა მეუმრავლესეთა ციხე-ბურჯია... ეს ციხე ამხანაგმა კობამ ააგო...

შავრაჯმელები წითელ სამოსელში

მდევის ზღაპარი ელვის სისწრაფით მოედო მთელ საქართველოს. პარტიათა შეჯახება ყველგან ხდებოდა, პარტიათა ბრძოლა აღელვებულ ზღვასავით ეხეთქებოდა ძველი ქვეყნის ნაპირებს. მთავარი ის იყო, ამ ბრძოლაში გადამწყვეტ დროს ვის გაჰყვებოდა ხალხი, რომელ პარტიას. მდევის ზღაპარმა ცხადჰყო, რომ საქართველოს მუშათა კლასის ღონიერი და ძლიერი ბურჯთავანი—ჭიათურა — მეუმრავლესეთა ხელშია. ჩაფიქრდნენ მეუციირესენი. საჭირო იყო ამ ბურჯის მოშლა, რომ ბრძოლას მოედანი მეუციირესეთ დარჩენოდათ. მაგრამ როგორ მოეშალათ? პარდაპირი ბრძოლა წააგეს. ხალხი არ გაჰყვა მათ. ჭიათურა რაა, სხვა ადგილებშიაც ჩაფიქრდნენ მდევის ზღაპარზე..

ზაქარია გურულმა არც აცია, არც აცხელა და შეადგინა „ხუნ-ხუნების“ რაზმი, შეაიარაღა რაზმელები კეტებით, ხანჯლებით, მიუსია მეუმრავლესეებს. არგუმენტის როლი ტუქსა და ხანჯალს დაეკისრა.

კობა აღშფოთდა. მეუმრავლესეთა ჭიათურის ორგანიზაციაში გადაწყდა საგანგებო პროკლამაცია გამოემშათ იდეური ბრძოლის დამახინჯების წინააღმდეგ. კომიტეტი ისე იყო აღშფოთებული, რომ სანამ კობა პროკლამაციას სწერდა, კომიტეტის წევრები არ დაიშალნენ. ისხდნენ და ელოდნენ. კომიტეტის წევრები ისეთის დაძაბვით და სულგანაბვით ელოდნენ, რომ მათ თითქოს ესმოდათ კიდევ მეორე ოთახში კობას კალმის იერიშები ქაღალდზე.

— თითქოს იმ ოთახში შეილი მებადება,—ჩაილაპარაკა გიორგიმ და გადახედა ამხანაგებს.

— შე კი ასე მგონია, თითქოს იმ ოთახში ხმალს სჭედავს ჩენი კობა, — ჩაიჩურჩულა ელეზნიმ.

მაგრამ ელეზნის ჩურჩული არ გამოუვიდა. მას ბოხი ღონიერი ხმა ჰქონდა და ჩურჩულის ნაცვლად მაღალი ხმა გამოვიდა.

გაიცინეს და კიდევ დადუმდნენ. ფაცია გალდავა ღია ფანჯარასთან იდგა და ხელში ყვავილს ათამაშებდა. ის ფურცლავდა ყვავილს და რაფაზე აწყობდა. როცა დაწყობა გათავდა, გაიცინა. სტეპკომ თვალი შეავლო ფაციას ლიმილს და დახედა რაფას.

რაფაზე ყვავილის ფოთლებიდან გამოყვანილი იყო არცთუ ორი, არცთუ ერთი სიტყვა:

„ხალხი — კობა“...

კარი რომ გაიღო, ფაციათ ფოთლები აშალა და კობას მიაჩერდა. კობამ წერილი გაუწოდა.

— მზადაა! — სთქვა კობამ. — ახლა ფაციაზეა საქმე.

— წაგვიკითხე! წაგვიკითხე! — შემოესვივნენ კობას.

კობამ დაიწყო:

„პროლეტარებო ყველა ქვეყნისა, შეერთდით!

კავკასიის კავშირი რ. ს. დ. მ. პ.

„შავრაზმელები წითელ სამოსელში.“

„ჭიათურელ უმცირესობის ზოგიერთ „ბელადთა“ აღვირახსნილობამ კიდევ ერთხელ იჩინა თავი, კიდევ ერთხელ გაქელეს მათ ტალახში ყოველივე პარტიული ზნეობა და გამოააშკარავეს თავისი ნამდვილი სულიგნური ვინაობა. ვინც კი მათი პარტიული „მოღვაწეობის“ წარსული იცოდა, მას აქნობამდინაც შეეძლო მათ სოციალ-დემოკრატიულობაში ექვი შეეტანა, რა სხვა — თავის გულში თვითონაც დარწმუნებულნი არიან, რომ მათი ალავი შავრაზმეში უფროა, ვიდრე სოციალ-დემოკრატიულ ორგანიზაციაში. მაგრამ ვინც-კი მათი „გმირობის“ უკანასკნელ ნიმუშს გაიგებს, იმას, თუ ფანტიკოსობას მთლად არ დაუბრმავებია, ექვიც აღარ დარჩება, რომ ადაწიანობის ყოველ ნიშანწყალს მოკლებულ სულიგნებთან აქვს საქმე.

„აი ეს ახალი ნიმუშიც: მღვიმევის რაიონში 28 სექტემბერს მელმცირებეთა კრებაზე, რომელიც ჭიათურელ „ბელადების“ მ. წ — ის და ზ. ჩ — ს მეთაურობით მოხდა (უკანასკნელ ბელადს თბილისში „მეხაშის“ ფსევდონიმით იცნობენ; ქალაქის გამგეობაში მუშების დახოცვის დროს საზიზლარი როლი ითამაშა, რის გამოც იძულებული შეიქნა თვით მეუმცირესე მუშების ზიზლსა და წყრომას თბილისიდან ჭიათურაში გამოქცეოდა), რომელზედაც რამდენიმე მეუმრავლესე მუშა დაესწრო. „ბელადებმა“ თავისებურად ხულიგნურად დაახასიათეს უმრავლესობა, რამაც ერთი ახალგაზრდა მეუმრავლესე მუშის პროტესტი გამოიწვია. ბელადებმა მიმართეს შეუგნებელ მუშების დაბალ გრძნობებს და მათმა დემაგოგიამ ის ნაყოფი გამოიღო, რომ ხალხი მივარდა პროტესტის გამომცხადებელს და ნამდვილი აზიური გამძვინვარებით სცემა: გაუტეხეს თავი, პირისაზე დაუსისხლიანეს და დაუსიეს, გვერდებში ცემით გულშეწუხებული ფერღობზე გადააგდეს... მეტს აღარ გამოუვლდებოდა ამ მხეტური სცენის აწერას.

„ამხანაგებო! ვისაც კი ძვირად უღირს ჩვენი პარტიის ბედ-იღბალი, მისი სახელი, ძლიერება და მისი მომავალი, ვისაც სამასლა-

ათოდ კი არ გაუზებირებია, არამედ მთელი თავისი არსებით შეუ-
სისხლსორცებია მისი დიდებული იდეალები, ვისაც ჩვენი წმინდა
დროშის ჩირქმოცხება გულზე (წვავე ქრილობაღ დაახნდება,
ის გულგრილად არ შეხედავს ზემოთ მოყვანილ საზიზღრობას...

„ძველი წამხდარი საზოგადოების გახრწნილი ნაძირალნი.
ძველს უზნეობაზე და მუშტის უფლებაზე აღზრდილნი; მკლავა-
ძეები, რომლებმაც გუშინ არ იცოდნენ სად გაქცეოდნენ სოციალ-
დემოკრატიულ მხილებას, რომელ ბნელში შეეთარებინათ თავი...
გონებითაც ისე ლატაქნი, როგორც ზნეობით, რომლებსაც არც
ერთ ბურჟუაზიულ წრეშიაც კი არ მიიღებენ, — ღღეს ესეთი პი-
რები სოციალ-დემოკრატიულ ორგანიზაციას ბელადობენ და თა-
ვისი ძალ-მომრეობის მსხვერპლად სიმართლის გაგების მწყურ-
ველ მუშას იხდიან! რა მიზანი აქვს მათ შესეღას მუშათა პარტია-
ში? მხოლოდ ერთი — თავისი დაბალ გრძნობების ათამაშება,
მხეცური ინსტიქტების ნაყარდი და გარყვნილების გესლის შეტა-
ნა მუშათა წრეში...“

„ნათუ, ამხანაგებო, ჩვენ გულზელდაკრეფილი ვუყურებთ ასეთ
დაღუპვას და გათახსირებას ჩვენი პარტიისას? ყოელას, ვისაც
პროლეტარიატის სული უდგია, განურჩევლად მიმართულებისა,
ვისაც პარტიულ უთანხმოებაში მხოლოდ სიმართლის კლევება-ძიება
აინტერესებს, მოგიწოდებთ: ზიზლი და პროტესტი გამოუცხადეთ
ზევით აწირილ ძალმომრეობის მომქმედთ. განღეენეთ იკინი
თქვენი წრიდან და ნუ შეალახვინებთ ჩირქმოუცხებელს ჩვენს
დროშას. ზიზლი წითელ სამოსელში გახვეულ შავრაზმელებს!

„ქიათურის მუშათა სოციალ-დემოკრატიული ორგანიზაცია
იმერეთ-სამეგრელოს კომიტეტისა“...

გამგზავრება

შუქიანი დილა იყო.

ვაგზალი სავსე იყო ხალხით. ყველგან იმედიანი თვალები, მო-
ლიმარი სახეები. ხმამაღალი სიცილი.

არსად სჩანდა ყანდარმი. არც ეპოლეტებიანი ვინმე. მათ მა-
გიერ შეიარაღებული სახალხო რაზმელები ამაყად იღვნენ ბა-
ქანზე, წყობილებაში.

ამაყად თავაწეული მუშები ხალისით დასეირნობდნენ ბაქანზე-
წითელი ბანტები მკერდზე, ქილებზე.

წითელი დროშა ვაგზალზე. ვაგონებზე.
ყვავილები. თაიგულები. მწიფე ხილი ხელიდან ხელში მოსა-
კითხი, მოსალოცი. არასოდეს უნახავს შავიქალაქის ვაგზალს
ასეთი დილა.

ერთ ვაგონთან მხიარული სიცილი და ხალისიანი შეძახილები
ესმოდა.

ამ ვაგონთან იდგა კობა და გარს შემოხვეოდნენ ფაცია, სტეპ-
კო, პეტრე, გიორგი, ტარიელი, გუცა, „ჟელეზნი“.

— მაშ ასე, ამხანაგებო! — უთხრა კობამ გარსშემორტყმულ კო-
პორტას. — ჩემს მაგივრად ორგანიზაციის ხელმძღვანელად ვტო-
ვებ ამხ. მიშა დავითაშვილს.

და ხელი დაადო მხარზე შავ თმაწვერში ჩაფლულს ჭკვიან-
თვალეზიან კაცს, გლახურად რომ ეცვა და თუშური ქუდი რომ
ეხურა.

— ღამეს არა ჰგავს? — გაიხუმრა სტეპკომ. — დავარქვათ მაგას
„დაღამდა“.

— ხა... ხა... ხა... ზედ გამოჰკრილია! — გაიცინეს და მიშას
სიყვარულით და მალული მორიდებით შეხედეს.

იცოდნენ მისი დიდი და ღრმა მომზადება.

— მე კი „დრახინას“ ვეძახი, — სთქვა კობამ. — მაშ, ჩემო
„დრახინ“, შენ იცი აქაურობა!

„დრახინამ“ გაიღიმა. თეთრმა კბილებმა ელვასავით გაიღვეს
შავ სახეზე.

მეორე ზარი რომ დაჰკრეს, სიცილი შესწყდა. გამცილებელთა
თვალეზი სევდა ჩამოწვა. ეძნელებოდათ საყვარელი მასწავლებ-
ლის დაშორება.

— მშვიდობით, ამხანაგებო! — და კობა ვაგონის ბაქანზე ავიდა.
ფაციამ წითელი ვარდების თაიგული გაუწოდა.

უცებ... ახ, ვინ მოაწყო ეს? სტეპკომ? მიშამ? თუ ყველამ ერ-
თად?

სახალხო რაზმელებმა წყობილება გაშალეს მთელი ბაქნის სიგ-
რძეზე. „ჟელეზნიმ“ განკარგულება გასცა:

— სმენა! სწორება პირდაპირ! სა-პა—ტიოდ!

სახალხო რაზმელებმა თოფი მოიმარჯვეს.

კობამ ხელი ჩაიქნია და ვაგონში შევიდა. ვაგონიდან მოადგა
ფანჯარას.

დაჰკრეს მესამე ზარი.

ხალხი მოაწყდა რაზმელების მწყობრს და გაისმა გუგუნის:

„ზურგი ვაქციოთ ძველ ადათ-წესებს,
ჩამოვიბერტყოთ ფესზე მის მტვერი“...

მატარებელი ბაქანს რომ გასცილდა, კობა დაჯდა. მოიხედა. სახალხო რაზმელების ათეული „ქელეზნის“ მეთაურობით კუბეში იჯდა. კობას ეოცა. „ქელეზნიმ“ მორცხვად გაუღიმა. გაიღიმა კობამაც.

მიხვდა: ხალხი იცავდა თავის ბელადს...

ბოლოსიტყვა

ამის შემდეგ ჭიათურა და მისი რაიონი ბოლშევიკების მიუვალ ციხე-სიმაგრედ იქცა. ჯერ 1905 წ. მათ მიიღეს აქტიური მონაწილეობა ალიხანოვის დამსჯელ რაზმთან ბრძოლაში, როგორც წიფაში, ისე სხვა ადგილებში (ზესტაფონი, შორაპანი და სხვ.). გაშმაგებული რეაქციის დროსაც არ შეუწყვეტია ბრძოლა ჭიათურის ბოლშევიკურ ორგანიზაციას. მაგალითად, 1913 წ. მოხდა დიდი გაფიცვა, რომელმაც სამ თვეს გასტანა. გუბერნატორიც კი გახდა იძულებული ჩამოსულიყო ჭიათურაში, მაგრამ დიდი ბელადის მიერ ფუძემყარებულმა ორგანიზაციამ თავისი გაიტანა, და გაფიცვა გამარჯვებით დამთავრდა.

მართალია, მსოფლიო ომის დროს შესწყდა შავი ქვის წარმოება, მუშებიც დაიქსაქსნენ, დარჩა მათი მცირედი ნაწილი, მაგრამ ბოლშევიკური მუშაობა მაინც არ შეწყვეტილა, როგორც თვით ჭიათურაში, ისე ახლომახლო სოფლებში და თვით მთელს ყოფილ შორაპნის მაზრის გლეხთა შორის.


1917 წლის თებერვლის რევოლუციის შემდეგ საქართველოში ხელისუფლება მენშევიკებს ჩაუვარდათ ხელში და როგორც მოეპრიანებოდათ, ისე ანიავებდნენ სახალხო ჭონებას.

„სამინელი იყო მაშინ ბოლშევიკების მდგომარეობა, — იგონებს ერთი ძველი მუშა, — მენშევიკები შეუბრალობლად სდევნიდნენ, ავიწროებდნენ და ატუსაღებდნენ ბოლშევიკებს და ბოლშევიკურად განწყობილ მუშა-გლეხებს. აღსანიშნავია ის გარემოება, რომ სდევნიდნენ მხოლოდ ბოლშევიკებს, დანარჩენ პარტიებს კი ცივ ნიავსაც არ აკარებდნენ...“.

მხოლოდ დიადი ოქტომბრის სოციალისტური რევოლუციის შემდეგ ამოისუნთქა თავისუფლად ხალხმა, და ჭიათურაც დაადგა დიდი სოციალისტური მშენებლობის ფართო გზას. ოდესღაც უდა-

ბნო ჭიათურა დღეს პატარა ქალაქთა რიგებში ერთი საუკეთესოდ მოწყობილ ქალაქთაგანია. გზები, ბაღები, ხიდეები, განათება, კანალიზაცია, წყალსადენი, საავადმყოფო ბევრად უფრო გაუმჯობესებული და გაფართოებული, ვიდრე ოდესმე, ბიბლიოთეკა-სამკითხველო, სასწავლებლები, ტელეფონი, თეატრი, კინოს ახალი შესანიშნავი შენობა, სასაკაო, აბანო და სხვა სამრეწველო და საცხოვრებელი შენობები ამშვენებენ დღევანდელ ჭიათურას. აგრეთვე თვით მდარობებთან საცხოვრებელი სახლები, აბანოები, სასადილოები, კლუბები, სამკითხველოები, საპაერო გზები, მექანიზირებული გვირაბები,—ეს ყველაფერი საბჭოთა ხელისუფლების დროს მონაპოვარია.

და რაც ყველაზე უფრო ძვირფასია, ჭიათურის ბოლშევიკურმა ორგანიზაციამ გამოზარდა ჩვენი ქვეყნის სასახლო შვილის ლაერენტი ბერიას ხელმძღვანელობით ძლიერი ბოლშევიკური კადრები სპეციალისტებისა და თანამედროვე ინტელიგენციისა. ესენი პირველ რიგში დგანან რესპუბლიკის მოწინავე ადამიანებს შორის და მალღა უჭირავთ ძლევამოსილი დროშა ლენინ-სტალინის პარტიისა.



შ ი ნ ა ა რ ს ი

ნაწილი პირველი

წინათ და ასლა	7
შავი ქვის აღმოჩენამდე	11
ვინ აღმოაჩინა შავი ქვა	15
ორი სიტყვა შავი ქვის მრეწველებზე	16
რკინიგზის გაყვანის შემდეგ. თეატრი	18
მუშა-ხელი	20
პირველი გაფიცვა	28

ნაწილი მეორე

ჩამოსვლა	32
ბრძოლა სწყურიათ	36
მატიანე	40
მახე	45
ათისტაეი	48
განაწესი	50
პერევისა	51
ზრდა	82
სტამბა	86
პროკლამაცია	91
სალომეს ხანჯალი	94
კერეხი	98
ჩვენ და ტირილი?!	102
მღეის ზღაპარი	109
შავრაზმელები წითელ სამოსელში	121
გამგზავრება	123
პოლოსიტყვა	125